

ዲያሱ ማፃአፖ ዓይያ ካር

ሙሴ በዘ ጌሊ ዶኦሪነቱ፣ ዲያሱ ዲሰራዔኤሌ ዳር ዔኪ ዓኣጳም ሶሎና ዔያታ ባሺ ካእናኔ ዓጮ ዎይቲ ዓርቄቲያ ኬኤዛ ሃይሴ ሃኖ ዲያሱ ማፃአፖይዳ ዓኣያኬ፤ ሃኖ ማፃአፖይዳ ፃኣፒነቲ ጳኤፖ ጳኤፖ ሃይሶ ባኣካፓ ዓኣፖ ማዔ ባኮንሢ፡- ዲሰራዔኤሌ ዓሶኮ ኮርዳኖሴ ዎሮና ፒንቁያ፣ ዲያርኮ ካታሞኮ ኬኤሎ ዲያ ደዒያ፣ ዓዪ ጌይነታ በዘ ዔያታ ሶልቲ ሶሎነታ ዳራ ሶኦሲና ዎላ ጫኣቄ ጫኣቁሞኮ ጊንሣ ዓካዲያዎ ኬኤዛያኬ። ሃኖ ማፃአፖይዳ ሚርጌና ዔርቲያ ማዔ በዘይዳፓ ፔቲዛ «ዲንሢ ካኣሸካንዳ ባኮ ሃኖ ደኣሩዎቲ፤ ታኣና ታ ማኣር ዓሶና ጋዓንቲ ናንጊና ናንጋ ጎዳ ኑ ካኣሸካንዳኔ» (24:15) ጋዓ በዘኬ።

ማፃአፔላ ዲማ ዲማ ዓርቄ ባኮ

ካእናኔ ዓጮኮ ሶሎና ባሺነቲያ (1:1—12:24)

ዓጮ ጊሸኪያ (13:1—21:45)

1. ኮርዳኖሴ ዎሮኮ ዓባ ኬሰካ ዛሎ ዓጮ (13:1-33)
2. ኮርዳኖሴ ዎሮኮ ዓባ ጌላ ዛሎ ዓጮ (14:1—19:51)
3. ዓኣሺነቲ ቶሎ ካታሞ (20:1-9)
4. ሌዊ ዓሶ ካታሞ (21:1-45)

ዓባ ኬሰካ ዛላ ዳዔ ዓሶኮ ፔ በዘ ማዒ ዳንዲያ (22:1-34)

ዲያሱ ዔልቃሜ ዔልቃሞ (23:1-16)

ሴኬሜይዳ ጫኣቁሞኮ ጊንሣ ዓካዲያ (24:1-33)

ናንጊና ናንጋ ጎዳ ዲያሱ ዓይሢ ባኮ

1 ናንጊና ናንጋ ጎዳኮ ዓይላሢ፣ ሙሴ ሃይቁሰካፓ ሙሴ ማኣዲ ማኣዲ ማዳ ኔዊ ናኣዚ ዲያሱም ናንጊና ናንጋ ጎዳ፡-

2 «ኔ ዔራሢፕዲ ታ ዓይላሢ ሙሴ ሃይቄኔ፤ ዓካሪ ኔናነታ ዲሰራዔኤሌ ዳርነታ ቢያ ጊኣጊነቲ፣ ታኣኒ ዲሰራዔኤሌ ዓሶ ዳካልሳንዳ ዓጮሎ ጌላኒ ኮርዳኖሴ ዎሮና ፒንቁዎቲ።

3 ሙሴም ታ ኬኤዜ ጎይያና ዲንሢ ዳንዲ ሄላ ዓጮ ቢያ ታ ዲንሢም ዲንጌ።።

4 ዲንሢ ዓጮኮ ዛጳ፡- ዶኦሎ ዛሎና ዓኣ ዓሲ ናንጉዎ ቦኣላፓ ዓርቃያ ኬዶ ዛላ ዓኣ ሊባኖኦሴ ዱኮ ሄላንዳኣና፤ ሃሣ ዓባ ኬሰካ

ሱካ ናንገና ናንጋ ጎዳ ዓይላሢ ሙሴ ዒንሢም ዒንጌ ዓጮይዳ ናንጋንዳኔ» ጌዔኔ።

16 ዔያታ ዲያሱም ማሃዎ፡- «ኔ ኑም ከኤዜ ባኮ ቢያ ማዲ ኑ ኩንሃንዳኔ፤ ሃሃ ኔ ኑና ዳካ ቤዘዋ ቢያ ኑ ዳንዳንዳኔ፤

17 ዋንዴ ሙሴም ኑ ዓይሢንታሢጉዲ ኔኤማኣ ኑ ዓይሢንታንዳኔ፤ ናንገና ናንጋ ጎዳ ማዔ ኔኤኮ ጾኦዛሢ ሙሴና ዋላ ማዔሢጉዲ ኔኤና ዋላኣ ማዎንጎ!

18 ኔ ቢታንቶ ማኪ ዒፃያና ኔ ዓይሣ ባኮ ቢያ ማዲ ኩንሡዋያ ዓኣቶ ዋዋዲንቶንጎ፤ ኔኤኔ ጋዓንቲ ዶዴ!» ጌዔኔ።

2

ዲያሱ ዲያርኮ ሙሮም ዳኪ ዓሶ

1 ዬካፓ ኔዋናኣዚ፣ ዲያሱ ሻሮ ዶኤጫፓ ላምዎ ሙሪ ዓሲ ዳከኔ፤ ዔያታ ካኣና ኔ ዓጮ፤ ባሼ ዲያርኮ ዓጮ ዔርቲባኣ ጎይሢና ሙሪ ማዒ ሙካንዳጉዲ ዓይሢኔ፤ ዔያታ ካታሜሎ ሙካዎ፡- «ሬዓባ» ጌይንታያ ፔቴ ዘኦሰካ ኮኦማ ላኣሊሰኬኖ ማኣሪ ጌሊ ዒኣካ ዋርቄኔ።

2 ዒማና ዲያርኮ ካኣቲም፡- «ዒሰራዔኤሌ ዓሶይዳፓ ሙሪ ዳኮና ዓሲ ሃሢ ዓማንቲ ሃካ ሙከኔ» ጌይ ዓሲ ከኤዜኔ።

3 ዬያሮ ዲያርኮ ካኣቲ ሬዓባ ኮይላ፡- «ዓጮ ሙሮ ሙከ ኔ ማኣሪ ጌሌ ዓሶ ከሲ ዒንጌ» ጌዒ ዓሲ ዳከኔ።

4-5 ዒዛ ማሃዎ፡- «ጎኔከ፣ ታ ማኣሪ ሙከ ዓሲ ዓኣኔ፤ ጋዓንቲ ዔያታ ዓንካፓ ሙከቲያ ታኣኒ ዔሩዋሴ፤ ዓባ ጌላማና ካታም ጌሎ ካራ ዋዲንቲዋንቲ ዔያታ ከሰኪ ዳንዳኔ፤ ዔያታ ዋኒ ዓኣዳቲያ ታኣኒ ዔሪባኣኦ፤ ሃሢ ዒንሢ ዑከና ጊንጾ ጳሽከቲ ዔያቶ ዓርቃኒ ዳንዳዓኔ» ጌዔኔ፤ ዒዛ ዒማና ዬንሢ ላምዎ ዓሶንሢ ዔኪ ዓኣቹኔ።

6 ዒዛ ጋዓንቲ ማኣሮኮ ኩቦ ዑጾ ዔያቶ ዔኪ ከሲ፣ ታልቦ ቶኪ ጌይንታ ባኣዚ ሜሎም ቱጊ ሚጮናያኮ ዴዋ ጌልዚ ዓኣቹኔ።

7 ካኣቲ ኮራፓ ሙከ ዓሶንሢ ካታማፓ ከሰኪ ዳንዳካ ካታም ጌሎ ካራ ዋዲንቲኔ፤ ዬንሢ ዓሳ ዬኖ ሙሮ ሙከ ዓሶ ኮዒ ዮርዳኖሴ ዋርና ፒንቆ ካሮ ዔኪ ዴንዳ ጎይጾና ዓኣዳኔ።

8 ሬዓባ ዒማና ሙሮ ሙከ ዓሳ ላሁዋንቲ ዔያታ ዓኣ ኩቦ ዑጾ ከሰኪ፡-

9 «ናንገና ናንጋ ጎዳ ሃኖ ዓጮሎ ዒንሢም ዒንጌሢ ታ ዔራኔ፤ ሃኖ ዓጮይዳ ናንጋ ዓሳ ዒንሢ ዒጊጪ ጎጲ ዋኣፃኔ፤

1:15 ገይ. ማፃ 32:28-32፤ ላሚ. ዋማ 3:18፤ ዲያ. 22:1-6። 2:1 ዔ.ብ. 11:31፤ ያይ. 2:25።

10 ጊብጻዊ ዓጮ ሃሺ ዒንሢ ከሰካኣና ናንጊና ናንጋ ጎዳ ዘቄ ባዘ ቤርታፓ ዒንሢኮ ወይቲ ሚጨሴቲያ ኑ ወይዜኔ፤ ሃሢ ዮርዳኖሴ ወርኮ ዓባ ከሰካ ዛላ ዓኣ ዓሞራ ዓጮ ካኣቶ ላምዖንሢ፤ ሲሆኔና ዖኣጌና ወመይዲ ዒንሢ ወዳቲያ ኑ ወይዜኔ።

11 ዬያር ዬያ ባኮ ወይዘዖ ዒጊጨ ጎጲ ኑ ዋኣጭ፤ ናንጊና ናንጋ ጎዳ መዓ ዒንሢኮ ዖኣዛሢ ጎኔና ጨሪንጮንታ ሳዖንታኮ ዖኣሲከ።

12 ሃሢ ታ ዒንሢሚም ኮሺ ባኣዚ መዳሢጉዲ ታ መኣር ዓሶ ባይሲንቶፓ ዓይሲ ኮሺ ባኣዚ ዒንሢ ታኣም መዳኒ ናንጊና ናንጋ ጎዳ ሱንዖና ጨኣቁዋቲ፤ ዬያኮ መርካ መዓ መላታ ታኣም ዒንጉዋቲ።

13 ታኣኮ ዓደንታ ዒንደንታ፣ ታኣኮ ጌርሲንሢንታ ጌርንሢንታ ዬያቶኮ መኣር ዓሶንታ ቢያ ሃይቢፓ ዓውሳኒ ታኣም ጨኣቁዋቲ!» ጌዔ።

14 ዬካፓ ዓሶንሢ ዒዘም፡- «ኑኡኒ መዳኒ ጨኣቁ ጎይዖ መዳኒ ኩንሢባኣቲ ዖኣሲ ኑና ባይዘም! ኑ መዳ ባኮ ቢያ ዖኣማኣ ኔ ከኤዚባኣቲ፣ ናንጊና ናንጋ ጎዳ ሃኖ ዓጮሎ ኑም ዓኣሢ ዒንጋ ወደና ኔኤም ኑ ኮሺ ባኣዚ መዳንዳኔ» ጌዔ።

15 ሬዓባ ናንጋ መኣራ ካታም ዙሎ ከልቂ ዲርቆና ዲዖኮ ጊዳ መገዢንቲ ዓኣያከ፤ ዬያር ዓሶ ዒዘ መኣርኮ ፑልቶ ካርና ሊካ ወዳራና ካታም ዙላ ከይሴ፤

16 ዒዘ ዔያቶ፡- «ሊካ ጌሜር ከሰኩዋቲ፤ ዒንሢ ዬያይዲባኣቲ ካኣቲ ዳከ ዓሳ ዒንሢ ዓርቃንዳኔ፤ ዬና ዓሳ መዓንዳያ ሄላንዳኣና ሃይሃ ከሊ ዒኣካ ፑኒ ዴዑዋቲ፤ ዬካፓ ጎይዖ ዒንሢ ዓኣዳኒ ዳንዳዓኔ» ጌዔ።

17 ዓሶንሢሚም ዒዘም፡- «ኔ ኑና ጨኣቁሴ ባኮ ቢያ ኑ መዳንዳኔ፤

18 ኔ መዳንዳያ ኮይሳሢ ኑኡኒ ዒንሢ ዓጮ ዖሊ ዓርቃ ወደና ሃይማ ዘቄ ፓቲሎና ሱኪንቲ ሸኤምመ ኑና ኔ ከይሴ ኔ መኣርኮ ፑልቶ ካርመካ ቱከ፤ ኔ ዓደንታ ኔ ዒንደንታ፣ ኔ ጌርሲንሢንታ ኔ መኣር ዓሶ ቢያሢ ኔ መኣራ ቡኩሲ ዴይሢ፤

19 ዬንሢ ዓሶፓ ዓይጎ ዓሲያ ዙላ ከሰኪ ሃይቂያ መዓቲ ዳቢንታ ዬመር መዓንዳኔ፤ ኑ ዬያኮ ዖኣጨንቲዋሴ፤ ኔኤና ዋላ ጋራ ዓኣንቲ ዬንሢ ዓሶይዳ ፔቲ ባኣዚ ሄሌያ መዓቲ ዬያ ዛሎ ኑ ዖኣጨንታንዳኔ።

20 ጋዓንቲ ሃያ ኑ መዳ ባኮ ዓሲም ኔ ከኤዜቲ ኔኤም ኑ ጨኣቁ ጨኣቁም ኩንሢንቲ ባኣዚ ኑና ባኣከ» ጌዔ።

21 ዒዘ ዬያ «ኮሺከ» ጌይ ዔያቶ ዳከሰካፓ ሱኪንቲ ዘቄ ሸኤሜሎ ከኤዖኮ ፑልቶ ካራ ቱከ።

22 ዔያቶ ኮጲሲ ደንዴ ዓሳ ጎይዖ ቢያሢ ኮዒ ባሸንቲ መዓንዳያ ሄላንዳኣና ዔያታ ጌሜር ከሰኪ ሃይሃ ከሊ ፑኒንቲ ዴዔ።

2:10 ከሲ. ማፃ 14:21፤ ፓይ. ማፃ 21:21-35።

23 ዩካፓ ዔያታ ጌሜራፓ ኬዴኔ፤ ዮርዳኖሴ ዎሮናኣ ፒንቃዎ ዲያሱ ከይላ ሙኪ ዔያቶ ሄሌ ባኮ ቢያ ዒዛሞ ኬኤዜኔ።

24 ዲያሱም ዔያታ፡- «ናገረና ናገጋ ጎዳ ዓጩሎ ጉቤ ኑም ዒንጌሢ ዔርቴያኮ፤ ዎይቲ ጌዔቴ ዬኖ ዓጩሎይዳ ናገጋ ዓሳ ቢያ ኑጋቴ ዒጊጩ ጎጲ ዎኣፃኔ» ጌዔኔ።

3

ዒሰራዔኤሌ ዳሮኮ ዮርዳኖሴ ዎሮና ፒንቁዎ

1 ዚራሎ ጉቴ ዓማ ዲያሱንታ ዒሰራዔኤሌ ዳሮንታ ቢያ ሚኢሪ ዔቁ፣ ሻሮ ዶኦጫ ዱንኪ ዳዔ ቤዛፓ ዮርዳኖሴ ዎሮ ሙካዎ ፒንቃንዳሢኮ ቤርታ ዒኢካ ዱንኪ ዳዔኔ፤

2 ሃይሣ ኬሊኮ ገንፃፓ ዳሮኮ ሱኡጋ ጉርዶ ዳንዲ፡-

3 «ናገረና ናገጋ ጎዳ ማዔ ዒንሢ ያኦዛሢኮ ጫኣቁሞ ሳኣፃኖ ለዊ ፃጰ ማዔ ቁኤሳ ከዲ ዔቃዛ ዛጋዎ ዱንኪ ዳዔ ቤዛ ሃሺ ዔያቶ ገንፃ ዳንዲዎቲ።

4 ሃያኮ ቤርታ ዬያ ቤዛ ዒንሢ ዔራዎያታሢሮ ዒንሢ ዓኣዳንዳ ጎይዎ ዔያታ ዒንሢ ዳዎንዳኔ፤ ጋዓንቴ ጫኣቁሞ ሳኣፃኖ ባንሢ ዑከፓቴ፤ ዒንሢና ጫኣቁሞ ሳኣፃኖናኮ ባኣካ ዓኣ ሃኩማ ሺያ ታኣኪሢ ማዎንጎ» ጌዔኔ።

5 ዲያሱ ዳሮም ኬኤዛዎ፡- «ናገረና ናገጋ ጎዳ ዚሮ ዒንሢ ባኣካ ፔ ዎለቁና ማዳንታ ዓኪ ባኣዚ ማዳንዳሢሮ ዒንሢ ጌኤሹዎቲ» ጌዔኔ።

6 ጫኣቁሞ ሳኣፃኖ ኬዲ ዳሮኮ ቤርታ ቤርታ ዳንዳንዳጉዲ ቁኤሶም ዒ ኬኤዛዛ ዔያታ ዒ ዓይሢ ጎይዎ ማዳኔ።

7 ናገረና ናገጋ ጎዳ ዲያሱም፡- «ሙሴና ዎላ ማዔሢጉዲ ኔኤና ዎላ ታ ዓኣያታሢ ዔያታ ዔራንዳጉዲ ዒሰራዔኤሌ ዳሮ ቢያሢ ቤርታ ኔና ቦንቺሲ ዳጊዲያ ሃኖ ታ ዓርቃንዳኔ።

8 ጫኣቁሞ ሳኣፃኖ ኬዳ ቁኤሶም፡- «ዒንሢ ዮርዳኖሴ ዎሮ ዓጩ ሙካዎ ዎሮኮ ሳዛ ጌሊ ዔቁዎቲ» ጌዒ ኬኤዜ» ጌዔኔ።

9 ዩካፓ ዲያሱ ዒሰራዔኤሌ ዳሮም፡- «ናገረና ናገጋ ጎዳ ማዔ ዒንሢኮ ያኦዛሢ ጋዓ ባኮ ሃኒ ሙኪ ዎይዙዎቲ፤

10 ዒንሢ ሴካ ቤርቲም ሃዒ ዳንዳ ዎዶና ዒዚ ካኣናኔ ዓሶ፣ ሃኢታ ዓሶ፣ ሃዎዌ ዓሶ፣ ፔሪዛ ዓሶ፣ ጌርጌሳ ዓሶ፣ ዓሞራ ዓሶንታ ዲያሱሳ ዓሶንታ ዒንሢኮ ቤርታፓ ኬሳንዳኔ፤ ናገረና ባይቁዎ ያኦዛሢ ዒንሢ ባኣካ ማዔሢ ዒንሢ ዔራንዳሢ ዬያናኮ።

11 ዓጩ ቢያኮ ጎዳ ማዔ ያኦዛሢኮ ጫኣቁሞ ሳኣፃኖ ዒንሢኮ ቤርታ ዮርዳኖሴ ዎሮ ጌላንዳኔ።

12 ሃሢ ፔቴ ፔቴ ዲሰራዔኤሌ ቶይዶ ማኣራፓ ፔቴ ፔቴ ዓሲ፥ ዋሊ ዑፃ ታጾ ላምፖ ዓሲ ደኦሩዋቴ፤

13 ዓጮ ቢያኮ ጎዳ ማዔ ጸኦዛሢኮ ጫክቁሞ ሳኦፂና ኬዴ ቄኤሶኮ ቶካ ዋኦፃ ሄሄርቃኦና ዮርዳኖሴ ዋር ዋኦፃ ቃዚጎታጎዳኔ፤ ሎኦፓ ጎረ ሙካ ዲጾ ዋኦፃ ፔቴይዳ ቡኪ ኩሊጎታጎዳኔ» ጌዔ።

14-15 ዬይ ዋዳ ባርጊ ዋዳታሢር ዋራ ዲማና ኩሚ ዓኦ።

ዴራ ዮርዳኖሴ ዋርና ፒንቃኒ ዲንኪ ዴዔ ቤዛፓ ዔቃዛ ጫክቁሞ ሳኦፂና ኬዴ ቄኤሳ ዓሶኮ ቤርታ ቤርታ ዴንዴ፤ ቄኤሳ ዋኦፃይዳ ሄሄርቃዛ።

16 ዋኦፃ ጎረፃ ሃሺ ቃዚጎቴ፤ ፃርታኔ ኮይላ ዓኦ ዓዳኦሚ ጌይጎታ ካታሞ ሄላንዳኦና ዋኦፃ ቃዚጎቲ ዴዔ፤ ሶኦጌ ባዚ ባጎሢ ዴንዳ ዲጾ ፓፒ ቃዚጎቴሢር ዴራ ዲያርኮ ሱኮ ፒንቄ።

17 ዴራ ፃኦድ ጎይጾይዴና ሃንቲ ፒንቃኦና ናንጊና ናንጋ ጎዳኮ ጫክቁሞ ሳኦፂና ኬዴ ቄኤሳ ዴራ ፒንቄ ፓፓጎዳያ ሄላንዳኦና ዮርዳኖሴ ዋርኮ ሳዛ ፃኦድ ሳዓ ዔዔቄ።

4

ማላታ ማሂ ዳኦባና ሹጮ

1 ዲሰራዔኤሌ ዴራ ጉቤ ዮርዳኖሴ ዋርና ፒንቄሰካፓ ናንጊና ናንጋ ጎዳ ዲያሱም፡-

2 «ዲሰራዔኤሌ ፃጾ ፔቴ ፔቴሢ ማኣራፓ ፔቴ ፔቴ ዓሲ ዔኪ፥ ዋሊ ዑፃ ታጾ ላምፖ ዓሲ ደኦራ፤

3 ዮርዳኖሴ ዋርኮ ሳዛ፥ ቄኤሳ ዔቄ ቤዘይዳፓ ታጾ ላምፖ ሹቹ ዔይታ ዔኪ ኬሰካንዳጉዲ ዓይሢ፤ ዬያ ሹጮ ዔኪ ዴንዲ ዲንሢ ዲባኒ ዋርቃንዳ ቤዛ ዔይታ ዳኦባንዳጉዲ ኬኤዜ» ጌዔ።

4 ዲያሱ ዬንሢ ዲ ደኦራ፥ ታጾ ላምፖ ዓሶንሢ ዔኤላ፡-

5 «ናንጊና ናንጋ ጎዳ ማዔ ዲንሢ ጸኦዛሢኮ ጫክቁሞ ሳኦፂና ዓኦ ቤዛ ኬዲ ፔቴ ፔቴ ዲሰራዔኤሌ ፃጾ ማኦር ዓሶ ሱንፃና ፔቴ ፔቴ ሹቹ ዔኩዋቴ።

6 ዬንሢ ሹጮ ናንጊና ናንጋ ጎዳ ማዴ ባኮ ቢያ ዲሰራዔኤሌ ዴርሞ ጾቂሣያ ማፃንዳኔ፤ ሙካ ዋደይዳ ቢያ ዲንሢኮ ናኦታ ላይ ዓይጎ ሹቹዳይ?» ጌይ ዲንሢ ጸኦጮቴ።

7 ዲንሢ ዔይቶም፡- ናንጊና ናንጋ ጎዳ ማዔ ዲንሢ ጸኦዛሢኮ ጫክቁሞ ሳኦፂና ዮርዳኖሴ ዋርና ፒንቃኦና ዋታ ዋኦፃ ቃዚጎቴ፤ ዬያር ሃንሢ ሹጮንሢ ሃኖ ቤዘይዳ ማዲጎቴ ባኮ ቢያ ቢያ ዋዴ ዲሰራዔኤሌ ዴርሞ ጾቂሣ ማላታኬ» ጎዑዋቴ» ጌዔ።

8 ዲያሱ ዔያቶም ከኤዜ ጎይያ ዓሳ ማዕኔ፤ ናንጊና ናንጋ ጎዳ ዲያሱም ዓይህ ጎይያጉዳያ ዲሰራዔኤሌ ፃጰ ማኣር ፓይዶ ጉዳያና ዮርዳኖሴ ዋሮ ሳዛፓ ታጰ ላምዎ ሹቺ ዔኪ ዔያታ ዲንኪ ዳዔ ቤዛ ገህኔ፤

9 ዲያሱ ሃሣ ዒማና ቁኤሳ ጫኣቁሞ ሳኣፂኖ ኬዲ ዔቁ፣ ዮርዳኖሴ ዋሮኮ ሳዛ ታጰ ላምዎ ሹቺ ማላታ ማዓንዳጉዲ ዳኣቤኔ፤ ዩንሢ ሹጫ ሃኖ ሄላንዳኣና ዒኢካ ዓኣኔ፤

10 ዲያሱ ዳሮም ከኤዛንዳጉዲ ናንጊና ናንጋ ጎዳ ዓይህ ጎይያ ቢያ ባካ ማዲንቲጋፓፓንዳያ ሄላንዳኣና ቁኤሳ ዮርዳኖሴ ዋሮ ሳዛ ዔቁ ዘቲኖ ገዔኔ፤ ሙሴያ ዲያሱ ዓይህህ ዒማዲኬ፤ ዳራ ዒማና ዋሮ ጊዳና ዑኬ ፒንቁኔ።

11 ቢያህ ፒንቁ ጋፔሰካፓ ናንጊና ናንጋ ጎዳኮ ጫኣቁሞ ሳኣፂኖ ከዳ ቁኤሳኣ ፒንቃዎ ዋንዳ ዳንዳ ጎይያ ዳሮኮ ቤርታ ዳሮ ዔኪ ዓኣዲያ ዓርቁኔ።

12 ዒማና ሮኦቤሌሌና ጋኣዳና ሃሣ ሚናኣሴኮ ዛሎ ማኣር ዓሰና ገሎም ዔያታ ጊኢጊንቴያታሂሮ ሙሴ ዔያቶ ዓይህ ጎይያና ዳሮኮ ቤርታ ዋሮና ፒንቁኔ።

13 ዔያቶ ባኣካፓ ዶኦሪንቴያ ገይዲታሚ ሺያ ገልዚ ገላኒ ጊኢጌ ዓሲ ናንጊና ናንጋ ጎዳ ቤርታ ማዒ ዲያርኮ ኮይላ ዓኣ ቦኣሎ ፒንቁኔ።

14 ናንጊና ናንጋ ጎዳ ዩኖ ከሎ ዲሰራዔኤሌ ዳሮ ቤርታ ቢያ ዲያሱ ቦንቺሲ ዳግ ዳጊዳኔ፤ ቤርታ ዔያታ ሙሴ ቦንቺህጉዲ ዲያሱቆ ዒ ናንጌ ዋዶ ቢያይዳ ቦንቺኔ።

15-16 ዩካፓ ናንጊና ናንጋ ጎዳ ዲያሱም፡- «ጫኣቁሞ ሳኣፂኖ ከዳ ቁኤሳ ዮርዳኖሴ ዋራፓ ከሰካንዳጉዲ ከኤዜ» ገይ ዓይህኔ።

17 ቁኤሳ ከሰካንዳጉዲ ዲያሱ ዔያቶ ዓይህኔ።

18 ዒማና ቁኤሳ ዋሮ ሳዛፓ ከሰከ፡ ቶካ ዔያቶኮ ፃኣዶ ሳዎ ሄሄርቃኣና ዋሮ ዋኣፃ ቤርታ ኩሚ ዳንዳህ ጎይያ ዳንዲያ ዓርቁኔ።

19 ቤርታሳ ዓጊኖኮ * ታጰሳ ከሎ ዮርዳኖሴ ዋሮና ዳራ ፒንቁ ዲያርኮኮ ዓባ ከሰካ ዛላ ዓኣ ገልገላይዳ ዲንኪ ዳዔኔ።

20 ዒኢካ ዲያሱ ዮርዳኖሴ ዋራፓ ዔኬ፡ ታጰ ላምዎ ሹጫንህ ዳኣባዎ፡

21 ዲሰራዔኤሌ ዳሮም፡- «ሃጊ ሙካንዳ ዋዶይዳ ዒንህከ ናኣታ ሃይ ዓይሳ ሹቺዳይ?» ገዒ ፔኤኮ ዓድንህ ገኦጩቴ፡

* 4:19 ቤርታሳ ዓጊኖ ጋዓዛ፡ ዔብሬ ዓሶኮ ዓቢቤ ዓጊኖ ገይንታዞኔ፤ ዩና ዔያቶ ፓይዶና ሌዎኮ ቤርታኣ ዓጊኖ ማዓኔ።

22 ዲሰራዔኤሌ ዓሳዮርዳኖሴ ዋሮናፃኣዲ ሳዓይዳ ሄርቁ ፒንቄያ ማዕዒሂ ዲንሂሂ ዔያቶም ኬኤዙዋቲ፤

23 ናንጊና ናንጋ ጎዳ ማዕ ኦኡኮ ፆኦዛሂ ሚና ኦም ኦ ፒንቃንዳጉዲ ዘቄ ባዘ ሚጨሴሂጉዲ ዲንሂሂማኦ ዮርዳኖሴ ዋሮ ዋኦፆ ዲንሂሂ ፒንቃንዳጉዲ ሚጨሴሂ ኬኤዙዋቲ፤

24 ዬያሮ ሳዓይዳ ናንጋ ዴሬ ቢያ ናንጊና ናንጋ ጎዳኮ ዋልቃ ዋማዒ ዴኤፒታቲያ ዔራንዳኔ፤ ዲንሂሂያ ናንጊና ናንጋ ጎዳ ማዕ ዲንሂኮ ፆኦዛሂ ዲጊጨ ቦንቺ ናንጋንዳኔ» ጌዔኔ።

5

1 ዮርዳኖሴ ዋሮኮ ዓባ ጌላ ዘሎና ዓኣ ዓሞራ ዓጮ ካኣቶንታ ሚድቲራኒያ ባዘ ኮይሎ ኮይሎ ዓርቁ ናንጋ ካኣናኔ ዓጮ ካኣታ ቢያ ዲሰራዔኤሌ ዴራ ዋሮና ፒንቃንዳጉዲ ናንጊና ናንጋ ጎዳ ዮርዳኖሴ ዋሮ ዋኦፆ ዋማይዲ ሚጨሴቲያ ዋይዘኔ፤ ዬያሮ ዔያታ ዲሰራዔኤሌ ዓሳ ዲጊጨ ጎጲ ዋኦፃኔ።

ጌልጌላይዳ ዓቲንቶ ቤርቶ ቲቆናሂ

2 ናንጊና ናንጋ ጎዳ ዲማና ዲያሱም፡- «ቲሊንጊ ጊኢጊሺ ዲሰራዔኤሌ ዓሳኮ ዓቲንቶ ቤርቶ ቲቆ» ጌዔኔ።

3 ዲያሱዋ ናንጊና ናንጋ ጎዳ ዲዛ ዓይሄ ጎይፆና፡- «ዓቲንቶ ቤርቶ ቲቆና ጌማር» ጌይንታ ቤዛ ዲሰራዔኤሌ ዓሳኮ ዓቲንቶ ቤርቶ ቲቆኔ።

4 ዲያሱ ዔያቶኮ ዓቲንቶ ቤርቶ ቲቆሂ ፆሎ ፆላኒ ዳንዳዓ ዓቲንቃ፡ ጊብፄ ዓጫፓ ኬሰኬ ዓሳ ቢያ ዓሲ ናንጉዋ ዳውሎይዳ ጎይፆ ሃይቄሂርኬ።

5 ቤርታ ጊብፄ ዓጫፓ ኬሰኬ ዓቲንቃ ቢያ ዓቲንቶ ቤርቶ ቲቆንቲያ ማዕቲያ ዓሲ ናንጉዋ ዳውሎይዳ ጎይፆ ዓኣፆ ሾይንቲ ዓቲንቆ ናኣቶኮ ዓቲንቶ ቤርታ ቲቆንቲባኣያኬ።

6 ጊብፄ ዓጫፓ ኬሰኬ፡ ፆሎ ፆላኒ ዳንዳዓ ዓቲንቃ ናንጊና ናንጋ ጎዳ ጋዓ ባኮ ዋይዘ ዲፃሂር ቢያሂ ጋፓንዳያ ሄላንዳኣና ዲሰራዔኤሌ ዓሳ ቦኦሎ ጉራ ሴካ ሃንጋ ማታዲ ሃንቲኔ። ዔያቶኮ ናኣቶኮ ናኣቶም ዲንጋኒ ቤርታ ዔያቶኮ ዓደንሂም ጫኣቄ፡ ዔኤዘና ዲኢቆና ኩማ ዓጩሎ ዔያቶኮ ዓሲ ናንጉዋ ዳውሎይዳ ሃይቄ ናኣታ ዛጊንዳዋፆታሂ ናንጊና ናንጋ ጎዳ ቤርታ ኬኤዚናኣኮኬ።

7 ዲያሱ ዓቲንቶ ቤርቶ ቲቆ ዓሳ ናንጊና ናንጋ ጎዳ ዔያቶ ቤዛ ኬሴ ናኣቶኬ፤ ዔያታ ጎይፆይዳ ዓኣፆ ዓቲንቶ ቤርቶ ቲቆንቲባኣያታሂር ቲቆንቲዋፆ ዋላ ዓኣኔ።

5:6 ገይ. ማፃ 14:28-35።

8 ዓሳ ቢያ ዓተንቶ ቤርቶ ቲቂንቴሰካፓ ኪፃ ፓፃንዲያ ሄላንዳኣና ጉርዳ ዳዔቴ።

9 ናንጊና ናንጋ ጎዳ ዲያሱ ኮይላ፡- «ጊብፄይዳ ዓንሣ ዓይሌ ማዒ ናንጌ ናንጎ ዳውሲንቶ ታ ዓንሣዳፓ ሃይሾ ሃኖ ሺኢሼቴ» ጌዔቴ፤ ዬና ቤዜላ ሃኖ ሄላንዳኣና ጌልጌላ * ጌይንታቴ።

10 ዒሰራዔኤሌ ዓሳ ዲያርኮኮ ኮይላ ዓኣ ቦኦላ ጌልጌላይዳ ዲንኪ ዳዒ ዓኣፃ ዬኖ ዓጊኖኮ ታጳ ፆይዳሳ ኬሎኮ ዒባኖ ዑሣ ዓኣዲያ ቦንቾ ቦንቹቴ።

11 ዔያታ ዒማና ካኣናቴ ዓጮ ሃኣኮ ሙይያ ዓርቁሣ ዒማ ጉቶኬ፤ ዔያታ ሙዔሣ ሚቾና ቲሾንታ ሙኑቃ ፃኣዛ ጌለባኣ ላኣዳንታኬ።

12 ዬኖ ዓጮይዳፓ ጳዳ ሙፆ ዔያታ ሙይያ ዓርቁ ኬላፓ ዓርቃፆ ማና ጌይንታ ሙዒ ጫሪንጫፓ ኬዲያ ሃሼቴ፤ ዒሰራዔኤሌ ዓሳ ዬካፓ ዬኖ ማኔሎ ዳንቃኒ ዳንዳዒባኣሴ። ዬማፓ ዓርቃፆ ካኣናቴይዳ ባቃሊ ካፄ ማፆ ሙይሣ ዔያታ ዓርቁቴ።

ጩንቹ ዓራፖ ዓርቁ ዳጌ ዲያሱና ካኣማሣ

13 ዲያሱ ዲያርኮ ኮይላ ዓኣንቴ ጩንቻ ዓፓር ዓርቁ፣ ፔቴ ዳጌ ዒዚ ዔሪባኣንቴ ቤርታ ዔቂ ጳዳቴ፤ ዒማና ዲያሱ ዒዛ ባንሣ ደጫፆ፡- «ኔኤኒ ኑ ዓሲሞ ኑ ሞርኮ ዓሲዳይ?» ጌዔቴ።

14 ዳጌሣ ማሃፆ፡- «ታኣኒ ዒንሣ ዓሲያቴሞሴ፣ ሞርኮ ዓሲያቴሞሴ፤ ጋዓንቴ ናንጊና ናንጋ ጎዳኮ ፆሎ ዓሶ ዓይሣያታሣሪ ሃይሾ ታ ሙኬቴ» ጌዔቴ።

ዒማና ዲያሱ ባሊቶ ሳፆ ሄሊሲ ዚጋፆ፡- «ናንጊና ናንጋ ጎዳሣኖ! ታኣኒ፣ ኔኤኮ ዓይላሣ ዓይጎ ማዳሞ ኔ ጋዓይ?» ጌዔቴ።

15 ናንጊና ናንጋ ጎዳኮ ፆሎ ዓሶ ዓይሣሣ፡- «ኔ ዔቂ ሳዓ ታኣሞ ደማዳያታሣሪ ቶካፓ ዱርዞ ኔኤኮ ኬሴ» ጋዓዛ ዲያሱ ዒዚ ዓይሣ ጎይፆ ማዳቴ።

6

ዲያርኮ ካታማ ዳዔ ጎይፆ

1 ዒሰራዔኤሌ ዓሶ ዒጊጨሣና ዲያርኮ ካታሞኮ ጌሎ ጌሎ ካራ ሞዲንቲ ካፒንታቴ፤ ዬያር ካታሞ ጌላኒና ኬሰካኒ ዳንዳዓ ዓይጎ ዓሲያ ባኣሴ፤

* 5:9 ጌልጌላ ዔብሪ ዓሶ ሙኤጮና «ኮላሲ ዳኬቴ፤ ጊንሣ ሃሣ ሺኢሼቴ» ጌይሣኬ።
5:10 ኬሲ. ማፃ 12:1-13። 5:12 ኬሲ. ማፃ 16:35።

2 ናንጊና ናንጋ ጎዳ ዒያሱም፡- «ዒያርኮንታ ካኦቲንታ ሃሃ ፖኦሊሶዋ ኔኤም ታ ዓኣሢ ዒንጋንዳኔ፤

3 ኔናንታ ኔኤኮ ፖኦሊሶንታ ላሆ ኬሊ ጉቤ ካታሞኮ ኬኤሎ ዲያ ዙሎ ዋሊ ጊንፆ ፔቲ ማይንቲ ማይንቲ ሺሩዋቲ።

4 ዒማና ዛዬ ኩጫ ኩጫ ዓርቆ ለንካይ ቁኤሴ ጫኣቁሞ ሳኣጂኖኮ ቤርታ ቤርታ ዴንዶንጎ፤ ለንካሳ ኬሎና ቁኤሶንሢ ዛያሢ ዋርቃዛ ኔናንታ ሶሎ ሶላ ዓሶንታ ዋላ ካታሜሎ ለንካይ ማይንቲ ሺሩዋቲ።

5 ለንካሶ ሺሪያይዳ ቁኤሳ ዛያሢኮ ዑኡዘ ዴጊዲ ዋርቆንጎ፤ ዬያ ዋዋይዛያ ዓሳ ቢያ ዑኡዘ ዴጊዲ ዒላቶንጎ፤ ዬማና ካታሜሎኮ ኬኤሎ ዲያ ደዓንዳኔ፤ ዬያሮ ሶሎ ዓሳ ጉቤ ካታሜሎ ዔያታ ዓኣ ዛሎና ጉቤ ጌጌሎንጎ» ጌዔኔ።

6 ዒያሱዋ ቁኤሶ ዔኤሊ፡- «ጫኣቁሞ ሳኣጂኖ ኬዲዋቲ፤ ዒንሢዲፓ ለንካይ ዓሲ ዛዬ ዔኪ ሳኣጂኖኮ ቤርታ ቤርታ ዓኣደንጎ» ጌዔኔ።

7 ሃሃ ዒያሱ ዴር፡- «ዴንዲዋቲ፤ ካታሜሎ ሺሩዋቲ፤ ሶሎ ሶላ ዓሳ ናንጊና ናንጋ ጎዳኮ ጫኣቁሞ ሳኣጂኖ ቤርታ ዴንዶንጎ» ጌይ ዓይሣኔ።

8 ዒያሱ ዴር ዓይሣ ጎይያ ናንጊና ናንጋ ጎዳ ቤርቶይዳ ዛያሢ ዋርቃ ለንካይ ቁኤሴ ኬሰከኔ፤ ናንጊና ናንጋ ጎዳኮ ጫኣቁሞ ሳኣጂኖ ኬዳ ዓሳ ዩካፓ ሄሊሲ ከሰከኔ።

9 ሶሎ ሶላ ዓሳ ዛያሢ ዋርቃ ዓሶኮዋ ቤርታ ዴንዴኔ፤ ቁኤሳ ዛያሢ ሃሹዋያ ዋርቁ ዋርቁ ዴንዳዛ ዴራ ናንጊና ናንጋ ጎዳኮ ጫኣቁሞ ሳኣጂኖ ጊንፆ ዴንዳኔ።

10 ዒያሱ ጋዓንቲ፡- « <ዒላቲዋቲ> ታ ጋዓንዳ ኬሎ ሄላንዳኣና ዒንሢ ዒላቲዋጉዲ፤ ዑኡሲ ዒንሢ ዋይዙሶዋጉዲ፤ ፔቲታዎ ዒንሢ ዔኤቢ ጎዑዋጉዲ፤ <ዒላቲዋቲ> ታ ጋዓ ኬሎማና ዒላቲዋቲ» ጌይ ዴር ዓይሣኔ።

11 ዬያይዲ ዒዚ ዓሶ ናንጊና ናንጋ ጎዳኮ ጫኣቁሞ ሳኣጂኖና ዋላ ፔቲ ማይንቲ ካታሞ ሺርሼኔ፤ ዩካፓ ዴራ ዔያታ ዴንኪ ዴዔ ቤዘ ማዒ ሙኪ ዒኢካ ዋርቁኔ።

12 ዚር ጉቲሎ ዒያሱ ጉቲ ዓሚ ዔቁኔ፤ ቁኤሳኣ ናንጊና ናንጋ ጎዳኮ ጫኣቁሞ ሳኣጂኖ ኬዴኔ።

13 ለንካዎ ዛያሢ ዓርቁ፤ ለንካዎ ቁኤሳ ዛያሢ ሃሹዋያ ዋርቁ ዋርቁ ናንጊና ናንጋ ጎዳኮ ጫኣቁሞ ሳኣጂኖ ቤርታ ዴንዳኔ፤ ዒማና ሶሎ ዓሳ ቁኤሶኮ ቤርታ ዴንዳዛ ሃንጎ ዴራ ጫኣቁሞ ሳኣጂኖ ሄሊ ዴንዳኔ።

14 ዬያይዲ ላምዓሳ ኬሎናኣ ካታሜሎ ፔቲና ሺሪሰካፓ ዴራ ጊንሣ ጉርዶ ሙከኔ፤ ዴንዲ ላሆ ኬሊ ሄላንዳኣና ዒማ ጎይያ ማዴኔ።

15 ለንካሳ ዓቦ ሳዎኮ ደጊጫ ዘቃእና ሚኢሪ ዔቁ ዬኖ ጎይያ ካታሚሎኮ ዙሎ ለንካይ ማይንቲ ዔያታ ሺሬኔ፤ ዔያታ ለንካይ ሺሬሢ ዒዞ ኬሎ ሌሊኩ።

16 ለንካሳ ዔያታ ሺሬኦና ቄኤሳ ዛያሢ ዋርቃኒ ጊኢጋዛ ዒያሱ ዳር፡- «ናገረና ናገጋ ጎዳ ካታሚሎ ዒንሢሞ ዒንገሢሮ ዒላቱዋቱ!

17 ካታሚሎና ዒዞይዳ ዓኣ ባኮና ቢያ ናገረና ናገጋ ጎዳም ዲማዴያታሢሮ ጋፒሲ ባባይዙዋቱ፤ ጋዓንቲ ዘኣዛ ኮኣማ ላኣሌላ ኑ ዳኩ ሙሮ ዓሶ ዓኣቹ ዓይሴሢሮ ዓታንዳያ ኮይሳሢ ዒዞና ዒዞ ማኣራ ዓኣዘንሢ ሌሊኩ።

18 ዒንሢ ዒሰራዔኤሌ ዓሶ ጉርደይዳ ማቶና ባይሲንታና ዔኪ ዬዑዋጉዲ ጋፒሲ ባይዘንዳያ ኮይሳ ባኮይዳፓ ዓይጎዋ ዓፃዲ ዔኩዋጉዲ ዒንሢና ዔሩዋቱ፤

19 ቢራ ዓንገንታ ዋርቄንታ ሞኦኖ ዓንጎንታ ሃንጎ ዓንጎና ማዢንቲ ባኣዚ ቢያ ናገረና ናገጋ ጎዳም ዲማዴያ ማዎንጎ፤ ዬይ ባካ ናገረና ናገጋ ጎዳኮ ሚሆ ጌሦ ኬኤፃ ጌሢንታኒ ኮይሳኒ» ጌይ ዓይሢኔ።

20 ዬያሮ ዛያሢ ዋርቄንቲ፤ ዳራ ዬያ ዛያሢ ዑኡዞ ዋይዛያ ዴጊዲ ዒላታዛ ካታሚሎኮ ኬኤሎ ዲፃ ደዔኔ፤ ዬካፓ ያላ ዓሳ ዓኣ ዛሎና ጉቤ ካታሚሎ ጌሊ ዓርቄ፤

21 ዔያታ ፔኤኮ ጨንቾ ዓፓሮ ቱጊ ካታሞይዳ ዔያታ ዴንቄ፡- ዓቲንቃ፡ ላኣላ፡ ዴጌሢንታ ጋርቾንታ ቢያ ዋዴኔ፤ ዬያጉዲ ባኣቶንታ ማራቶንታ ሃሮዋ ቢያ ዋዲ ኩርሴኔ።

22 ቤርታ ሙሮ ዳከንቲ ላምዎ ዓሶንሢሞ ዒያሱ፡- «ዘኣዛ ኮኣማ፡ ሬዓባ ማኣሪ ዴንዲጋፓ ዒንሢ ዒዞም ጫኣቄ ጎይያና ዒዞና ዒዞኮ ማኣራ ዓኣ ዓሶና ኬሱዋቱ» ጌዔኔ።

23 ዔያታ ዒማና ዴንዲ ሬዓባ ዒዞኮ ዓዶንታ ዒንዶንታ ጌርሲንሢንታ፡ ሃሢ ሃንጎ ዒዞኮ ዒጊኖንታ ቢያ ዋላ ኬሲ ዒሰራዔኤሌ ዓሳ ዳንኪ ዴዔ ጉርደኮ ዙላ ዴይሢኔ።

24 ዬካፓ ካታሚሎ ዒዞኮ ጋራ ዓኣ ባኮ ቢያ ዓይሱዋዎ ሚቹኔ፤ ጋዓንቲ ቢሮ ዓንጎና ዋርቆና ዬያጉዲ ሞኦኖ ዓንጎና ሃንጎ ዓንጎና ኮሺንቲ ባካ ዓታዛ ቢያ ባኮ ሚቹኔ።

25 ጋዓንቲ ዘኣዛ ኮኣማ፡ ሬዓባ ጎዶዛ ዒያርኮ ዓጮ ሙሮ ዳኮና ላምዎ ዓሶንሢ ዓኣቹ ሃይባፓ ዓይሴሢሮ ዒያሱ ዒዞ ዒዞኮ ማኣሮ ዓሶና ዒዞና ዋላ ዓኣ ሃንጎ ዓሶዋ ቢያ ሃይባፓ ዓይሴኔ፤ ዒዞኮ ዜርፃ ሃኖ ሄላንዳኣና ዒሰራዔኤሌ ዓጮይዳ ናገጋኔ።

26 ዒማና ዒያሱ፡-
«ሃኖ ዒያርኮ ካታሚሎ ማዢኒ ዓርቃ ዓሲ
ጋዳንቄንቲያ ማዎም፤

6:25 ዔ.ብ. 11:31።

ዲዚ ቤዘ ባርቁ ቦኑኮልቃእና ቶይዶ ናዓ ዲዛኮ ባይቆም፤
 ካታሜሎ ጌሎ ካሮ ዲ ደቃእና ጋፒንፖ ናዓ ባይቆም» ጌዔ።
 27 ዬያይዲ ናንጊና ናንጋ ጎዳ ዲያሱና ዎላ ማዔሢሮ ዲያሱኮ
 ሱንፃ ዓጮ ቢያይዳ ዎይዚንቴ።

7

ዓካኔ ማዳ ጎሞ

1 ባይዛኒ ኮይሳ ባካ ቢያ ባይቃንዳጉዲ ሃሃ ጾኦሲም ዲማዳ
 ባኮይዳፓ ዔያታ ፔቴታፖ ዔኩዎጉዲ ናንጊና ናንጋ ጎዳ ዲሰራዔኤሌ
 ዓሶም ኬኤዜሢ ዓሳ ቦንቸባኣሴ፤ ዬያ ዓይሢፖ ሃሺሢ ዓካኔ
 ጎፖሢኤ፤ ዬያሮ ናንጊና ናንጋ ጎዳ ዲሰራዔኤሌ ዓሶይዳ ሚርጌና
 ደጋጴ፤ ዓካኔ ዪሁዳ ማእሮ ዓሳፓ ካርሚ ናይ፣ ዜብዲኮ ናኣዚ ናይ
 ማዓያ ዛራሄ ናይኬ።

2 ዲያሱ ዲያርኮይዳ ዓኣፖ ቤቴዓዎኔ ኮይላ ቤኤቴኤሌኮ ዓባ
 ኬሰካ ዛላ ዓኣ ዓይ ጌይንታ ካታሜላ ዎዚጉዳ ቤሲዳ ዓኣቴያ ሙሪ
 ሙካንዳጉዲ ዳካ ዓሲ ዳኬ፤ ዬያ ዔያታ ዓይሢንቴ ጎይፖ ማዲ
 ማዒሰካፓ።

3 ዲያሱም፡- «ዓይ ካታሞ ፆሊ ዓርቃኒ ዓሳ ጉቤ ዴንዳንዳያ
 ኮይሱዎሴ፤ ላምፖ ሃንጎ ሃይሃ ሺያ ዓሲ ሌሊ ዳኬ፤ ዔያታ ዳካ
 ዓሲታሢሮ ዬዮ ፆላኒ ፆላ ዓሶ ቢያ ዳኪ ጉሪ ላቢሲፖ» ጌዔ።

4 ዬያሮ ሃይሃ ሺያ ዓሲ ዲሰራዔኤሌ ዓሶፓ ዴንዲ ዲዘ ፆሌ፤
 ጋዓንቴ ዬይ ፆሎ ዓሳ ዓይኮ ፆሎ ፆላ ዓሶ ቤርታፓ ባሺንቴ ጳሽኬ፤

5 ዓይ ዓሳ ካታሞኮ ጌሎ ካራፓ ዓርቃፖ ዲሰራዔኤሌ ዓሶዳውሲ
 ዴንዲ ሹጮ ጳሎ ጎኦቦ ሄላንዳእና ቲፓሢዳ ሃይሢታሚ ላሆ ዓሲ
 ዎጴ፤ ዬያሮ ዲሰራዔኤሌ ዓሳ ዒጊጩ ጎጲ ዎኣጼ።

6 ዲያሱንታ ዲሰራዔኤሌ ዓሶኮ ሱኡጎንታ ፆዩ፣ ማኣዓሢ ፔኤኮ
 ዳርዚ፣ ናንጊና ናንጋ ጎዳኮ ጫኣቁሞ ሳኣጲኖኮ ቤርታ ዓባ ጌላንዳያ
 ሄላንዳእና ባለቲና ሎኦሚ ላሄ፤ ፆዩፖ ዔርዛኒ ቶኦካ ፔኤኮ
 ሲላሊ ዎሃ።

7 ዓማና ዲያሱ፡- «ዔኤዔ! ቢያ ባኮ ማዜ ናንጊና ናንጋ ጎዳሢዮ!
 ኑና ዮርዳኖሴ ዎሮና ፒንሢ ኔ ዓይጋ ዔኪ ዬዔይ? ዓሞራ ዓሳ ኑና
 ኩርሳንዳጉዲ ዔያቶ ኩጫ ዓኣሢ ዒንጋኒዳ? ዮርዳኖሴ ሱካ ኑ
 ዴዔቴ ዓይጌ ዓኣይ!

8 ቢያ ባኮ ማዜ ጎዳሢዮ! ዲሰራዔኤሌ ፔ ሞርኮ ቤርታፓ
 ባሺንቴ ጳሽካዛ ታኣም ጎፖንዶ ጎይፖ ዔርቶ ዒፃንቴም?

6:26 1ካእቶ. ማ 16:34።

9 ማይ ካእናኔ ዓሶንታ ሃሮ ዓጮይዳ ዓአ ሃንጎ ዓሳ ቢያ ዬያ ዋይዛንዳኔ፤ ዬያሮ ዔያታ ኑና ማንጊ ሲያ ጋፒሳንዳኔ፤ ዓካሪ ኔ ሱንፃ ቦንቸንታንዳጉዲ ኔ ዓይጎ ማዳንዳይ?» ጌይ ሺኢቄኔ።

10 ናንጊና ናንጋ ጎዳ ዲያሱም፡- «ዔቄ! ዓይጎር ኔ ሃያይዲ ባሊቶና ሳዓ ሎኦሚ ላሃይ?»

11 ዲሰራዔኤሌ ዓሳ ዳቤኔ፤ ዔያታ ካፓንዳጉዲ ታ ዔያቶ ዓይህ ጫኦቁሞሞ ዔያታ ሃሺኔ፤ ላኦጊንቴ ባኮይዳፓ ዉኡቄ ዔያታ ዔኬኔ፤ ፔ ባኮና ዋላ ሲኢራዖ ሉኡቃያ ማዔኔ።

12 ዔያታ ፔኤኮ ሞርኮ ባሻኒ ዳንዳዒባኦህ ዬያሮኬ፤ ዔያታ ጋዳንቁንቴያ ማዔህሮ ፔ ሞርኮም ዙሌ ዒንጊ ዔያታ ጳሽኬኔ፤ ባይዛንዳጉዲ ዓይህንቴ ባኮ ዒንህ ባኦካፓ ዒንህ ባይዚባኦያታቴ ታ ዒንህና ዋላ ማዓባኬ።

13 ሃህ ዴንዴ! ዴሮሞ ጌኤሹ! ዔያቶም፡- «ዒንህ ባኦካ ላኦጊንቴ ባኦዚ ዓኦህሮ ናንጊና ናንጋ ጎዳ፣ ዲሰራዔኤሌ ያኦዛህ ዘራኦ ኬሎም ዒንህ ጌኤሹዋቴ፣ ጋዓኔ ጌይ ኬኤዙ። ዲሰራዔኤሌ ዓሲዮቴ! ዬያ ላኦጊንቴ ባኮ ዒንህ ባኦካፓ ዒንህ ኬሲባኦቴ ዒንህ ሞርኮ ቤርታ ዒንህ ዔቃዓኬ።

14 ዬያሮ ዘሮ ጉቴ ፔቴ ፔቴ ፃጰ ማኦርና ማኦርና ፓቂንቴ ታ ቤርቶ ሺኢኮዋቴ፤ ታኦኒ ዴማሳ ፃጰ ፔ ቶኦኮ ቶኦኮ ጊንፃ ዴማዲ ሺኢኮንጎ፤ ሃህ ታ ዴማሴ ቶኦካ ፔ ማኦር ዓሶና ዴማዲ ሺኢኮንጎ፤ ማኦር ታ ዴማሳዛ ዓህ ፔኤሮ ሺኢኮም፤

15 ዬካፓ ባይዚ ኮይሳያ ማዔ፣ ላኦጊንቴ ባኮ ዔኬ ዓህ ናንጊና ናንጋ ጎዳ ጫኦቄ ጫኦቁሞ ዳኦቄህሮ ሃህ ዲሰራዔኤሌ ዓሶይዳኦ ዳቢንቴ ዔኪ ሙኬህሮ ዒዛንታ ዒዛሮ ማዔ ባካ ቢያ ታሚና ሚቸንቶንጎ» ጌዔኔ።

16 ዘሮ ጉቴሎ ጉቴ ዓማ ዲያሱ ዲሰራዔኤሌ ዓሶ ፃጰ ፃጰ ማኦርና ዔኪ ሺኢሹኔ፤ ዬካፓ ዪሁዳ ማኦራ ዴማዲ ኬሰኬኔ፤

17 ዬያሮ ዲያሱ ዪሁዳ ማኦር ዓሶ ፔ ቶኦኮና ቶኦኮና ፓቂ ሺኢሹኔ፤ ዬካፓ ዛራሃ ቶኦካ ዴማዲ ኬሰኬኔ፤ ሃህ ዒ ዛራሃ ቶኦኮሞ ፔ ማኦር ዓሶና ዓሶና ዴማሲ ሺኢሹኔ፤ ዬያይዴም ዛብዲ ማኦር ዓሳ ዴማዲ ኬሰኬኔ፤

18 ዛብዲ ማኦር ዓሶኮ ጊንህ ፔቴ ፔቴ ዓሶ ዴማሲ ሺኢሹኔ፤ ጋፒንፃይዳ ዛብዲኮ ናኦዚ ናይ ማዔ፣ ካርሚ ናኦዚ፣ ዓካኦኔ ዴማዲ ኬሰኬኔ።

19 ዬካፓ ዲያሱ ዓካኦኔ ኮይላ፡- «ታ ናዓህዮ፤ ናንጊና ናንጋ ጎዳ ማዔ ዲሰራዔኤሌ ያኦዛህ ቦንቸ ቡኡፃ፤ ኔ ማዴ ባኮሞ ታኦም ዓኦቸዋያ ኬኤዙ» ጌዔኔ።

20 ዓካአኔ ዲማና:- «ጎኔኬ፤ ናንጊና ናንጋ ጎዳ ማዔ ዲሰራዔኤሌ ስዳዛሚም ዋይዞ ዲፂ ታ ዳቤኔ፤ ታ ማዳ ባካ:-

21 ዲዒ ኑ ዔኬ ባኮይዳ ባብሎኔ ዓሶኮ ሚዛጲ ዴኤፒ ኮኮቲ። ላምፆ ኪሎ ማዓ ቢራ ዓንጊ፤ ዛላ ኪሎ ማዓ ዳካ ዳካ ዋርቄ ዴንቃፆ ታና ሚርጌና ናሻዛ ታ ዔኬኔ፤ ቢሮ ዓንጎ ዴማ። ሃንጎ ባኮ ዑፃ ጌሢ ታ ዲኡኬም ታ ማኣሮይዳ ዬይ ባካ ሃሢ ዓኣኔ» ጌዔኔ።

22 ዲማና ዲያሱ ዓሲ ዳካዛ ዔይታ ዓካአኔ ማኣሪ ጳሽኪ ዴንዳፆ ዴማ ዓንጎ ቢሮ ጌሢ ዲኡኮና ባኮ ዴንቄኔ።

23 ዔይታ ዬያ ባኮ ዲዛ ማኣራፓ ኬሲ ዔኪ። ዲያሱና ዲሰራዔኤሌ ዓሶና ኮይላ ሙካፆ ናንጊና ናንጋ ጎዳ ቤርታ ጌሢኔ።

24 ዬያሮ ዲያሱ ዲሰራዔኤሌ ዴሮ ጉቤሢና ዋላ ዓካአኔ ዔኪ ቢሮ ዓንጎንታ። ዴኤፖ ኮኡቶንታ። ዋርቆንታ። ዲዛኮ ዓቲንቆ ናኣቶንታ ዉዲራሢንታ፤ ዬያጉዲ ሃሢ ሃሮንታ ባኣቶንታ ማራቶንታ ዲዛኮ ማኣሮንታ፤ ዲዛኮ ዓኣ ባኮ ቢያ ሜቶ ደኦቹ ጌይንታ ቤዞ ዔኪ ዴንቄኔ።

25 ዬካፓ ዲያሱ:- «ሃያ ቢያ ሜቶ ኑጊዳ ኔ ዓይጋ ዔኪ ሙኬይ? ሃይሽ! ሃሮ ናንጊና ናንጋ ጎዳ ኔጊዳ ሜቶ ዔኪ ዬዔኔ!» ጋዓዛ። ዴራ ቢያሢ ዓካአኔ ሹቻ ዲይ ዋዳኔ፤ ማኣሮ ዓሶንታ ዲዛሮ ማዔ ባኮዋ ቢያ ታሚና ሚቹኔ፤

26 ዲማና ዴራ ዲዛ ዑፃ ሃሮ ሄላንዳኣና ጴዳያ ሚርጌ ሹቹ ኩላ ኩሌኔ፤ ናንጊና ናንጋ ጎዳኣ ፔኤኮ ዳጎ ሃሼኔ፤ ዬያሮ ዬና ቤዞ ሜቶ ደኦቹ ጌይንቲኔ።

8

ዓይ ካታሞ ዖሊ ባይዘናሢ

1 ናንጊና ናንጋ ጎዳ ዬካፓ ዲያሱም:- «ኔኤኮ ፖኦሊሶ ቢያ ዔኪ ዓይ ካታሞ ዖሊ ኬሰኬ፤ ፔቲታፆ ዲጊጨፖ፤ ጫርቃያ ማዔ፤ ታኣኒ ዓይ ካኣቲ ኔና ባሽሳንዳኔ፤ ዲዛኮ ዴሮንታ ካታሞንታ ሳፆዋ ኔ ኩጮ ጋሮ ታ ጌልዛንዳኔ።

2 ሃያኮ ቤርታ ዲያርኮንታ ካኣቲንታ ኔ ዋዲ ባይዘሢጉዲ ዓይንታ ካኣቲንታ ዲማይዴ፤ ጋዓንቲ ዲኣካ ዓኣ ባኮና ባኣቶና ዲዒ ዲንሢሮ ማሢ ዔኩዋቲ፤ ዬያ ማዳኒ ካታሜሎኮ ጊንፆ ዛሊና ሙኪ ዔሪባኣንቲ ዖልዚ ቡላኒ ጊኣጌ» ጌዔኔ።

3 ዬያሮ ዲያሱ ፔኤኮ ፖኦሊሶ ቢያሢና ዋላ ዓይ ዖሊኒ ጊኣጊንቲኔ፤ ፖኦሊሶኮ ባኣካፓ ጎኡባ ጎኡባ ማዔያ ሃይሢታሚ ሺያ ዓሲ ደኦሪ ዲማ ዳካኒ ጋዓፆ ዔይቶም:-

4 «ከታሞኮ ጊንፆ ዛላ ዓኣሺንቲ ካቲ ዴቡዋቲ፤ ጋዓንቲ ከታሚሎይዳፓ ሚርጌ ሃኩዋፆ ያላኒ ጊኢጊ ዴቡዋቲ፤

5 ታናንታ ታኣና ዋላ ኬሰካንዳ ያላ ዓሶንታ ከታሚሎ ባንሢ ኑ ሙካንዳ፤ ዒማና ዓይ ከታሞኮ ያሎ ዓሳ ኑና ያላኒ ኬሰካዛ ቤርታ ኑ ማዴ ጎይፆማ ባሺንቲጉዲ ኑ ጳሽካንዳ፤

6 ዬያይዲ ከታማፓ ዔያቶ ኑ ሃኪሳንዳያ ሄላንዳኣና ስርታኣሰጉዲ ኑ ዔያቶ ዳውሴያዋይ፣ ጌዒ ኑ ጊንፆ ዔያታ ሙካንዳ፤

7 ዒማና ዒንሢ ዓኣሺንቲ ቤዛፓ ኬሰኪ ከታሚሎ ዓርቁዋቲ፤ ናንጊና ናንጋ ጎዳ ማዔ ዒንሢኮ ያኣዛሢ ከታሚሎ ዓኣሢ ዒንሢሞ ዒንጋንዳ።

8 ከታሚሎ ዓርቃፆ ናንጊና ናንጋ ጎዳ ዓይሢ ጎይፆና ታሚና ሚቹዋቲ፤ ታ ዒንሢ ዓይሢ» ጌዔ።

9 ዬካፓ ዒያሱ ፖኦሊሶ ዳካዛ ዔያታ ዓይኮ ዓባ ጌላ ዛላ ዓይና ቤኤቴኤሌናኮ ሳዛ ዔርቲባኣያ ዓኣሺንቲ ያልዚ ዓሲ ማዒ ዴዔ፤ ዒያሱ ጋዓንቲ ዒዛ ዓሶና ዋላ ቤዛ ዋርቄ።

10 ዚሮ ጉቴሎ ዒያሱ ቤርታዲ ዔቂ፣ ፖኦሊሶ ዔኤሊ ዒዛንታ ዒሰራዔኤሌ ዓሶኮ ሱኡንታ ቢያ ፖኦሊሶ ዔኪ ዓይ ባንሢ ዴንዶ ዓርቄ፤

11 ዒዛና ዋላ ዓኣ ያሎ ዓሳ ቤርቲሞ ዴንዲ ከታሚሎኮ ቤርቶ ዛሎና ሙኪ ቡካፆ ከታሚሎኮ ኬዶ ዛላ ዴንኪ ዴዔ፤ ዔያቶና ዓይናኮ ሳዛ ዶኦቹ ዓኣ።

12 ዒያሱ ዬያኮ ቤርታ ዶንጎ ሺያ ያልዚ ዓሲ ዶኦሪ ከታሚሎኮ ዓባ ጌላ ዛሎይዳ ዓይና ቤኤቴኤሌናኮ ባኣካ ዓኣሺንቲ ካቲሲ ዴይሢናኣኮ።

13 ዔያታ ዒማና ቤርታ ያላንዳ ዓሶ ከታሚሎኮ ኬዶ ዛሎና፣ ጊንሣ ሃሣ ሄሊ ሙኪ ያላንዳ ዓሶ ዓባ ኬሰካ ዛሎይዳ ዔቂሴ፤ ዒያሱ ጋዓንቲ ዬኖ ዋንቶ ዶኦጮ ባንሢ ዓኣዴ።

14 ዓይ ካኣታሢ ዬያ ዴንቃፆ ከታሞ ዴርና ዋላ ዒሰራዔኤሌ ዓሶ ያላኒ ዮርዳኖሴ ዶኦጮ ባንሢ ሌዔ፤ ጋዓንቲ ዔያታ ከታሞኮ ጊንፆ ዛላ ካቲሲ ዴይሢና ያልዚ ዓሲ ዓኣሢ ዔሪባኣሴ።

15 ዒማና ዒያሱንታ ዒዛና ዋላ ዓኣ ፖኦሊሶ ቢያሢንታ ባሺንቲያ ማሊ ጊንሢሞ ዓሲ ናንጉዋ ዳውሎ ባንሢ ጳሽኬ።

16 ዬያሮ ከታሞ ዓሳ ዋሊ ዔኤሊ ዔኤሊ ኬሰካፆ ዔያቶ ዳውሲሢ ዓርቄ፤ ዒያሱ ዔያታ ዳውሴጎይሣ ከታማፓ ሃኪ ዴንዴ።

17 ዓይና ቤኤቴኤሌናይዳ ዓኣ ዓሳ ዒሰራዔኤሌ ዓሶ ዳውሳኒ ቢያ ኬሰካዛ ከታሞኮ ካራ ቡሊንቲ ጉሪ ማዔ።

18 ናንጊና ናንጋ ጎዳ ዩካፓ ዲያሱም፡- «ዓይ ካታሞ ታ ኔኤም ዓኣሢ ዲጋጋንዳሢ ሄሮ ኩጫ ዓኣ ዎርዖ ካታሜሎ ባንሢ ሺርሺ ደጊዲ ዘንኪ ዓርቄ» ጋዓዛ፡ ዲያሱ ጌይንቴ ጎይዖ ማዳ።

19 ዒዚ ዩያይዳዛ ዓኣሺንቴ፡ ካቲ ዴዔ ዖሎ ዓሳ ዓኣ ቤዛፓ ኬሰኪ ቤርቲም ሩኡሪ ዴንዳዖ ካታሜሎ ጌሊ ዓርቄሰካፓ ኔጉዋዖ ታሚ ዓገኔ።

20 ዓይ ካታሞ ዓሳ ገንሢም ሺሪ ዛጋዖ ካታማፓ ጩቢ ዔቃንቴ ዴንቄ፤ ዒማና ዓሲ ናንጉዋ ዳውሎ ባንሢ ጳሽኪ ዴንዳ፡ ዒሰራዔኤሌ ዓሳ ዩያቶ ገንዖ ዳኪ ሙካ ዓሳይዳ ሺሪሢረ ቶላንዳ ካራ ዔያቶም ባይቄ።

21 ዲያሱንታ ዒዛና ዎላ ዓኣ ዖሎ ዓሳ ዒያታ ቤርታ ካቲሲ ጌሢ ዖሎ ዓሳ ካታሜሎ ዓርቄሢ፡ ሃሢ ታሞዎ ዓጌሢ ዴንቃዖ ገንሢ ማዒ ዓይ ካታማፓ ዖሎሮ ሙኬ ዓሳ ዖሊ ዎዲሢ ዓርቄ፤

22 ካታሞ ጌሌ ዒሰራዔኤሌ ዓሳኣ ዔያቶ ባንሢ ኬዲ ዩኖ ዓሳ ዖሌ፤ ዒሰራዔኤሌ ዓሳ ዓይ ካታሞ ዴሮኮ ኮይሎ ቢያ ማንጌሢረ ዔያታ ቶላኒ ዳንዳዒባኣሴ፤ ዔያቶፓ ፔቴ ዓሲታዖ ቶሊ ዓቲዎጉዲ ዒሰራዔኤሌ ዓሳ ዔያቶ ጋፒሲ ኩርሴ።

23 ዓይኮ ካኣታሢ ጋዓንቴ ዓርቄንቴ ዲያሱ ቤርቶ ሺኢኬ።

24 ዒሰራዔኤሌ ዓሳ ጉር ቦኣሎይዳ፡ ቤርታ ዓይ ዓሳ ዔያቶ ዳውሴ ቤዘይዳ ዔያቶ ቢያ ዎዴሰካፓ ካታሞ ጌሊ ዒኢካ ዓቲ ዓኣ ዓሳዎ ዎዲ ኩርሴ።

25 ዩኖ ኬሎ ዓይ ዓሳኮ ሃይቄ ዓቲንቆንታ ላኣሎንታ ዎሊ ዑፃ ታጳ ላምዖ ሺያኬ።

26 ዲያሱ ዒማና ዓይዳ ናንጋ ዓሳ ጋፒ ኩዳንዳያ ሄላንዳኣና ዎርዖ ዒ ዘንኪ ዓርቄ ኩጮ ማሂባኣሴ።

27 ናንጊና ናንጋ ጎዳ ዲያሱም ኬኤዜ ጎይዖ ዒሰራዔኤሌ ዓሳ ዩኖ ካታሞይዳ ዔያታ ዴንቄ ባኣቶንታ ሜሌ ባኮዎ ቢያ ፔኤም ዔኬ።

28 ዲያሱ ዓይ ካታሞ ሚቹ ሃኖ ሄላንዳኣና ዓኣ ጎይዖ ዲቢንሢ ኩሊንቴያ፡ ጉሪ ቤሲ ማሂ ሃሺ።

29 ዒዚ ሃሢ ዓይ ካታሞ ካኣታሢ ሚሢዳ ሱፃ ሌዘ ዓባ ጌላንዳያ ሄላንዳኣና ዒኢካ ሱፃንቴ ዴዓንዳጉዲ ሃሺ፤ ዓባ ጌላዘ ሌዘ ሚፃፓ ኬዲ ካታሜሎኮ ጌሎ ካራ ኬኤሪንታንዳጉዲ ዓይሄ፤ ዒማና ዔያታ ዒዛ ዑፃ ዲቢ ሹቹ ኩሌ፤ ዩይ ሹጮ ኩላ ሃኖ ሄላንዳኣና ዓኣ።

ሙሴ ፃኣፔ ዎጋ ዔባኣሌ ዲኮይዳ ናባቢንቴሢ

30 ዩካፓ ዲያሱ ዔባኣሌ ዲኮይዳ ናንጊና ናንጋ ጎዳ ማዔ ዒሰራዔኤሌ ዖኣዛሢም ዒንጎ ባኣዚ ዒንጎንዶ ቤሲ ኮሺ፤

31 ዲዚ ዬያ ኮሼህ ናንጊና ናንጋ ጎዳኮ ዓይላህ፤ ሙሴ ዲሰራዔኤሌ ዓሶ ዓይህ ጎይፆና ማዓዛ ዬይያ ሙሴኮ ዓሶ ዋይህ ዋጎ ማፃአፖይዳ ፃአፒንቴ ጎይፆጉይያ ዓርሲንቴባአያና ዓንጊ ካአሚባአ ሹቸናኬ፤ ዬሶይዳ ሚቸ ዲንጎ ዲንጊሂንታ ፔቱሞና ዲንጎ ዲንጊሂያ ዔያታ ሺኢሹኔ።

32 ዲሰራዔኤሌ ዓሶ ዛጋንቴ ሙሴ ፃአፔ ዋጎ ዲያሱ ሹቸዳ ቆኦቂ ፃአፔኔ።

33 ዲሰራዔኤሌ ዴራ ዓንጅ ዓንጅንዳጉዲ ናንጊና ናንጋ ጎዳኮ ዓይላህ፤ ሙሴ ቤርታ ዓይህ ጎይፆና ዲሰራዔኤሌ ዓሶ ቢያሂንታ ሜሌ ቤዛፓ ሙኬ ዓሶ ጋርቸንታ ዔያቸኮ ሱኡንታ ዋጎ ዋጋ ዓሶንታ ናንጊና ናንጋ ጎዳኮ ጫአቁሞ ሳአፂና ኬዴ፤ ሌዊ ዓሶ ማዔ ቁኤሶኮ ቤርቶ ዛላ ቫውሎና ሚዛቆናይዳ ጌሪዚሜ ዲኮ ሆታ፤ ዛላ ጊንህ ዔባአሌ ዲኮኮ ሆታ ዔቁኔ።

34 ዬካፓ ዲያሱ ዑኡዞ ጴጊዲ ዋጎ ማፃአፖይዳ ፃአፒንቴ ጎይፆ ዓንጅንታ ጋዳሞንታ ዓይሱሞፆ ቢያ ናባቤኔ።

35 ዲያሱ ዲሰራዔኤሌ ዴሮ ጉቤሂሞ ላአሎንታ ናአቶንታ ሜሌ ዓጫፓ ሙኬ ዓሶንታ ቢያ ዋይዛንቴ ሙሴ ዓይህ ዋጎይዳፓ ፔቱ ባአዚታዎ ዓይሱሞፆ ናባቤኔ።

9

ጌባፆኦኔ ዓሳ ዲያሱ ጌሹህ

1-2 ዮርዳናሴ ዋሮኮ ዓባ ጌላ ባንፃ ዓአ ጌሜሮ ዓጮና ዳውሎ ዓጮናይዳ፤ ሜዲቴራኒያ ባዞ ኮይላፓ ዴንዲ ለባኖኦሴ ሄላንዳአና ናንጋ ሂኢታ ዓሳ፤ ዓሞራ ዓሳ፤ ካአናኔ ዓሳ፤ ፔሪዛ ዓሳ፤ ዔዋዌ ዓሶንታ ዲያሱሳ ዓሶንታኮ ካአታ ዬያ ዋይዛፆ ዋላ ፔቱሞና ዞርቲ ዲያሱንታ ዲሰራዔኤሌ ዓሶዎ ሶላኒ ሙኬኔ።

3 ጌባፆኦኔ ዓጮ ዓሳ ጋዓንቴ ዲያሱ ዲያርኮና ዓይ ካታሞናይዳ ማዴ ባኮ ቢያ ዋይዘሂሮ፤

4 ዓዛ ጌሻኒ ማሌኔ፤ ዬያሮ ዔያታ ጋላ ጊኢጊሺ፤ ጨንቁ ሱርባንታ ዳርዒፆ ዓጊ ዓጊ ሲኮና ዋይኖ ዑኩ ዓርሃና ሉካአ ሃሬና ጫአኒ፤

5 ዳርዒ ቱርጫዴ ዓፒላ ማይንቲ፤ ጨንቁ ዲጳንቴ ዓጊ ዓጊ ሲኮና ዳርሲያ ዓአሂ ዴንዴኔ፤ ዔያታ ዔኪ ዓአ ካህ ማሌያ ሃህ ሴሜያኬ።

6 ዬያይዲ ጌልጌላይዳ ዲሰራዔኤሌ ዓሳ ዲንኪ ዴዔ ቤዞ ሙካፆ ዲሰራዔኤሌ ዓሶ ኮይላ፡- «ኑ ሙኬህ ሃኬ ዓጨዳፓኬ፤ ኑ ሙካኒ

8:31 ኬሲ. ማፃ 20:25። 8:32 ላሚ. ዋማ 27:2-8። 8:35 ላሚ. ዋማ 11:29፤ 27:11-14።

ደንዳዔሂያ ዲንሂና ዋላ ኮሹሞና ናንጋኒ ጫአቁሞ ጫአቃኒኬ»
ጌዔኔ።

7 ዲሰራዔኤሌ ዓሳ ዔያቶ ኮይላ፡- «ዲንሂና ዋላ ኑ ዋዲ
ጫአቃንዳይ? ጎዖንቴ ዲንሂ ኑኡኮ ዑኬ ናንጋ ዓሲታቴሽ?» ጌዔኔ።

8 ጌባዖኦኔ ዓሳ ማሃዖ ዲያሱሞ፡- «ኑ ኔኤኮ ዓይሌ ማዓንዳኔ»
ጋዓዛ፣ ዲያሱ ዔያቶ፡- «ዲንሂ ዓይሳ ዓሲዳይ? ዓንካፓ ዲንሂ
ሙኬይ?» ጌይ ዖኦጩኔ።

9 ዔያታ ሃይሶ ከኤዛዖ፡- «ናንጊና ናንጋ ጎዳ ማዔ ዲንሂኮ
ዖኦዛሂ ጊብፃ ዓጮይዳ ማዴ ባኮ ቢያ ኑ ዋይዜሂረ ኑኡኒ ኮሺ ሃኬ
ዓጪ ዳፓ ሙኬኔ፤

10 ዬያጉዲ ሃሃ ዮርዳኖሴ ዋርኮ ሱካ ዓባ ኬሰካ ዛሎና ዓኣ
ላምዖ ዓሞራ ዓጮ ካኣቶንሂዳ ዲዚ ማዴ ባኮ ኑ ዋይዜኔ፤ ዬንሂ
ላምዖ ካኣቶንሂ ዓሰታሮቴይዳ ናንጋ ሃሴቦኦኔ ዓጮ ካኣቲ ሲሆኔና
ባኣሳኣኔ ዓጮ ካኣቲ ዖጌናኬ።

11 ኑኡኮ ሱኡጎና ኑ ዓጮይዳ ናንጋ ዴራ ቢያ ጎይዖም ጋላ ኑም
ጊኢጊሺ ዴንዲ ዲንሂና ኑ ካኣማንዳጉዲ ዳኬኔ፤ ኑኡኒ ዲንሂም
ዓይሌ ማዓንዳጉዲ፣ ሃሃ ዲንሂ ኑኡና ዋላ ኮሺ ናንጋኒ ጫአቁሞ
ጫአቃንዳጉዲ ኑና ዖኦጩም ዔያታ ዓይሂኔ።

12 ጋሎ ኑኡኮ ሃኣዛጉዋቴ! ኑኡኒ ኑ ማኣራፓ ዲንሂና ካኣማኒ
ኬሰካኣና ካሃ ዖይዲታዖ ሃሂ ጎይዖ ሌሊ ሜሊ ሴሜሂ ዛጉዋቴ!

13 ሃኣታ ዋይኖ ዑኩር ዓርሃ ሉካኣ ዋይኖ ኑ ዓርሃኣና ዓከኬ፤
ሃሂ ጋዓንቴ ዳርዔያታሂ ዛጉዋቴ! ሳዓ ሚርጌ ሃኬያታሂረ ኑኡኮ
ማኣዓሂንታ ዳርዘንታ ዳርዒ ጋፔኔ» ጌዔኔ።

14 ዲሰራዔኤሌ ዓሳ ዬኖ ዓሶኮ ጋሎ ዔኪ ዛጋዖ፡- «ጎኔኬ» ጌዔኔ፤
ጋዓንቴ ዬያ ዛሎ ናንጊና ናንጋ ጎዳ ዋዚ ጋዓቴያ ዔያታ ዖኦጪባኣሴ።

15 ዬያር ዲያሱ ዔያቶና ዋላ ኮሺ ናንጋኒ ጫአቁኔ፤ ሃሃ
ዲሰራዔኤሌ ዓሶኮ ሱኡጋኣ ዬያ ካፓኒ ጫአቁኔ።

16 ዬማ ዔያታ ዋላ ጫአቁ ኬላፓ ሃይሃሳ ኬሎና ዬና ዓሳ ዔያቶኮ
ዓሺኒ ማዒ ናንጋያታሂ ዲሰራዔኤሌ ዓሳ ዋይዜኔ፤

17 ዬካፓ ዲሰራዔኤሌ ዓሳ ሃይሃ ኬሊ ሃንታዖ ዬና ዓሳ ናንጋ
ካታሞ ሙኪ ሄሌኔ፤ ዔያቶኮ ካታማ፡- ጌባዖኦኔ፣ ኬፒራ፣ ቤዔሮቴና
ቁርያት ዓሪሜ ጌይንታያኬ፤

18 ዲሰራዔኤሌ ዓሶኮ ሱኡጋ ናንጊና ናንጋ ጎዳ ማዔ ዖኦዛሂ
ሱንዖና ዔያቶም ጫአቁሂረ ዔያቶ ዋዲባኣሴ። ዬያር ዲሰራዔኤሌ
ዓሳ ጉቤ ፔ ሱኡጎ ዑፃ ጉንዲሜኔ።

9:7 ኬሲ. ማፃ 23:32፤ 34:12፤ ላሚ. ዋማ 7:2። 9:10 ፓይ. ማፃ 21:21-35።

19 ዲሰራዔኤሌ ዓሶኮ ሱኡጋ ማሃዎ፡- «ጎኔኬ፤ ናንጊና ናንጋ ጎዳ ማዕ ዲሰራዔኤሌ ጾኦዛሂ ሱንጾና ኑ ዔያቶም ጫአቄኔ፤ ዬያሮ ሃሂ ኑ ዔያቶ ዎዳኒ ዳንዳዑቀሴ፤

20 ኑ ዔያቶ ሂዳንዳኔ፡- ዔያቶም ኑ ጫአቄሂሮ ናንጊና ናንጋ ጎዳኮ ጎሪንታ ኑጊዳ ሙኩዋጉዲ ኑ ዔያቶ ዎዳዓኬ።

21 ዔያታ ኑ ባአካ ናንጎንጎ፤ ጋዓንቴ ኑም ሃንጻሌ ሃአካያ፡ ዋአሂ ዲዓያ ዔያታ ማጾንጎ» ጋዓዛ፡ ሱኡጋ ጌዔ ጎይጾ ማዕኔ።

22 ዬካፓ ዲያሱ ጌባጾኦኔ ዴሮ ፔ ቤርቶ ዔኤሌ ሸኢሸ፡- «ሃይካ ዒንሂ ዑኬ ናንጋያታጾ ሱኡኒ ሙኬሂ ኮሺ ሃኬ ዓጪዳፓኬ» ጌይ ዓይጋ ኑና ዒንሂ ጌሹይ?

23 ዬያ ዒንሂ ማዳሂሮ ናንጊና ናንጋ ጎዳ ዒንሂ ጋዳንቄኔ፤ ዬያሮ ዒንሂኮ ዴራ ሃንጻሌ ሃአኪ ሃአኪ ዋአሂያ ዲይ ዲይ ናንጊና ናንጋ ጎዳ ማዕ ታ ጾኦዛሂኮ ጌኤዢ ማአሮይዳ ማዳ ዓይሌ ማዒ ዓታንዳኔ» ጌዔኔ።

24 ዔያታ ማሃዎ፡- «ኑ ጎዳ! ጎኔ ዬያ ኑ ማዳኔ፤ ዓይጎሮ ጌዔቴ ናንጊና ናንጋ ጎዳ ማዕ ዒንሂኮ ጾኦዛሂ ሰካ ቤርቲም ዒንሂ ዴንዳ ዎዳና ዬያ ዓጮይዳ ናንጋ ዴሮ ዎዳ ዓጮዎ ዒንሂ ዒ ዳካልሳንዳጉዲ ፔ ዓይላሂ ሙሴም ዒ ዓይሄሂ ኑ ዎይዜኔ፤ ኑኡኒ ዬያ ማዳሂ ዒንሂ ኑ ዒጊጩሂሮ ኑ ሸምፓሂ ዓይሳኒ ጌይኬ።

25 ሃይሸ፡ ማይ ኑ ዒንሂ ኩጮ ጋራኬ፤ ኔኤም ኮሺ ማሊ ጴዳ ባኮ ቢያ ማማዳ» ጌዔኔ።

26 ዬያሮ ዲያሱ ዲሰራዔኤሌ ዓሶይዳፓ ዓይጎ ዓሲያ ዔያቶ ዎዳቶጉዲ ላአጌኔ።

27 ጋዓንቴ ዒማ ከሎ ዔያታ ሃንጻሎ ሃአኪ ዋአሂያ ዲዒ ዲሰራዔኤሌ ዴሮንታ ናንጊና ናንጋ ጎዳም ዒንጎ ባኮ ዒንጎ ቤዞንታይዳ ማዳያ ማዓንዳጉዲ ዒ ዓይሄኔ። ዬያሮ ዔያታ ሃኖ ሄላንዳኦና ናንጊና ናንጋ ጎዳ ካአሽኪንታንዳጉዲ ዒ ዶኦሬ ቤዛ ዬያ ማዳ ማዳኔ።

10

ዲያሱ ዓባ ዓአ ቤዛ ዔቄሴሂ

1 ዲያሱ ዓይ ካታሞ ጾሊ ዓርቄሰካፓ ዲያርኮና ካአታሂናይዳ ማዳ ጎይጾ ጋፒሲ ባይዜያ ማዕሂ፡ ሃሂ ካአታሂያ ዎዳሂ ዬሩሳላሜ ካአቲ ዓድኒጻዴቄ ዎይዜኔ፤ ዬያጉዲ ሃሂ ጌባጾኦኔ ዓሳ ዲሰራዔኤሌ ዓሶና ዎላ ኮሹሞና ናንጋኒ ጫአቄ፡ ጌኢጊ ዎላ ናንጋሂያ ዒ ዎይዜኔ።

2 ዬያሮ ዬሩሳላሜ ዴሮንታ ካአቲንታ ማርጌና ዲቃቴኔ፤ ዓይጎሮ ጌዔቴ ጌባጾኦኔ ካአታ ዎይሃ ካታሞይዳፓ ፔቴዞ ማዕያ፡ ሃሂ

ዲኢካ ዓኣ ዓሳ ያልዚና ዔርቴያ፤ ዓይ ካታሞይዳፓኣ ባሼ ካታማታሢሮኩ።

3 ዬያሮ ዬሩሳላሜ ካኣቲ ዓዶኒዳዳቄ ሆሃሜ ጌይነታ ኩብሮኦኔ ካኣቲሞ፣ ያርሙቴ ካኣቲ ፒራሜሞ፣ ላኪሼ ካኣቲ ያፒዓሜሞ፣ ዔግሎኔ ካኣቲ ዳቢራሞ፡-

4 «ጌባዖኦኔ ዓጮ ዓሳ ዲሰራዔኤሌ ዓሶና ሞላ ኮሺ ናንጋኒ ጫኣቁሢሮ ጌባዖኦኔ ያላኒ ሙኪ ታና ማኣዱሞቴ» ጌይ ከኢታ ዳኬኔ።

5 ዬሩሳላሜ፣ ኩብሮኦኔ፣ ያርሙቴ፣ ላኪሼነታ ዔግሎኔነታ ሞይሃያ ማዔ ደንጎ ዓሞራ ካኣቶንሢ ዔያቶኮ ፖኦሊሶ ሞላ ፔቴ ማሂ ጌባዖኦኔ ማንጊ ያልዚ ቡሌኔ።

6 ዓማና ጌባዖኦኔ ዓሳ ጌልጌላይዳ ዱንኪ ዳዒ ዓኣ፣ ዲያሱሞ፡- «ኦ ጎዳ፤ ጌሜራዳ ዓጮይዳ ናንጋ ዓሞራ ዓጮ ካኣታ ቢያ ኦና ያላኒ ፔቴ ማዒ ሙኪሢሮ ኦና ኔኤኮ ዓይሎ ቶኦዳዲ ሃሺፖ! ዑኩ ሙኪ ማኣዲ ኦና ዓይሴ» ጌይ ከኢታ ዳኬኔ።

7 ዬያሮ ዲያሱና ዲዛኮ ያላ ዓሳ ጉቤ፣ ጎኦባ ጎኦባ ያላ ዓሳኣ ዓቱሞፖ ጌልጌላፓ ዳንዳኔ፤

8 ዓማና ናንጊና ናንጋ ጎዳ ዲያሱሞ፡- «ያኣቶ ዒጊጫፖ፤ ታኣኒ ኔ ዔያቶ ያላ ባሻንዳጉዲ ማኣዳንዳኔ፤ ዔያቶይዳፓ ፔቴታዖ ኦና ቃዛንዳይ ባኣሴ» ጌዔኔ።

9 ዬኖ ሞንቶ ዲያሱንታ ፖኦሊሶነታ ጌልጌላይዳፓ ጌባዖኦኔ ሄላኒ ሃንቴ ጎይሢ ሞርቃዖ ዓሞራ ዓሶይዳ ዔርቲባኣንቴ ያልዚ ቡሌኔ።

10 ዲሰራዔኤሌ ዓሶኮ ያላ ዓሶ ዳንቃዖ ዓሞራ ዓሳ ዲቃታንዳጉዲ ናንጊና ናንጋ ጎዳ ዔያቶኮ ዲኖ ሞኣዲሴኔ፤ ዬያሮ ዲሰራዔኤሌ ዓሳ ጌባዖኦኔይዳ ዔያቶ ቲቂ ኩርሴኔ፤ ዓቴ ዓሶ ቤቴሆሬና ጌይ ዱኮ ኬሰካ ጎይፃ ካኣማ ካርይዳ ዓኣ ቲፓሢዳ ዳንዲ ዓዜቃና ማቄዳ ሄላንዳ ጋርይዳ ዳኪ ዳኪ ሞዴኔ።

11 ዓሞራ ዓሳ ጎይፃ ሞላ ካኣማ ካርኮ ዓኣ ቲፓሢዳ ዲሰራዔኤሌ ዓሶይዳፓ ቶላኒ ጳሽካኣና ዳንዲ ዔያታ ዓዜቃ ሄላንዳኣና ዓኣ ጋርይዳ ናንጊና ናንጋ ጎዳ ጫሪንጫፓ ዴኤፒ ሹቺጉዳ ሻቺ ኬይሴኔ፤ ዬያሮ ዲሰራዔኤሌ ዓሳ ሞዴ ዓሶይዳፓ ሻጫ ሞዴ ዓሳ ሚርጌና ባሻያኬ።

12 ዲሰራዔኤሌ ዓሳ ዓሞራ ዓሶ ያላ ባሻንዳጉዲ ናንጊና ናንጋ ጎዳ ዓኣሢ ዲንጌ ኬሎና ዲያሱ ዲዛና ሞላ ዲሰራዔኤሌ ዓሳ ሞይዛንቴ፡-

«ጌባዖኦኔይዳ ዓባ ጌሉሞዖ ዳዖንጎ፤ ሃሃ ዓጊናኣ ዔሎኦኔ ደኦጮይዳ ዔቆንጎ» ጌይ ጌሰቴኔ።

38 ዩክፓ ዲያሱና ዲዛኮ ፖኦሊሶና ዴቢሬ ካታሞ ገንሣ ማዒ ያሌኔ፤

39 ዬና ካታሞኮ ካኣታሢንታ ካታሞባ ቢያ ዓርቂ ዓሶ ጨንቾ ዓፓሮና ዎዲ ኩርሴኔ። ዔያታ ቤርታ ኬብሮኦኔና ሊቢና ካታሞና ዬያቶኮዎ ካኣቶናይዳ ማዴ ጎይጾማ ዴቢሬይዳ ፔቴ ዓሲታዎ ዓይሱዎ። ዲኢካ ዓኣ ዓሶ ጉቤ ዎዴኔ።

40 ዬያይዲ ዲያሱ ዓጨሎ ጉቤ ዓርቂኔ፤ ገይፃ፡- ገመር ዓጫ፡ ደኣሎ ዛሎ ዓጫ፡ ዓባ ጌላ ዛሎኮ ደውሎና ገመር ጎኦባ ጎኦባ ዓኣ ዓጨንታ ካኣቶዎ ዓይሱዎ። ናንገና ናንጋ ጎዳ ማዔ ዲሰራዔኤሌኮ ያኣዛሢ ዓይሢ ጎይፃና ፔቴ ዓሲታዎ ዓይሱዎ። ቢያ ዎዲ ኩርሴኔ።

41 ዲያሱ ቃዴሰባርኔይዳፓ ዴንዲ ጋኣዛንታ ጌኤሴኤሜ ገይንታ ዓጨ ጉቤሢንታ ዴንዲ ጌባፃኦኔ ሂላንዳኣና ያሊ ባሽ ዓርቂኔ።

42 ዲያሱ ዬያ ካኣቶንታ ዔያቶኮ ዓጨንታ ቢያ ፔቴና ያሎር ኬሰከማና ሌሊ ባሻኒ ዳንዳዔሢ ናንገና ናንጋ ጎዳ ማዔ ዲሰራዔኤሌ ያኣዛሢ ዲሰራዔኤሌ ዓሶ ዛላ ዔቂ ያልቴሢሮከ።

43 ዩክፓ ዲያሱና ፖኦሊሶና ዔያታ ዲንኪ ዴዔ ቤዞ፡ ጌልጌላ ማዒ ሙከኔ።

11

ዲያሱ ካኣቲ ያበኔንታ ዲዛ ማኣዲ ያሌ ካኣቶ ያሊ ባሽሢ

1 ሃፃሬ ዓጨ ካኣቲ ያበኔ ዲሰራዔኤሌ ዓሳ ባሻያ ማዔሢ ዎይዛፃ ማዶኔ ካኣቲ ዮባቤም፡ ሸምሮኔና ዓክሻፔ ዓጨ ካኣቶም፡

2 ከደ ዛሎኮ ገመራዲ ዓጨና ጌሊላ ባዞኮ ደኣሎ ዛላ ዓኣ ካኣቶም፡

3 ዮርዳኖሴ ደኣጮና ገመርኮ ዴማ ዓባ ጌላ ዛሎይዳ ዓኣ ደኣሬ ገይንታ ዓጨ ካኣቶም፤ ዬያጉዲ ሃሣ ዮርዳኖሴኮ ዓሳ ከሰካ ዛሎና ጌላ ዛሎናይዳ ዓኣ ካኣናይ ዓሶ፡ ዓሞራ ዓሶ፡ ሂኢታ ዓሶ፡ ፔርዛ ዓሶ፡ ገመር ዓጨይዳ ዓኣ ዲያሱሳ ዓሶንታ፤ ማዒጳ ዓጨይዳ ሄርሞኔ ዲኮኮ ዴማ ዓኣ ሂዎዌ ዓሶንታኮ ካኣቶም ከኢታ ዳከኔ።

4 ዬያታ ፔኤኮ ፖኦሊሶና ዎላ ሙከሢሮ ፖኦሊሶኮ ሚርጉማ ባዚ ዓቺ ማኣሻላጉዲ ማዔኔ፤ ሃሣ ዬያይዳ ሚርጌ ፓሮንታ ሳርጌላ ያይታንታ ዎላ ዲያታ ዔኪ ዬዔኔ።

5 ዬያር ዬይ ካኣታ ቢያ ያላ ዓሶ ዎላ ፔቴ ማሂ ዲሰራዔኤሌ ዓሶ ያላኒ ሚርሜ ገይንታ፡ ዓልቃ ዎኣፃ ዓኣ ቤዞ ዲንኪ ዴዔኔ።

6 ዲማና ናንገና ናንጋ ጎዳ ዲያሱም፡- «ዔያቶ ዲጊጨፖ፤ ዚር ሃይማ ዎዴ ዲሰራዔኤሌ ዓሶ ዛሎ ታኣኒ ያልቴ ዔያቶ ቢያሢ ዎዲ

ባይዘንዳኔ፤ ኔኔኔ ዔያቶ ፓራሢኮ ቃዎ ቲቁ፣ ሳርጌሎ የይቶዎ ታሚና ሚቻንዳኔ» ጌዔኔ።

7 ዩያሮ ዲያሱና ዲዛኮ የላ ዓሶ ጉቤሢና ዴንዲ ሜሮሜይዳ ዔርቲባኣ የልዚ ቡሌኔ።

8 ናንጊና ናንጋ ጎዳ ዒሰራዔኤሌ ዓሶም ባሺሢ ዒንገም፣ ዔያቶ የሊ ከዶ ዛሎና ሚሰሬፓትማይሜና ጳኤፖ ሲዶና ጌይንታዞ ሄላንዳኣና፤ ሃሣ ዓባ ከሰካ ዛሎይዳ ዓኣ ሚፂጳ ዶኤጮ ሄላንዳኣና ዔያቶ ዳውሴኔ፤ ዒማና ዔያቶይዳፓ ፔቲ ዓሲታየ ዓይሱዋየ ቢያ ዎዲ ኩርሴኔ።

9 ናንጊና ናንጋ ጎዳ ዲያሱ ዓይሢ ጎይያ ዔያቶ ዒ ማዳኔ፤ ዎዎይይ ጌዔቲ ዔያቶ ፓራሢኮ ቃዎ ቲቁ፣ ሳርጌሎ የይቶዎ ታሚና ሚቻኔ።

10 ዬካፓ ዲያሱ ጊንሢም ማዒ ሃያሬ ዓጮ የሊ ባሺ ዓርቂ ካኣታሢያ ጩንቾ ዓፓሮና ዎዳኔ፤ ሃያሬ ዬኖ ዎዶና ዬያ ዒሰራዔኤሌ ዓሶና ዎላ የልታ ካኣቶ ቢያፓ ባሺ ማዒ ሃንጎዎቶ ዎይሣያከ።

11 ዒማና ዒሰራዔኤሌ ዓሳ ሃያሬ ካታማ ዓኣ ዓሶ ቢያ ዎዳሢሮ ፔቲታየ ዓቲ ዓሲባኣሴ፤ ካታሜሎዋ ዔያታ ታሚና ሚቻኔ።

12 ናንጊና ናንጋ ጎዳኮ ዓይላሢ፣ ሙሴ ዓይሢ ጎይያ ዲያሱ ዬያ ካታሞንታ ካኣቶንታ ቢያ ዓርቂ ጩንቾ ዓፓሮና ዎዲ ባይዚ ኩርሴኔ።

13 ዬኖ፣ ዲያሱ ሚቻ፣ ሃያሬ ካታማፓ ዓታዛ ዒሰራዔኤሌ ዓሳ ጌሜራ ጌሜራ ማዢንቲ ዓኣ ሜሌ ካታሞ ሚቻባኣሴ።

14 ዒሰራዔኤሌ ዓሳ ዔኮንዶያ ኮይሳ ባኮና ቆልሞና ቢያ ዬያ ካታሞይዳፓ ፔ ቆሎ ማሂ ዔኬኔ፤ ጋዓንቲ ዓሲ ጋኣ ባኣዚ ዓይሱዋየ ጩንቾ ዓፓሮና ጋፒሲ ዎዳኔ።

15 ናንጊና ናንጋ ጎዳ ዬያኮ ቤርታ ዔያታ ዬያይዳንዳጉዲ ፔ ዓይላሢ፣ ሙሴ ዓይሢኔ፤ ሙሴያ ዲያሱ ዓይሢኔ፤ ዬያሮ ዲያሱ ዓይሢያ ቢያ ማዲ ኩንሢኔ፤ ናንጊና ናንጋ ጎዳ ሙሴ ዓይሢ ጎይያና ዲያሱ ቢያ ባኮ ማዳኔ፤ ፔቲ ባኣዚታዎ ዓይሲባኣሴ።

ዲያሱ የሊ ዓርቂ ዓጮ

16 ዲያሱ ሃካፓ ሊካ ከኤዚንታ ዓጮ ጌይያ፡- ጌሜሮ ዓጮ፣ ደኣሎ ዛሎ ዓጮ፣ ጌኤሴኤሜ ዓጮ፣ ዳውላዳ ዓጮ፣ ዮርዳኖሴ ዎሮ ዶኤጮ፣ ዒሰራዔኤሌ ዓጮኮ ዳውላዳ ዓጮና ዓሎ ዓጮ ቢያ ዓርቂኔ።

17 ዒዚ ዔዶኤሜ ኮይላ ዓኣ ባኣላኣቂ ዲካፓ ዴንዲ ሄርሞኔ ዲኮ ዴማ ዓኣ ሊባኖኦሴ ዶኤጮ፤ ሃሣ ዴንዲ ባልጋኣዴ ዓጮ ሄላንዳኣና ዓኣ ካኣቶ ቢያ የሊ ዓርቂ ዎዳኔ፤

18 ዬያቶ ካኣቶና ዎላ ዒ ሚርጌ ዎዴ የልቲኔ።

19 ዒሰራዔኤል ዓሰና ዋላ ኮሹሞና ናንጋኒ ጫአቂ ኮሺ ናንጌ፥ ሂዋዌ ዓሰ ፃጰ ናንጋ ጌባዎኦኔ ካታሞፓ ዓታዛ ሃንጎዋታ ቢያ ያልዚና ዓርቆናያኬ።

20 ዬያታ ቢያ ዒሰራዔኤል ዓሰና ዋላ ያልታንዳጉዲ ናንጊና ናንጋ ጎዳ ዔያቶኮ ዒኖ ዶዲሺ ዋይዘ ዒፃያ ማህኔ። ዬያሮ ዔያታ ቢያህሂ ባይቃንዳጉዲ ጌይንቴሞ ማአሚቃይዶ ዔያታ ዋዲንቴኔ፤ ናንጊና ናንጋ ጎዳ ቤርታዲ ሙሴ ዓይህህሂ ያዲዶሞኬ።

21 ዒማና ዒያሱ ዴንዲ ዔጸና ያዶሲ ማዔ፥ ዔናአቁ ዜርዖ ዎዲ ጋፒሴኔ፤ ዔያታ ናንጋህ፡- ጌሚሮ ዓጮ ኬብርኦኔይዳ፥ ዴቢሬይዳ፥ ዓናቤይዳ፥ ዪሁዳንታ ዒሰራዔኤልንታኮ ጌሚሮ ዓጮናይዳኬ። ዒዚ ዬያ ዓሰንታ ዔያቶኮ ካታሞንታ ቢያ ባይዜኔ።

22 ዔናአቁ ዜርዖይዳፓ ዒሰራዔኤል ዓጮይዳ ዓቴ ዓሲ ባኦሴ፤ ጋዓንቴ ዳካ ዓሲ ሌሊ ጋኦዛና ጋኦቴና ዓሽዶዳይዳ ዓቴኔ።

23 ናንጊና ናንጋ ጎዳ ሙሴ ዓይህ ጎይዖ ዒያሱ ዓጮሎ ቢያ ፔ ኩጮ ጋሮ ጌልዜኔ፤ ፔቴ ፔቴ ዒሰራዔኤል ዓሰኮ ፃጰ ማአሮሞ ዔያቶ ዓጪ ማሂ ዒንጊ ዒሰራዔኤል ዓሰ ቢያህሂሞ ጊሸኬኔ።

ዬያሮ ዓጮላ ያልዚዳፓ ሃውሼኔ።

12

ሙሴ ያሊ ባሽ ካኦቶ

1 ዓርናኦኔ ዶኦጫፓ ዴንዲ ሄርሞኔ ዲኮ ሄላንዳኦና፤ ዓባ ኬሰካ ዘሎና ዓራባ ሄላንዳኦና ቢያ፤ ሃሃ ዮርዳኖሴ ሱካ ዓባ ኬሰካ ዘሎና ዓኦ ዓጮ ባሺ ሳዖ ዔያቶኮ ዒሰራዔኤል ዓሳ ዔኬ ካኦታ ሃካፓ ሊካ ፓይዲንታዞንሂኬ፡-

2 ሃሴቦኦኔይዳ ዴዒ ዎይህ ዓሞራ ዓጮ ካኦቲ ሲሆኔ፤ ዒዚ ዎይህ ዓጮ፡- ጌሌዓዴ ዓጮኮ ሃካህሂ ዔካዖ ዓርናኦኔ ዶኦጫ ኮይላ ዓኦ ዓርዔኤሬፓ ዓርቂ ዬያ ዶኦጫኮ ሳዛ ዓኦ ዓሞኦኔ ዓሰኮ ዘጰ ማዔ፥ ያኦቁ ዎሮ ሄላንዳኦናኬ፤

3 ሃሃ ዒዚ ዎይህህሂ ዓባ ኬሰካ ዘሎና ዮርዳኖሴ ዶኦጫፓ ዴንዲ ጌሊላ ባዘ ሄላንዳኦና፤ ቤትሸሞቴ ዘሎና ዴንዲ ሶኦጌ ባዚ ሄላንዳኦና፤ ጊንህ ሃሃ ሶኦጌ ባዚኮ ዶኦሎ ዘሎና ፒሲጋ ዴኮ ዴሞ ሄላንዳኦናኬ።

4 ዬያጉዲ ጊንህ ሬፓ ዓሰ ፃጰይዳፓ ዓቴያ ዓሰታሮቴና ዔድሬዒናይዳ ዴዒ ዎይህ ባኦሳኔ ዓጮ ካኦቲ ያኦኔ፤

5 ዒዚ ፔ ዴማ ማሂ ዎይህህሂ፡- ሄርሞኔ ዴኮ ዓጮ፥ ሳላካ ዓጮ፥ ዴንዲ ጌሹሬና ማዕካ ጌይንታ ዓጮኮ ዘጰ ሄላንዳኦና ዓኦ ባኦሳኔ

11:20 ለሚ. ዎማ 7:16።

ዓጮ ቢያ ዔኪ ሃሴቦኦኔ ዓጮ ካኣቲ ሲሆኔ ወይህ ዓጮ ማዔያ ጌሌዓዴኮዋ ዛሎ ቃሲ ዔካያኬ።

6 ዬያኮ ቤርታ ናንገና ናንጋ ጎዳኮ ዓይላሢ ሙሴንታ ዒሰራዔኤሌ ዴሮንታ ዬንሢ ላምዎ ካኣቶንሢ ያሊ ባሼያኬ፤ ዬያሮ ናንገና ናንጋ ጎዳኮ ዓይላሢ፣ ሙሴ ዬያ ዓጮ ሮኦቤኤሌና ጋኣዴ ማኣሮ ዓሶናም፤ ሃሣ ሚናኣሴ ማኣሮ ዓሶኮዋ ዛሎም ዔያቶ ዓጪ ማሂ ጊሸኪ ጊሸኪ ዒንጌኔ።

ዲያሱ ያሎና ባሼ ካኣቶ

7 ዲያሱና ዒሰራዔኤሌ ዴሮና ዮርዳኖሴ ዋሮኮ ዓባ ኬሰካ ዛሎይዳ ዓኣ ካኣቶ ቢያ ያሊ ባሼኔ፤ ዬይ ዓጮ ሊባኖኦሴ ዶኦጮይዳ ዓኣ ባዓልጋኣዴይዳፓ ዓርቃዎ ዶኦሎ ዛሎና ዔዶኦሜ ኮይላ ዓኣ ሃላቄ ዲኮ ሄላኔ፤ ዲያሱ ዬያ ዓጮ ጊሸኪ ጊሸኪ ፔቴ ፔቴ ዒሰራዔኤሌ ማኣሮ ማኣሮ ቶይዶም ፔ ዓጪ ማሂ ዒንጌኔ።

8 ዬይ ዒንገንቲ ዓጮ፡- ጌሜራዳ ዓጮ፣ ዓባ ኬሰካ ዛሎና ዓኣ ጌሜሮ ዴማ ዓኣ ዓጮ፣ ዮርዳኖሴ ዶኦጮና ዬያ ዓጮኮ ጌሜሮ ዴማ ዓኣያ ዓባ ኬሰካ ዛላ ዓኣ ቦኣላዳ ቤዞና ዶኦሎ ዛሎይዳ ዓኣ ዳውላዳ ዓጮ ቢያ ዓርቃያኬ፤ ዬይ ዓጮ፡- ቤርታ ሂኢታ ዓሳ፣ ዓምራ ዓሳ፣ ካኣናኔ ዓሳ፣ ፔሪዛ ዓሳ፣ ሂዋዌ ዓሶንታ ዲያሱሳ ዓሶንታ ናንጋ ቤዞኬ።

9 ዒሰራዔኤሌ ዴራ ካኣቶ ያሊ ያሊ ባሼ ዓርቁ ካታማ ሃካፓ ሊካ ፓይዲንታ ካታሞኬ፡- ዲያርኮ፣ ቤኤቴኤሌ ኮይላ ዓኣ ዓይ፣

10 ዬራሳላሚ፣ ኬብሮኦኔ፣

11 ያርሙቴ፣ ላኪሼ፣

12 ዔግሎኔ፣ ጌዜሬ፣

13 ዴቢሬ፣ ጌዴሬ፣

14 ሆርማ፣ ዓራዴ፣

15 ሊቢና፣ ዓዲላሚ፣

16 ማቄዳ፣ ቤኤቴኤሌ፣

17 ታፑሃ፣ ሄፔሬ፣

18 ዓፔቄ፣ ሻሮኔ፣

19 ማዶኔ፣ ሃያሬ፣

20 ሸምሮንሚሮኔ፣ ዓክሻፔ፣

21 ታዕናኬ፣ ሚጊዶ፣

22 ቄዴሼ፣ ቄርሚሎሴይዳ ዓኣ ዮቅኒዓሚ፣

23 ባዞ ኮይላ ዓኣ ዶኦሬ፣ ጌልጌላ ኮይላ ዓኣ ጎይሚንታ

12:5 ፓይ. ማፃ 21:21-35፤ ላሚ. ዋማ 2:26—3:11። 12:6 ፓይ. ማፃ 32:33፤ ላሚ. ዋማ 3:12።

24 ቲርፃ ካታሞንታ ማዓዛ ዬያታ ካኣታ ዋሊ ዑፃ ሃይሢታሚ ፔቴኬ።

13

ሃጊ ዓርቂንቲ ዔውቲባኣ ዓጮ

1 ዲያሱ ሚርጌ ናንጊ ጋርቹሢሮ ናንጊና ናንጋ ጎዳ ዒዛሞ፡- «ኔኤኒ ማይ ሃሢ ጋርቹኔ፤ ሚርጌ ያደሲ ዋዴያ ኔ ናንጌኔ፤ ጋዓንቴ ሃጊ ዓርቂንቲ ዔውቲባኣ ሚርጌ ዓጪ ዓኣኔ።

2 ዬይ ዓጫ ፒሊስጻኤሚና ጌሹሬ ዓሶ ዓጮ ጉቤ፤

3 ጌይፃ፡- ጊብጻ ዓጮኮ ዓባ ኬስካ ዛሎና ዓኣ ሺሆኔ ዋራፓ ዓርቃፃ ኬዶ ዛሎና ዔቅሮኔ ዛጶ ሄላንዳኣና ዓኣሢኬ። ዬይ ጉቤ ካኣናኔ ዓጮ ጌይንታኔ። ዬያታ ዶንጎ፡ ፒሊስጻኤሚ ዓጪ ካኣቲኬ፤ ዬያታ፡- ጋኣዛ፡ ዓሽዶዴ፡ ዓሰቁሎና፡ ጋኣቲንታ ዔቅሮኔንታ ካኣቶኬ። ማሌ ሃሣ ዓርቂንቲባኣ ዓጫ ዶኦሎ ዛሎና ዓኣ ዓቢቤ ዓጮኬ።

4 ዬያጉዲ ዶኦሎ ዛሎና ካናዔኔ ዓሶ ዓጮ ቢያ፤ ጊንሣ ሃሣ ሲዶና ዓሶ ዓጮ ማዔ ማዔራ ካታማፓ ዓርቃፃ ዴንዲ ዓፔቄ ሄላንዳኣና ዓኣ ዓሞራ ዓሶ ዓጮ፤

5 ጊንሣ ሃሣ ጌባላ ዓሶ ዓጮንታ ዓባ ኬስካ ዛሎና ዓርሞኒዔሚ ዲኮኮ ዶኦሎይዳ ዓኣ ባዓልጋኣ ዴይዳፓ ዓርቃፃ ዴንዲ ሃማቲ ዴንዳ ጎይፃ ሄላንዳኣና ዓኣ ሊባኖኦሴ ዓጫ ጉቤ ዓርቂንቲባኣሴ።

6 ሊባኖኦሴይዳፓ ዴንዲ ሚስሬፖትማይሚ ሄላንዳኣና ዲኮ ዓጮይዳ ናንጋ ዓሶ፤ ጌይፃ፡- ሲዶና ዓጮ ዓሶ ቢያ ታኣኒ ታኣሮ ዒሰራዔኤሌ ዓሶ ቤርታፓ ዳውሲ ባይዛንዳኔ፤ ኔኤኒ ጋዓንቴ ታኔና ዓይሣ ጎይፃና ዓጩሎ ዒሰራዔኤሌ ዓሶሞ ዔያቶ ዓጪ ማሂ ጊሽኪ ጊሽኪ ዒንጌ።

7 ዬያ ዓጮ ዔያቶ ዓጪ ማሂ ኔ ጊሽካንዳሢ ዒሰራዔኤሌ ፃጶኮ ታዞጶና ሚናኣሴ ማኣሮ ዓሶኮ ዛሎናሞኬ» ጌዔኔ።

ዮርዳኖሴኮ ዓባ ኬስካ ዛላ ዓኣ ዓጫ ጊሽኪንቲሢ

8 ሮኦቤኤሌና ጋኣዴ ፃጶናሞ፤ ዬያጉዲ ሚናኣሴ ዓሶኮዋ ዛሎሞ ናንጊና ናንጋ ጎዳኮ ዓይላሢ፡ ሙሴ ቤርታዲ ዔያቶ ዓጪ ማሂ ዒንጌ ዓጮ ዔያታ ዔኬኔ። ዬይ ዔያታ ዔኬ ዓጫ፡- ዓባ ኬስካ ዛሎና ዮርዳኖሴ ዋሮኮ ሱካ ዓኣያኬ።

9 ዔያቶኮ ዓጮ ዓርኖኦኔ ደኦጮ ኮይላ ዓኣ ዓርዔኤሬይዳፓ ዓርቃዖ ዴንዲ ደኦጮ ሳዛ ዓኣ ሜዴባ ካታሞኮ ቦኦሎና ጌይ ዲቦኔ ዓጮ ቢያ ፔ ጋራ ማሃያኩ።

10 ጊንሣ ሃሣ ሃሴቦኦኔይዳ ዴዒ ዓሞኦኔ ዓሶ ዓጮ ዘጶ ሃላንዳኣና ዎይሣ ዓሞራ ዓጮ ካኣቲ ሲሆኔ ካታሞ ቢያ ዓርቃያኩ።

11 ዩይ፡- ጌሌዓዴ፥ ጌሹራንታ ማዕካኔንታ ዓጮ ዴማ ዎርቃ ዓጮና ዓርሞኒዔሜ ዲኮ ጉቤ፤ ዩያጉዲ ዴንዲ ሳላካ ሃላንዳኣና ዓኣ ባኣሳኣኔ ዓጮዎ ዓርቃያኩ።

12 ሬፓ ዓሶይዳፓ ፒኢጮዲ ዓቲያ፥ ዓሰታሮቲና ዔድራዒ ዓጮናይዳ ዴዒ ዎይሣ ባኣሳኣኔ ዓጮ ካኣቲ፥ ዖኦጌ ዓጮዎ ቢያ ጋራ ማሃ ዔካያኩ። ሙሴ ዩያቶ ቢያ ዖሊ ባሺ ዳሙሲ ዳከናኣኮኩ።

13 ያዲ ማዔቲያ ዒሰራዔኤሌ ዓሳ ጌሹራንታ ማዕካኔንታ ዴር ኬሲ ዳከባኣሴ፤ ዩያሮ ዔያታ ሃኖ ሃላንዳኣና ዒሰራዔኤሌ ዓሶ ባኣካ ናንጋኔ።

14 ሙሴ ሊዋ ፃጸሞ ዔያቶሮ ማሃ ዒንጌ ዓጪ ባኣሴ፤ ናንጊና ናንጋ ጎዳ ሙሴ ዓይሣ ጎይፆና ናንጊና ናንጋ ጎዳ ማዔ ዒሰራዔኤሌ ዖኦዛሣሞ ሚቺ ዒንጎ ባኮይዳፓ ዔያቶሞ ሃላ ዘላ ዔያቶኮ ዴና ማዒ ፓይዲንታኔ።

ሮኦኤሌ ዓጪ ማሃ ዒንጎና ዓጮ

15 ሙሴ ሮኦኤሌኮ ፔቲ ፔቲ ቶኦኮሞ ዓጮሎይዳፓ ዒንጌኔ፤

16 ዩያቶኮ ዓጮ፡- ዓርኖኦኔ ደኦጮ ኮይላ ዓኣ ዓርዔኤሬና ዩያ ደኦጮ ሳዛ ዓኣ ካታሜሎይዴና ጌይ ሜዴባኮ ኮይላ ዓኣ ቦኦሎ ዓጮ ጉቤ ዓርቃያኩ፤

17 ዩያጉዲ ሃሴቦኦኔ ዓጮኮ ኮይሎይዳ ዓኣ ካታማ ዲቦኔ፥ ባሞትባዓኣሌ፥ ቤትቤዓልሜዖኔ፥

18 ያሃፃ፥ ቁዴሞቲ፥ ሚፓዓቲ፥

19 ቁርያታይሜ፥ ሲቤማ፥ ጌሜራዳ ደኦጮይዳ ዓኣ ፃሬትሻሃሬ፥

20 ቤትፔዖሬ፥ ፒሲጋ ዲኮ ዴማ ዓኣ ቦኦሎ ዓጮንታ ቤትዩሺሞቲ ጌይንታ ዓጮ ቢያ ጋራ ማሃ ዔካያኩ።

21 ዩይያ፡- ዓላዳ ዓጮይዳ ዓኣ ካታሞንታ ሃሴቦኦኔይዳ ዴዒ ዎይሣ ዓሞራ ዓጮ ካኣቲ ሲሆኔ ዓጮ ቢያ ዓርቃያኩ። ሙሴ ካኣቲ ሲሆኔና ሚዲያሜ ዓጮኮ ሱኡጎንሣ ጌይፃ፡- ዔዋ፥ ሬቁሜ፥ ፀሬ፥ ሁሬኔና ሬባዔና ዖሊ ባሺኔ፤ ዩያታ ቢያ ዓጮ ዎይሣሣ ካኣቲ ሲሆኔሞ ጊኢሪሺ ጊኢሪሺኩ።

22 ዒሰራዔኤሌ ዓሳ ዎዳ ዓሶ ባኣካፓ ፔቲሣ ዓማቲ ጌይንታሰኬያ ቢያሬ ናኣዚ ባኣላኣሜኩ።

13:14 ላሚ. ዎማ 18:1።

23 የፍርድና ምራ ዓባ ጌላ ዛሎና ርክቤኤሌ ፃጸኮ ዛጸኬ፤ ርክቤኤሌ ፃጸም ዔያቶ ዓጪ ማሂ ዒንጎና ካታሞንታ ጉርዶንታ ዬያቶኬ።

ጋኣዴ ዓሶም ዒንጎና ዓጮ

24 ሙሴ ዓጪኦሎኮ ዛሎ ጋኣዴ ዓሶም ዔያቶ ዓጪ ማሂ ዒንጌኔ፤

25 ዔያቶኮ ዓጫ ያዕዜሬና ጌሌዓዴናይዳ ዓኣ ካታሞ ቢያ፤ ለሞኦኔ ዓጮኮ ሄካሂ ዔካዖ ራኣባኮ ዓባ ኬሰካ ዛሎና ዓኣ ዓርዔኤሬ ዴንዲ ሄላኔ።

26 ዔያቶኮ ዓጮ ዳልጉማ ሃሴቦኦኔይዳፓ ዓርቃዖ ራሞቴና ሚጸጳና ጌዒ ቤዖሚ ሄላንዳኣና፤ ዬያጉዲ ማሂናይሚፓ ዓርቃዖ ዴንዲ ሎዴባሬ ዛጸ ሄላንዳኣናኬ።

27 የፍርድና ዶኦጮ ባሽና ሃሴቦኦኔ ዓጮ ካኣቲ ሲሆኔ ዓሶይዳፓ ዓቴ ቤትሃራሚ፥ ቤትሂሚራ፥ ሱኮቴና ፃፖኔ ጌይንታ ዓጮ ቢያ ዓርቃዖኬ፤ ዓባ ጌላ ዛሎ ዛጸ ዔያቶኮ የፍርድና ምራ ማዓዛ ኬዶ ዛሎና ዴንዲ ጌሊላ ባዞ ሄላያኬ።

28 ጋኣዴ ፃጸም ዔያቶ ዓጪ ማሂ ዒንጎና ካታሞንታ ጉርዶንታ ዬያኬ።

ዓባ ኬሰካ ዛሎና ሚናኣሴ ዓሶኮ ዛሎም ዒንጊንቲ ዓጮ

29 ሙሴ ዓጪኦሎፓ ሚናኣሴ ዓሶኮ ዛሎም ዔያቶ ዓጪ ማሂ ዒንጌኔ፤ ዔያቶም ዒዚ ዒንጌሂ፡- ፔቴ ፔቴ ቶኦኮም ጊሸኪ ጊሸኪኬ።

30 ዔያቶኮ ዓጫ ማሂናይሚና ባኣሳኣኔ ዓጮ ቢያ ፔጋራ ማሂያኬ፤ ዬይያ፡- ባኣሳኣኔይዳ ዓኣ ላሂታሞ ያዒሬ ካታሞ ቢያ ዔኪ ባኣሳኣኔ ዓጮ ካኣቲ ያኦጌ ዎይሂ ዓጮ ቢያ ዓርቃዖኬ፤

31 ዬያጉዲ ጌሌዓዴኮ ዛሎ ዔካዖ ባኣሳኣኔ ካኣቲ ያኦጌ ካታሞ ማዔ፥ ዓታሮቴና ዔዲሬዒ ሄላኔ፤ ዬይ ቢያ ሚናኣሴ ማኣራፓ ሸይንቲ ማኪሬ ዜርዖም ዒንጊንቲኔ።

32 ሙሴ ዒያርኮኮ ዓባ ኬሰካ ዛሎና፥ የፍርድና ምራ ሱካ ሞዓኣቤ ቦኦሎይዳ ዓኣዖ ዔያቶም ዒንጌ ዓጫ ዬያኬ።

33 ዬይ ያዲ ማዓዛ ሙሴ ለዊ ዓሶም ዒንጌ ዓጪ ባኣሴ፤ ዔያቶኮ ዴኖ ማዓሂ ናንጊና ናንጋ ጎዳ ማዔ ዒሰራዔኤሌ ያኣዛሂታሂር ዔያታ ዔያቶ ሄላ ዛሎ ባኮ ዔካንዳሂ ናንጊና ናንጋ ጎዳም ዒንጎ ባኮይዳፓታሂ ዔያቶም ኬኤዚንቲኔ።

13:33 ፓይ. ማፃ 18:20፤ ላሚ. ምፃ 18:2።

14

የፎርዳሮስ ዋርኮ ዓባ ጌላ ዛሎና ዓሳ ዓጫ ገሸኪንቴህ

1 ሃካፓ ሊካ ኬኤዚንታ ሃይሳ የፎርዳሮስ ዋርኮ ዓባ ጌላ ዛላ ዓሳ ካኦና ናጮ ዲሰራዔኤሌ ዓሶም ዋይቲ ገሸኪ ዲንጎናቴያ ኬኤዛያኬ፤ ዬያ ገሸኪህ ቁኤሳሂ፣ ዓላዜሬንታ ኔዊ ናኦዚ ዲያሱንታ ዲሰራዔኤሌ ዓሶኮ ፔቴ ፔቴ ፃጸኮ ሱኡጎንታኬ።

2 ናንገና ናንጋ ጎዳ ሙሴ ዓይህ ጎይያና የፎርዳሮስኮ ዓባ ጌላ ዛላ ዓሳ ዓጮ ጉቤ ታዞጸና ዛላና ማዔ ፃጸም ዲፃ ዓገ ዓገ ዔያታ ገሸኪኔ።

3 ሙሴ የፎርዳሮስ ዋርኮ ዓባ ኬሰካ ዛላ ዓሳ ዓጮሎ ላምያና ዛላና ማዔ ዜርያም ዔያቶ ዴኔ ማሂ ዲንገናኦኮኬ፤ ዲማና ለዊ ዓሶም ጋዓንቴ ዬያቶ ባኦኮይዳ ዔያቶም ማዔ ዴኔ ዲዚ ዲንገባኦ።

4 ዮሴፔ ናኦታ ሚናኦሴና ዔፕራሚና ጌይንታያ ላምያ ዜርሂና ዓኦያኬ፤ ለዊ ዓሶም ዲዚ ዬኖ ዓጮሎይዳ ዔያታ ናንጋንዳ ካታሞማና ቆልማ ሄንቃ ቤዘማፓ ዓታዛ ዔያቶሮ ማዔ ዓጪ ዲንገባኦ።

5 ናንገና ናንጋ ጎዳ ሙሴ ዓይህ ጎይያና ዲሰራዔኤሌ ዓሳ ዓጮሎ ገሸቲ ዔኬኔ።

ኩብሮኦኔ ካኦሌቤም ዲንገንቴህ

6 ፔቴ ኬሊ ዪሁዳ ፃጸፓ ዳካ ዓሲ ዲያሱ ኮይላ ጌልጌላ ሙኬኔ፤ ዔያቶይዳፓ ፔቴሂ ቁኔዛ ዓሲ ማዔያ፣ ዪፑኔ ናኦዚ ካኦሌቤታዎ ዲያሱ ኮይላ፡- «ቤርታ ኑ ቃዴሴባርኔይዳ ዓኦንቴ ናንገና ናንጋ ጎዳ ዲዛኮ ዓይላሂ፣ ሙሴም ኔ ዛላንታ ታ ዛሎዋ ኬኤዜ ባኦዚ ዓኦሂ ኔ ዔራኔ፤

7 ናንገና ናንጋ ጎዳኮ ዓይላሂ፣ ሙሴ ሃኖ ዓጮሎ ዛሎ ዔራኔ ሙሮም ቃዴሴባርኔይዳፓ ታና ዳኬያና ለዓ ታኦኮ ያይዲታሚኬ፤ ዲዛም ታ ጉሙርሳ ባኦዚ ዔኪ ሙኪ ኬኤዜኔ፤

8 ዓማና ታኦና ዋላ ዴንዴ ዓሳ ዴሮ ዲገጪሲ ጎጲ ዋኦኪኔ፤ ታኦኒ ጋዓንቴ ናንገና ናንጋ ጎዳ ማዔ ታ ያኦዛሂም ጉሙርቁንታያ ማዔ ዓይሂንቴ፤

9 ዬያሮ ሙሴ፡- «ናንገና ናንጋ ጎዳ ማዔ ታ ያኦዛሂም ጉቤ ዲናፓ ጉሙርቁንቴ ኔኤኒ ዓይሂንቴሂሮ ኔ ዴንዲ ሄሌ ዓጮላ ኔኦና ኔ

14:2 ገይ. ማፃ 26:52-56፤ 34:13። 14:3 ገይ. ማፃ 32:33፤ 34:14-15፤ ላሚ. ሞፃ 3:12-17። 14:6 ገይ. ማፃ 14:30። 14:7 ገይ. ማፃ 13:1-30።

ናዳቸውም ናንገና ዲንሢ ዴኔ ማዓንዳኔ » ጌራ ዬኖ ዓቦ ታአም ጫአቄኔ።

10 ሂንዳ ኮሺ ማሌ፤ ናንገና ናንጋ ጎዳ ሙሴም ዬያ ጌይ ኬኤዘንቴ ያይዲታሚ ዶንጎ ለዔ ኩሚ ዓአፊኔ፤ ዬይ ዎዳ ዒሰራዔኤሌ ዓሳ ዓሲ ናንጉዎ ዳውሎይዳ ሴካ ሃንጋ ማታዲ ሃንታ ዎዶናኬ፤ ናንገና ናንጋ ጎዳ ዒማና ታአም ጫአቄ ጎይያና ሃይሾ ሹምፔና ታና ካፒ ጌሢ ዓአኔ፤ ሂንዳ ታና ዛጌ፤ ታአኮ ለዓ ሃሢ ሳሊታሚ ዶንጎኩ።

11 ያዲ ማዔቴያ ሙሴ ታና ዳካኣና ታ ዓአ ጎይያ ሃሢያ ታ ዶዲኬ፤ ዒማና ኬሰኪ ያሊ ማዓኒ ታአኮ ዓአ ዎልቃ ሃሢያ ዒማዲኬ።

12 ናንገና ናንጋ ጎዳ ዬያ ታአም ጫአቄ ጎይያና ጌማራዲ ዓጩሎ ሃሢ ታአም ዲንጌ፤ ዔናአቄ ዓሳ ዒአካ ዓአሢንታ ሃሢ ዔያቶኮ ካታማአ ፊኤፒ ፊኤፒ ዙላ ኬኤሌና ዲርቁንቴያታሢ ዒዘና ኔያ ዎይዜኔ፤ ጋዓንቴ ናንገና ናንጋ ጎዳ ጌዔ ጎይያና ዒዚ ታና ማአዳም ታኣኒ ዔያቶ ዬካፓ ዳውሲ ኬሳንዳኔ ጌዔ።

13 ዲያሱ ዒማና ዪፑኔ ናአዚ ካአሌቤ ዓንጃዎ ኬብርኦኔ ዒዛ ዴኔ ማሢ ዲንጌ፤

14 ዬያሮ ኬብርኦኔ ሃኖ ሃላንዳኣና ቄኔዛ ዓሢ ዪፑኔ ናአዚ ካአሌቤ ዜርዎ ዓጪ ማዒ ዓአኔ፤ ዬይ ያዲ ማዔሢ ዒዚ ናንገና ናንጋ ጎዳ ማዔ ዒሰራዔኤሌ ያኦዛሢም ጉሙርቁንቴ ዓይሢንቴሢርኬ።

15 ዬያኮ ቤርታ ኬብርኦኔ ካታማ ዓርባዒ ጌይንቴያኬ፤ ዬይ ዓርባዒ ጌይንታሢ ዔናአቄ ዓሶ ባኣካ ፊኤፒ ዓሲ ማዔያኬ።

ዬካፓ ዓጩላ ያልዚባኣያ ማዒ ኮሺ ናንጌ።

15

ዪሁዳ ያጳም ዲንገንቴ ዓጮ

1 ዪሁዳ ያጳም ዓጩሎይዳፓ ሃካፓ ሊካ ኬኤዚንቴ ቤዛ ዲንገንቴ፤

ዔያቶ ዓጩኮ ዛጳ፡- ዔዶኦሚ ዓጩ ሃላዎ ዶኦሎ ዛሎና ዴንዲ ዓሲ ናንጉዎ ዊኢኔ ዳውሎኮ ጋፖ ሃላያኬ።

2 ዬይ ዶኦሎ ዛሎ ዛጳ፡- ሶኦጎ ባዘኮ ዶኦሎ ዛላ ዓአ ባዘ ሳዘ ሶርቶሚ ጌሌ ዓጩይዳፓ ዓርቃዎ።

3 ዓቅራቢሚ ጌይንታ ቶኦሎ ካሮ ጌዴና ጌይ ዊኢኔ ዛሎና ዴንዲ ቃዴሴባርኔኮ ዶኦሎ ዛሎ ሃላኔ፤ ሃሢ ሃዊርኔ ጌዴና ዓዳሬ ባንሢ ኬሰኪ ቃርቃ ባንሢ ጳንጨንታንቴ፤

14:9 ፓይ. ማፃ 14:24።

4 ዓፀሞኔ ዛሎና ጌሲ ጊብፄ ዓጮኮ ዋእፃባኣ ዎራሢ ጌላያ ጋፓ ሜድቴራኒያ ባዘና ማዓኔ፤ ዩያሮ ደኣሎ ዛሎና ዪሁዳኮ ዛጳ ዩይናኬ።

5 ዓባ ኬሰካ ዛሎና ዔያቶኮ ዛጳ፡- ሶኦጌ ባዚ ማዓዛ ዩይያ ዮርዳኖሴ ዎራ ዳንዲ ጋፓ ካሮ ሃላንዳኣናኬ፤

ኬዶ ዛሎና ዓኣ ዛጳ ዮርዳኖሴ ዎራ ጋፓ ካራ ዓኣ፣ ባዘ ሳዞ ሶርቶሚ ጌሌ ካራፓ ዓርቃዎ፣

6 ሊካ ቤትሆጊላ ባንሢ ዳንዳኔ፤ ዩካፓ ኬዶ ዛሎና ቤትዓሬባና ጌሲ ሮኦቤኤሌ ናኣዚ ቦሃኔ ዳኣቤ ሹጫሢ ዓኣ ቤዞ ሃላያኬ።

7 ዩይ ዛጳ፡- ሜቶ ደኣቹ ጌይንታዞይዳፓ ዴቢሬ ባንሢ ኬሰካዎ ዎሮኮ ደኣሎ ዛሎና ዓኣ ዓዲሚሚ ባንሢ ዳንዳ ጎይዎኮ ቤርቶ ዛሎና ጌሲ ኬዶ ዛሎና ጌልጌላ ባንሢ ጳንጨንታኔ፤ ሃሃ ዓይንሳሚሴ ጌይንታ ዓልቃ ዋኣፃ ዓኣ ቤዞና ጌሲ ዓይንሮጌሌ ኬሰካኔ።

8 ዩካፓ ሄኖሚ ደኣጮ ዓርቃዎ ዲያቡሳ ዓሶ ካታሞ ማዓ፣ ዩሩሳላሚይዳ ዓኣ ጌሚሮኮ ደኣሎ ዛሎ ሂላኔ፤ ዩይ ዛጳ፡- ራፓይሚ ደኣጮኮ ኬዶ ዛሎና ጌይ ሄኖሚ ደኣጮፓ ዓባ ጌላ ዛሎና ዓኣ ጌሚሮ ቶኦኮ ኬሰካኔ።

9 ሃሃ ጊንሣ ዩፓ ዓርቁ ዋኣፃ ዓልቃ ቤዞ ኔፕቶሃይዳና ጌሲ ዔፕሮኔ ዲኮ ኮይላ ዓኣ ካታሞ ሃሊ ዩይና ባዓላ ጌይንታ ቁሪያትይዓሪሚ ባንሢ ጳንጨንቲ ዳንዳኔ፤

10 ዩይና ጌይ ሃሃ ባዓላኔኮ ዓባ ጌላ ዛሎና ጌሲ ሴይሬ ጌሚሮኮ ኬዶ ዛላ ዓኣ ጎኦባና ጌሲ ቤትሳሚሳ ኬዳዎ ቲሚና ፒንቃኔ።

11 ዩይ ዛጳ፡- ዔቅሮኔኮ ኬዶ ዛላ ዓኣ ጌሚሮና ጌሲ ሹክሮኔ ባንሢ ጳንጨንቲ ዳንዳዎ ባዓላኔ ጌሚሮና፤ ዩያጉዲ ያብኒዔኤሌ ጊዳና ዓኣዳኔ፤ ጋፒንፃ ሜድቴራኒያ ባዘ ማዓኔ፤

12 ዓባ ጌላ ዛሎ ዛጳ ሜድቴራኒያ ባዘናኬ፤
ዩያሮ ፔ ቶኦኪና ቶኦኪና ፓቂንቴ ዪሁዳ ዓሶኮ ዓጮ ዛጳ ሺራሢ ዩይናኬ።

ካኣሌቤ ኬብሮኦኔና ዴቢሬና ያሊ ባሺ ዓርቁሢ
(ሱኡጎ. ማፃ 1:11-15)

13 ናንጊና ናንጋ ጎዳ ዲያሱ ዓይሢ ጎይዎና ዪሁዳ ዓጮይዳፓ ፓቂ ኬብሮኦኔ ጌይንታ ዓርባዒ ካታሞ ዪፑኔ ናኣዚ፣ ካኣሌቤሞ ዒንጌኔ። (ዓርባዒ ዔናኣቂኮ ዓደኬ)

14 ካአሌቤ ሹሻዬንታ ዓሂማኔንታ ታልማዬ ጌይንታ ቶኦኮ ማዔ ዒናአቄ ዜርዖ ዳኪ ባይዜኔ።

15 ዬካፓ ሃሃዒ ዴቤሬይዳናንጋ ዳርዖላኒ ዳንዴኔ፤ ዬና ካታሚላ ቤርታ ቂርያትሴፔሬ ጌይንታ።

16 ካአሌቤ ዒማና «ቂርያትሴፔሬ ዖሊ ባሺ ዓርቄ ዓሂም ታናዎ ዓክሳኦ ታዒንጋንዳኔ» ጌዔኔ።

17 ዬያሮ ካአሌቤኮ ጌርሲ ማዔ ቄናዜ ናአዚ፤ ዖቲኒዔኤሌ ዬና ካታሚሎ ዖሊ ዓርቄም ካአሌቤ ፔኤኮ ናዎ ዓክሳኦ ዒዛም ዒንጌኔ፤

18 ዔያቶኮ ዔፖ ኬሎና ዓክሳኦና ፔ ዓዶ ኮይላፓ ጎሺ ሹኢቃንዳጉዲ ዖቲኒዔኤሌ ዒዞ ዞሬኔ፤ * ዒዞ ባቁሎይዳፓ ኬዳዛ ካአሌቤ ዒዞ ኮይሎይዳ፡- «ዓይጎ ኔ ኮዓይ?» ጌዒ ዖኦጩኔ።

19 ዒዞ ዓዶ ኮይላ፡- «ኔ ታኣም ዒንጌ ዓጫ ዋኣሂ ባኣያ ዳውላዳያታሂሮ ዳካ ዋኣሂ ዔቲ ታኣም ኔ ዒንጋንዳጉዲ ታ ኮዓኔ» ጋዓዛ፡ ካአሌቤ ዒማና ኬዶ ዛሎና ደኦሎ ዛሎናይዳ ዓኣ ዋኣሂ ዓልቃ ቤሲ ላምዖ ዒንጌኔ።

ዪሁዳ ዓጮ ካታዎ

20 ዪሁዳ ዓሳ ፔ ቶኦኮና ቶኦኮና ዔያቶ ዓጪ ማሂ ዔኬ ካታማ ሃካፓ ሊካ ፓይዲንታሂኬ፡-

21 ደኦሎ ዛሎና ዔይኦሚ ዓጮ ኮይላ ዓኣ ዪሁዳ ፃጰ ካታማ ቃብፃዔኤሌ፤ ዔዴሬ፤ ያጉሬ፤

22 ቂና፤ ዲሞና፤ ዓድዓዳ፤

23 ቃዴሴ፤ ሃዖሬ፤ ሂትናኔ፤

24 ዚፔ፤ ጃሌሚ፤ ቤዓሎቴ፤

25 ሃዖርሃዳታ፤ ቂርዮት ሄደሮኔ (ሃዖሬ)፤

26 ዓማሚ፤ ሹማዒ፤ ሞላዳ፤

27 ሃፃርጋዳ፤ ሄሽሞኔ፤ ቤትጳላጃ፤

28 ሃፃርሹዓሌ፤ ቤርሳቤ፤ ቢዝዮትያ፤

29 ቤዓላ፤ ዒዩሚ፤ ዔጃሚ፤

30 ዔልቶላዴ፤ ኬሲሌ፤ ሆርማ፤

31 ጃቅላጌ፤ ማድማና፤ ሳንሳና፤

32 ሊባዎቴ፤ ሺልሂሚ፤ ዓይኔንታ ሪሞኔ ጌይንታያ ዖሊ ዑፃ ላማታሚ ታዙጳ ካታማ ማዓዛ ዔያቶኮ ኮይላ ዳካ ዳካ ካታማኣ ዓኣኔ።

15:14 ሱኡጎ. ማፃ 1:20። * 15:18 «ዖቲኒዔኤሌ ዒዞ ዞሬኔ» ጋዓዛ፡- ዔብሬ ዓሶ ሙኤጮ ማፃአፖይዳ «ዒዞ ዖቲኒዔኤሌ ዞሬኔ» ጋዓኔ።

- 33 ጌሜሮ ጌሜሮ ዳሞይዳ ዓኣ ካታማ ዔሽታገሌ፥ ጾርዓ፥ ዓሸና፥
- 34 ዛናሃ፥ ዔንጋኒሜ፥ ታፑሃ፥ ዔናሜ፥
- 35 ምርሙቴ፥ ዒዲላሜ፥ ሶኮሃ፥ ዓዜቃ፥
- 36 ሻዕራይሜ፥ ዓዲታይሜ፥ ጌዴራና ጌዴሮታይሜ ጌይንታያ ዋሊ ዑፃ ታጳ ገይዶ ካታማ ማዓዛ ዔያቶኮ ኮይላ ዳካ ዳካ ካታማኣ ዓኣኔ።
- 37 ዬያጉዲ ሃሃ ፃናኔ፥ ሃዳሻ፥ ሚግዳልጋኣዴ፥
- 38 ዲልዓኔ፥ ሚፃጳ፥ ጮፅዔሌ፥
- 39 ላኪሼ፥ ቦፅቃቴ፥ ዔግሎኔ፥
- 40 ካቦኔ፥ ላህማሴ፥ ኬትልሼ፥
- 41 ጌዴሮቴ፥ ቤትዳጎኔ፥ ናዕማና ማቄዳ ጌይንታያ ዋሊ ዑፃ ታጳ ላሆ ካታማ ማዓዛ ዔያቶኮ ኮይላ ዓኣ ዳካ ዳካ ካታማኣ ዓኣኔ።
- 42 ዬያቶ ካታሞ ቢያሢና ዋላ ሊቢና፥ ዔቴሬ፥ ዓሻኔ፥
- 43 ዪፕታሃ፥ ዓሻና፥ ኔፂቤ፥
- 44 ቄራላ፥ ዓክዚቤና ማሬሻ ጌይንታያ ዋሊ ዑፃ ታዞጳ ካታማ ማዓዛ ዔያቶኮ ኮይላ ዳካ ዳካ ካታማኣ ዓኣኔ።
- 45 ዒኢካ ኮይሎይዳ ዳካ ዳካ ካታማንታ ጉርዳንታ ዓኣያ ዔቅሮኔ ጌይንታ ካታማ ዓኣኔ፤
- 46 ዓሸዶዴ ኮይሎይዳኣ ዔቅሮኔፓ ዴንዲ ሜዲቴራኒያ ባዞ ሃላንዳኣና ማዢንቴ ካታማና ዲማ ዲማ ጉርዳና ዓኣኔ።
- 47 ዬያጉዲ ገብፃ ዓጮ ዞጳ ዓኣ ዋሮና ጌይ ዴንዲ ሜዲቴራኒያ ባዞ ዓጮ ሃላንዳኣና ዓኣ ዳካ ዳካ ካታማና ጉርዳና ዓኣ ዓሸዶዴና ጋኣዛ ጌይንታ ካታማ ዓኣኔ።
- 48 ሃሃ ጌሜሮ ዓጮይዳ፡- ሻሚሬ፥ ምቴሬ፥ ሶኮሃ፥
- 49 ዳና፥ ቁርያትሴፔሬ (ዴቢሬ)፥
- 50 ዓናቤ፥ ዔሽቴሞዓ፥ ዓኒሜ፥
- 51 ጌኤሴኤሜ፥ ሆሎኔና ገሎ ጌይንታያ ዋሊ ዑፃ ታጳ ፔቴ ካታማ ዓኣያ ማዓዛ ኮይላ ዔያቶኮ ዳካ ዳካ ካታማኣ ዓኣኔ።
- 52 ዬያጉዲ ገንሃ፡- ዓራቤ፥ ዲማ፥ ዔሸዓኔ፥
- 53 ምኒሜ፥ ቤትታፑሃ፥ ዓፔቃ፥
- 54 ሁሞፃ፥ ኬብሮኦኔና ፃገሬ ጌይንታያ ዋሊ ዑፃ ታዞጳ ካታማ ዓኣያ ማዓዛ ዔያቶ ኮይላ ዓኣ ዳካ ዳካ ካታማኣ ዓኣኔ።
- 55 ዬያቶይዳፓ ሜሌ ሃሃ ማገኔ፥ ቁርሜሎሴ፥ ዚፔ፥ ዩፃ፥
- 56 ዒይዝራዔኤሌ፥ ጮፅዳሚ፥ ዞሆሃ፥
- 57 ቃይኔ፥ ገቢዓና ቲሚና ጌይንታያ ዋሊ ዑፃ ታጳ ካታማ ዓኣያ ማዓዛ ዔያቶኮ ኮይላ ዓኣ ዳካ ዳካ ካታማኣ ዓኣኔ።

- 58 ዬያጉዲ ሃሣ ሃልሁሌ፣ ቤትፁሬ፣ ጌዶሬ፣
- 59 ማዕራቴ፣ ቤትዓኖቴና ዔልትቆኔ ጌይነታያ ዋሊ ዑፃ ላሆ ካታማ ማዓዛ ዔያቶ ኮይላ ዳካ ዳካ ካታማኣ ዓኣኔ።
- 60 ጊንሣ ሃሣ፡- ቁርያባዓኣሌ ባጎ ሱንፃ ቁርያትይዓሪሜ ጌይነታዞና ራኣባ ጌይነታያ ላምዖ ካታማ ዓኣያ ማዓዛ ዔያቶኮ ኮይላ ዳካ ዳካ ካታማኣ ዓኣኔ።
- 61 ዬያቶ ካታሞ ቢያሢና ዋላ ዳውላዳ ዓጮይዳ ቤትዓራባ፣ ሚዲኔ፣ ሴካካ፣
- 62 ኒብሻኔ፣ ሶኦጌ ካታማና ዔንጌዴ ጌይነታያ ዋሊ ዑፃ ላሆ ካታማ ማዓዛ ዔያቶ ኮይላ ዳካ ዳካ ካታማኣ ዓኣኔ።
- 63 ጋዓንቲ ዒዞና ዪሁዳ ዴራ ዬሩሳላሜይዳ ናንጋ ዒያቡሳ ዓሶ ዳውሲ ዳካኒ ዳንዳዒባኣሴ፤ ዬያር ዒያቡሳ ዓሳ ሃና ሄላንዳኣና ዬሩሳላሜይዳ ዪሁዳ ዴርና ዋላ ናንጋ።

16

ዔፕሬኤሜና ሚናኣሴ ዓሶናኮ ሄካሢሞ ዒንጊንቲ ዓጮ

- 1 ዮሴፔ ዜርዖም ዒንጊንቲ ዓጮ፡- ዒያርኮኮ ኮይላ፣ ዓባ ኬሰካ ዛሎይዳ ዓኣ ዮርዳኖሴ ዎራፓ ዓርቃዖ ዓሴ ናንጉዎ ዳውሎይዴና ጌዒ ጌሜር ዛሎና ዒያርኮፓ ቤኤቴኤሌ ኬሰካኔ፤
- 2 ጊንሣ ቤኤቴኤሌይዳፓ ዓርካ ዓሳ ናንጋ ዓፃርትዓዳሬና ጌዒ ሎኦዛ ሄላኔ።
- 3 ዬካፓ ዓባ ጌላ ዛሎና ዓኣ ያፒላፃ ዓሶ ዓጮይዴና ጌዒ ደኣሎ ዛላ ዓኣ ቤትሆርኔ ሄላኔ፤ ዬይና ሃሣ ጌዜሬና ጌዒ ጋፒንፃ ሜድቴራኒያ ባዞ ማዓኔ።
- 4 ዮሴፔ ዜርዖ ማዔ፣ ሚናኣሴና ዔፕሬኤሜና ፔ ዓጮ ሃካፓ ሊካ ኬኤዚንቲ ጎይዖ ጉዴያና ዔኬኔ።
- ዔፕሬኤሜ ዓጮ
- 5 ዔፕሬኤሜ ፃጳ ፔ ዓጪ ማሂ ፔ ቶኦኮና ቶኦኮና ዔኬ ዓጮ ያዲኬ፤ ዔያቶኮ ዛጳ ዓፃርትዓዳሬይዳፓ ዓባ ኬሰካ ዛሎና ኬዶ ዛላ ዓኣ ቤትሆርኔ ኬሰካኔ።
- 6 ዬይና ጌዒ ሜድቴራኒያ ባዞ ሄላኔ፤ ዔያቶኮ ኬዶ ዛሎ ዛጳ ሚክሜታቴናኬ። ዬካፓ ዓርቃዖ ታዓናቴሺሎ ባንሢ ጳንጨንቲ ዓባ ኬሰካ ዛሎና ጋዓዖ ያኖሃ ሄላኔ።
- 7 ዬካፓ ዓርቃዖ ዓፃርቴና ናዓቴና ባንሢ ኬዲ፣ ዒያርኮ ሄላ፣ ጋፒንፃ ዮርዳኖሴ ዎርና ማዓኔ።

15:63 ሱኦጎ. ማፃ 1:21፤ 2ሳሙ. 5:6፤ 1ዖኦሲ. ዓሃኬ 11:4።

8 ዩይ ዛጳ ዓባ ጌላ ዛሎና ታፑሃይዳፓ ዓርቁ ዳንዲ ቃና ዋሮ ሄላያ ጋፒንፃ ሜድቴራኒያ ባዞ ማዓኔ፤ ዔፕሬኤሜ ዓሶም ዔያቶ ዓጨ ማሂ ዒንጊንቴ ዓጫ ዩያኩ።

9 ዩይ ዓጫ፡- ሚናኣሴ ዓጫ ጋሮይዳ ዓኣ ካታሞና ዔፕሬኤሜ ዓሶም ዒንጊንቴ ካታሞና ጉርዶና ፔጋራ ማሂ ዔካኔ፤

10 ዩና ዔፕሬኤሜ ዓሳ ጋዓንቴ ጌዜሬይዳ ናንጋ ካኣናኔ ዓሶ ዒኣፓ ኬሲባኣሴ፤ ዩያሮ ካኣናኔ ዓሳ ሃኖ ሄላንዳኣና ዔፕሬኤሜ ዓሶ ባኣካ ናንጋኔ፤ ያዲ ማዔቴያ ዔያታ ዔፕሬኤሜ ዓሶም ዋልቁና ማዶ ባኣዚ ናሽኪባኣያ ማዳኔ።

17

ዮርዳኖሴ ዋሮኮ ዓባ ጌላ ዛላ ዳዔ ሚናኣሴ ዓሶኮ ዛሎ

1 ዮሴፔኮ ቶይዶ ናዓሂ፥ ሚናኣሴ ዓሶም ዔያቶ ዳኔ ማሂ ዒንጎና ዓጫ ሃካፓ ሊካ ኬኤዚንታ ቤዞኬ፤ ሚናኣሴኮ ቶይዶ ናዓሂ፥ ጌሌዓዴኮ ዓዳ፥ ማኪሬ ያልዚና ዔርቴ ዓሲታሂሮ ጌልዓዴና ባኣሳኣኔና ዒዛም ዒንጊንቴኔ።

2 ዮርዳኖሴ ዋሮኮ ዓባ ጌላ ዛሎና ዓኣ ዓጫ ሃንጎ ሚናኣሴ ዓሶም ዒንጊንቴኔ፤ ዔያታኣ፡- ዓቢዔዜሬ፥ ሄሌቁ፥ ዓሰሪዔኤሌ፥ ሹኬሜ፥ ሄፔሬና ሹሚዳዒ ጌይንታዞንሂኬ፤ ዮሴፔ ናኣዚ፥ ሚናኣሴ ዜርዖኮ ዓቲንቆንሂ ዩንሂ ማዓዛ ዔያታ ፔቴ ፔቴ ማኣሮኮ ሱኡጌኬ።

3 ጃሌጳሃዴ ያፔሬ ናይ፥ ያፔሬ ጌሌዓዴ ናይ፥ ጌሌዓዴ ማኪሬ ናይ፥ ማኪሬ ሚናኣሴ ናይኬ፤ ጃሌጳሃዴኮ ጋዓንቴ ዉዲሮ ናይፓ ዓታዛ ዓቲንቁ ናይ ባኣሴ፤ ዒዛኮ ዶንጎ ዉዲሮ ናይ ዓኣኔ፤ ዩያታ፡- ማሂላ፥ ኖዓ፥ ሆግላ፥ ሚልካና ቲርፃ ጌይንታያኬ።

4 ዩንሂ ቁኤሳሂ ዓላዜሬንታ ኔዋ ናኣዚ ዒያሱንታ ዴሮኮዋ ሱኡጎ ኮይላ ሙካዖ፡- «ኦኡኮ ዓቲንቆ ዒጊኖጉዲ ኦኡማኣ ዓጨ ዒንጊንታንዳጉዲ ናንጊና ናንጋ ጎዳ ሙሴ ዓይህኔ» ጌዔኔ፤ ዩያሮ ናንጊና ናንጋ ጎዳ ዓይህ ጎይፆና ዔያቶም ዔያቶኮ ዓቲንቆ ዒጊኖ ባኣካ ዔያቶሮ ማዔ ዓጨ ዒንጊንቴኔ፤

5 ሚናኣሴም ዮርዳኖሴ ዋሮኮ ዓባ ኬሰካ ዛላ ዓኣ ጌሌዓዴና ባኣሳኣኔይዳ ቃሲ ታጳ ቤሲ ዒንጊንቴኔ።

6 ዒዛኮ ዜርዖይዳ ዉዲሮ ናኣቶ ማዔዞንሂማኣ ዓቲንቆጉዲ ዓጨ ዒንጊንቴሂሮ ጌሌዓዴ ዓጫ ሃንጎ ሚናኣሴ ዜርዖም ዒንጊንቴኔ።

7 ሚናኦሴኮሮ ዓጫ ዓሴኤሬይዳፓ ዓርቃያ ሴኬሚፓ ዓባ ኬሰካ ዛሎና ዓኣ ሚክሚታቲ ሄላኔ፤ ዒዛ ዓጮኮ ዛጳ፡- ዓጮኮ ደኦሎ ዛሎና ገዒ ዒንታፑዓሃ ዳርዋ ፔ ጋራ ማሂ ዔካኔ፤

8 ታፑሃ ኮይሎይዳ ዓኣ ዓጫ ሚናኦሴ ዓሶም ዒንገንቴኔ፤ ዒዛኮ ዛጳይዳ ዓኣ ደኮ ታፑሃ ካታሚላ ጋዓንቴ ዔፕሬኤሚ ዜርያ ቤሲኬ።

9 ዩካፓ ዓርቃያ ሃሃ ሚናኦሴ ዓጮኮ ዛጳ፡- ቃና ዋሮ ሄላኔ፤ ዋሮኮ ደኦሎ ዛሎና ዓኣ ካታማ ሚናኦሴ ዓጮ ጋራ ማዔቴያ ዔፕሬኤሚ ዓጪኬኔ፤ ሚናኦሴኮ ኬዶ ዛሎና ዛጳ፡- ዋሮኮ ዓጮማ ዓርቁ ጋፒንፃ ሚድቴራኒያ ባዘ ማዓኔ፤

10 ዩያሮ ዔያቶ ላምዓሢኮ ዓባ ገላ ዛሎና ዛጳ፡- ሚድቴራኒያ ባዘ ማዓም ዔፕሬኤሚ ደኦሎ ዛሎይዳ፤ ሚናኦሴ ፔ ዓሶና ዓሶና ኬዶ ዛላ ደዓንዳጉዲ ዒንገንቴኔ። ዒዛኮ ኬዶ ዛሎ ዛጳ፡- ዓሴኤሬና ማዓዛ ዓባ ኬሰካ ዛላ ዓኣ ዛጳ ዩሳኮኦሬናኬ።

11 ዩሳኮኦሬና ዓሴኤሬ ዓጮናኮ ጋራ ቤትሳኔንታ ኮይላ ዓኣ ጉርደንታ፡ ዩብሊዓሚና ጉርደንታ፡ ደሬንታ ኮይሎ ጉርደይዳ ናንጋ ዓሶንታ፡ ዓይንደሬንታ ኮይሎ ጉርዳ ናንጋ ዓሶንታ፡ ታዕናኬንታ ኮይሎ ጉርዳ ናንጋ ዓሶንታ፡ ሚገደንታ ኮይሎ ጉርዳ ናንጋ ዓሶንታ፡ ገሚራዳ ዓጮ ማዔ ሃይሃ ዓጪ ሚናኦሴር ማዓኔ።

12 ጋዓንቴ ሚናኦሴ ዓሳ ዒኢካ ናንጋ ዳር ደውሲ ካታም ዓርቃኒ ዳንዳዒባኦሴ፤ ዩያሮ ካኣናኔ ዓሳ ዒኢካ ናንገሢሢ ዓርቁኔ፤

13 ዒሰራዔኤሌ ዓሳ ዋልቃዲ ደዲ ደዲ ዳንዳቴያ ካኣናኔ ዓሶ ቢያ ደውሲ ዳኪባኦሴ፤ ጋዓንቴ ዋልቁና ማዶ ባኣዚ ናሽኪባኦንቴ ዔያቶ ማዲሻኔ።

ዔፕሬኤሚንታ ሚናኦሴኮ ዛሎ ዓሶንታ ዓጫ ቃሲንቶም ያኦጩሢ

14 ዮሴፔ ፃጳ ዒያሱ ኮይላ ሙኪ፡- «ኦኡኮ ፓይዳ ሚርገኬ፤ ናንገና ናንጋ ጎዳ ኦና ሚርገሺ ዓንጃኔ፤ ሂዳያ ዋይቲ ኔ ኦም ዒንጋ ዓጮማ ፔቴ ሌሊ ማዓይ?» ገይ ያኦጩኔ።

15 ዒያሱ ዔያቶም፡- «ዒንሢ ሚርገም ዔፕሬኤሚኮ ገሚራዳ ዓጩላ ዒንሢም ዳካያ ማዓቴ ፔሪዛ ዓሶና ሬፓ ዓሶና ናንጋ ዓጮ ዳንዲጋፓ ካዮ ጲሹዋቴ» ገዔኔ።

16 ዔያታ ዒዛ ኮይላ፡- «ገሚራዳ ዓጩላ ኦም ገዳያቱዋሴ፤ ሃሃ ሊካኑ ኬዲዋጉዲ ዒዝራዔኤሌ ደኦጫ ቤትሻኔና ኮይሎናይዳ ዓኣ ደኮ ደኮ ካታምና ቦኦሎናይዳ ናንጋ ካኣናኔ ዓሶኮ ሳርገላ ያይታ ዓንገ ሌሊ ማዔያ ዓኣኔ» ገዔኔ።

17:13 ሱኦጎ. ማፃ 1:27-28።

17 ዲያሱዋ ዔፕሬኤሜና ዮርዳኖሴ ዋሮኮ ዓባ ጌላ ዛላ ዴዔ ሚናኣሴ ፃጸም፡- «ኅኔ ዲንሢ ሚርጌኬ፤ ዋልቄናኣ ዲንሢ ዶዲኬ፤ ፔቴ ቤሲ ሌሊ ዲንሢም ማዓኒ ከይሱዋሴ፤

18 ዬያሮ ካይዚ ማዔ ጌሜራዲ ዓጩላ ዲንሢሮ ማዓንዳኔ፤ ካይዚ ማዔቴያ ካራፓ ዴንዲ ጋፖ ሄላንዳኣና ጲሺ ዲንሢ ዓጪ ማሁዋቴ፤ ካኣናኔ ዓሶ ዛሎ ጋዓንቴ ዋዚ ዔያቶኮ ሳርጌሎ ያይታ ዓንጊ ማዔቴያ፤ ዋልቄና ዔያታ ዶዲታቴያ ዳኪ ዲንሢ ዔያቶ ባይዛኒ ዳንዳዓኔ» ጌዔኔ።

18

ዓቴ ዓጫ ጊሽኪንቴ ጎይፆ

1 ያሎና ባሺ ዓጩሎ ዔያታ ዓርቁሰካፓ ዲሰራዔኤሌ ዴራ ጉቤሢ ሴኤሎይዳ ቡኪንቴ፤ ናንጊና ናንጋ ጎዳ ዴሮና ካኣማ ማኣሮ ዶቄኔ።

2 ዲሰራዔኤሌ ዴሮ ባኣካፓ ዲማና ፔ ዓጪ ዔኪባኣ ላንካይ ፃጲ ዓጥ ዓኣኔ፤

3 ዬያሮ ዲያሱ ዲሰራዔኤሌ ዴሮ ኮይላ፡- «ዲንሢኮ ቤርታኣ ዓዶንሢኮ ያኦዛሢ ማዔ ናንጊና ናንጋ ጎዳ ዲንሢም ዲንጌ ዓጩሎ ጌሊ ዳካሉዋዎ ዓይዲ ሄላንዳኣና ዲንሢ ዴዓይ።

4 ሃሢ ፔቴ ፔቴ ፃጸፓ ሃይሃ ሃይሃ ዓሲ ታኣም ዶኦሩዋቴ፤ ፔቴ ፔቴ ፃጸ ዔካኒ ኮይሳ ዓጩ ዔራኒ ዓጩሎኮ ጎይፆ ዛጊ ፃኣፒ ዔኪ ዬዓንዳጉዲ ዓጩሎ ጋሮ ጉቤ ታ ዔያቶ ዳካንዳኔ፤ ዬካፓ ማዔ ዔያታ ታ ኮይላ ሙካንዳኔ።

5 ዔያታ ዴንዲ ዛጋንዳ ዓጫ፡- ላንካዎ ፃጸም ጊሽኪንታንዳኔ፤ ዪሁዳ ዶኦሎ ዛሎይዳ፤ ዮሴፔ ኬዶ ዛሎይዳ ዔያቶም ዲንጊንቴ ዓጩ ዔኪ ናንጋንዳኔ፤

6 ዓጩሎ ላንካይ ቤሲ ፓቂ ፃኣፒጋፓ ታኣም ዔኪ ዬዑዋቴ፤ ናንጊና ናንጋ ጎዳ ማዔ ኦ ያኦዛሢኮ ማሊፆ ዔራኒ ዲፃታኣኒ ዲንሢም ዓጋንዳኔ።

7 ያዲ ማዔቴያ ለዊ ዓሶሮ ማዔ ባካ፡- ቄኤሴ ማዔ ናንጊና ናንጋ ጎዳም ማዲሢታሢሮ ሃንጎ ዓሶና ዋላ ዔያታ ዔካ ዓጪ ባኣሴ፤ ሃሢ ሮኦኤኤሌንታ ጋኣዴንታ ሚናኣሴኮዋ ዛሎ ዓሳ ዮርዳኖሴኮ ዓባ ኬሰካ ዛሎይዳ ናንጊና ናንጋ ጎዳ ዓይላሢ፤ ሙሴ ዔያቶም ዲንጌ ዓጩ ቤርታ ዔኪ ዳካሌኔ» ጌዔኔ።

8 ዓሶንሢ ዓጩሎኮ ጎይፆ ዛጋኒ ዴንዳንዳሢኮ ቤርታ ዲያሱ፡- «ዓጩሎኮ ጋሮ ቢያ ዴንዲ ዲዛ ዋዚጉዴ ቤሰካ ዓኣቴያ ዛጊ

ፃኣፒጋፓ ታ ኮይላ ማዒ ሙኩዋቴ፤ ታኣኒ ሃካ ሴኤሎይዳ ዲንሢ ዛሎ ናንገና ናንጋ ጎዳ ፆኦጫኒ ዲፃ ዓጋንዳኔ» ጌይ ኬኤዚ ዳኬኔ፤

9 ዩካፓ ዓሰንሢ ዓጩሎ ጉቤ ሺሪ፥ ካታሞዋ ቢያ ፃኣፒ ፃኣፒ ዓጩላ ዋዲ ላንካዋ ፃጶም ጊሽኪንታንዳቴያ ቢራናይዳ ፃኣፒ ዓርቄኔ፤ ዲያሱ ዓኣ ቤዘ ሴኤሎ ማዒ ዔያታ ሙኬኔ፤

10 ዩያሮ ዲያሱ ናንገና ናንጋ ጎዳኮ ማሊያ ዔራኒ ዲፃ ዓገኔ፤ ዩያይዲ ዲዚ ዲሰራዔኤሌኮ ዓቴ ፃጶ ፔቴ ፔቴሢም ፓቂ ፓቂ ዲንጌኔ።

ቢኢኒያሜር ማዒ ዲንገንቴ ዓጮ

11 ቤርታዲ ቢኢኒያሜ ፃጶኮ ፔቴ ፔቴ ቶኦኮም ዲፃሢ ኬዳኔ፤ ዲፃሢ ኬዳ ጎይፆና ዔያቶ ዓጪ ማዔ ዓጫ ዪሁዳና ዮሴፔ ፃጶ ዓጮናኮ ባኣካ ማዓዛ ዩይ ሃካፓ ሊካ ኬኤዚንታ ቤዘኬ።

12 ኬዳ ዛሎና ዔያቶኮ ዛጶ ዮርዳኖሴ ዎራፓ ዓርቃያ ዲያርኮኮ ኬዳ ዛሎና ሌካ ኬሰኪ ዓባ ጌላ ዛሎይዳ ዓኣ ጌሜር ዓጮይዳና ጌዲ ዳንዲ ዓሲ ናንጉዋ ዳውሎ ቤትዓጭኔ ሄላኔ፤

13 ዩይ ዛጶ፡- ደኦሎ ዛሎና ቤርታ ሎኦዛ ጌይንታ ቤኤቴኤሌ ኬሰካፆ ደኦሌና ቤትሆሬ ዲኮና ጌይ ዓፃርትዓዳሬ ኬዳኔ።

14 ሃሢ ዩይ ዛጶ፡- ዩኖ ዲኮኮ ዓባ ጌላ ዛሎና ሊካ ጳንጨንቴ ዪሁዳ ፃጶ ዓጮ ማዔ፥ ቂርያትባዓኣሌ (ቂርያትይዓሪሜ) ባንሢ ዳንዳኔ፤ ዩይ ዓባ ኬሰካ ዛሎና ዓኣ ዛጶኬ፤

15 ደኦሎ ዛሎና ዛጶ፡- ዓባ ጌላ ዛላ ቂርያትይዓሪሜኮ ጋፒንፃፓ ዓርቃያ ኔፕቶሃ ጌይንታያ ዋኣፃ ዓልቃ ቤዘ ባንሢ ዳንዳኔ።

16 ዩካፓ ራፓይሜ ደኦጮኮ ኬዳ ዛሎ ጋፒንፃ ዓኣ ሄኖሜ ደኦጮኮ ሆቶና ጌዲ ዲኮኮ ዳሞ ኬዳኔ፤ ሃሢ ገንሢ ዲያሱባ ዓጮ ጎኦኮኮ ደኦሎ ዛሎይዳ ዓኣ ሄኖሜ ደኦጮ ባንፆና ጌዲ ዔንርጌሌ ሄላኔ፤

17 ዩካፓ ኬዳ ዛሎና ጳንጨንቴ ዲንሺሚሼ ባንሢ ዳንዳኔ፤ ዩይና ጌዲ ጌሊሎቴ ዳንዳኔ፤ ጌሊሎቴ ዓዲሚሜ ቲፓሢኮ ሆታ ዓኣያኬ፤ ሃሢ ዩይና ጌዲ ሮኦቤኤሌ ናኣዚ ዳኣቤ ቦሃኔ ሹጮ ባንሢ ኬዳኔ፤

18 ኬዳ ዛሎና ዮርዳኖሴ ደኦጮኮ ሆታ ዓኣ ጎኦኮ ዛሎና ጌዲ ሊካ ኬዳኔ።

19 ዩይ ዛጶ፡- ቤትሆጊላ ኮይሊና ጋዓፆ ሶኦጌ ባዚኮ ኬዳ ዛሎ፤ ዮርዳኖሴ ዎሮኮዋ ደኦሎ ዛሎ ሄላኔ፤ ዩይ ደኦሎ ዛሎ ዛጶኬ።

20 ዓባ ኬሰካ ዛሎ ዛጶ ዮርዳኖሴ ዎሮናኬ፤ ዩይ ዓካሪ ቢኢኒያሜ ፃጶ ፔ ዓጪ ማሢ ዔኬ ዓጮኮ ዛጶኬ።

21 ቢኢኒያሜ ፃጶ ፔ ቶኦኮና ቶኦኮና ዔኬ ካታማ ሃካፓ ሊካ ፓይዲንታሢኬ፡- ዲያርኮ፥ ቤትሆጊላ፥ ዔሜቄፃፃ፥

- 22 ቤትዓሬባ፡ ዩማራይሜ፡ ቤኤቴኤሌ፡
- 23 ዓዋሚ፡ ፓራ፡ ያፒራ፡
- 24 ኬፓርዓሞናዬ፡ ያፒናና ገባዓ ገይንታያ ዋሊ ዑፃ ታጾ ላምዎ ካታማ ማዓዛ ዬያቶ ኮይላ ዳካ ዳካ ካታማና ጉርዳና ዓኣኔ።
- 25 ዬያጉዲ ሃሃ ገባዖኦኦ፡ ሪማ፡ ቤዔርቴ፡
- 26 ሚጂጳ፡ ኬፕራ፡ ሞፃ፡
- 27 ሬቄሚ፡ ዪርጳዔኤሌ፡ ታራላ፡
- 28 ጳላዔ፡ ዔሌፕ፡ ዲያቡሳ (ዩሩሳላሚ)፡ ገቢዓንታ ቁርያትይዓሪሜ ገይንታያ ዋሊ ዑፃ ታጾ ያይዶ ካታማ ዔያታ ዔኬያ ማዓዛ ዬና ካታሞኮ ኮይላ ዳካ ዳካ ካታማና ጉርዳና ዓኣኔ። ቢኢኒያሚ ዓሳ ፔ ቶኦኮና ቶኦኮና ዔኬ ዓጮ ዬያኬ።

19

ሲሞኦኔ ዓሶም ዔያቶር ማሂ ዲንጎና ዓጮ

- 1 ላምዓሶና ሲሞኦኔ ፃጶም ዓጮ ዲንገንቴኔ፤ ዔያቶኮ ዓጮ፡- ዪሁዳ ፃጶም ዲንገንቴ ዓጮ ሳዞ ገሌያኬ፤
- 2 ዬይ ካታማ፡- ቤርሳቤ፡ ሹባዒ፡ ሞላዳ፡
- 3 ሃፃርሹዓሌ፡ ባላ፡ ዔጃሚ፡
- 4 ዔልቶላዳ፡ ቤቴሌ፡ ሆርማ፡
- 5 ጃቅላጌ፡ ቤትማርካቦቴ፡ ሃፃርሱሳ፡
- 6 ቤትሌባዖቴንታ ሻሩሄኔ ገይንታያ ዋሊ ዑፃ ታጾ ሃይሃ ካታማና ዬያቶኮ ኮይላ ዳካ ዳካ ካታማኣ ዓኣያኬ።
- 7 ዬያይዳ ሃሃ፡- ዓይኔ፡ ሪሞኔ፡ ዔቴሬና ዓሻና ገይንታ ያይዶ ካታማንታ ዔያቶኮ ኮይላ ዳካ ዳካ ካታማኣ ዓኣያኬ፤
- 8 ደኦሎ ዛሎና ዓኣ ባዕላትቤዔሬ (ራማ) ሂላንዳኣና ዬያ ካታሞ ኮይላ ዓኣ ዳኮ ዳኮ ካታማኣ ዔያቶርኬ፤ ሲሞኦኔ ፃጶ ፔ ቶኦኮና ቶኦኮና ዬያ ዓጮ ዓርቄኔ፤
- 9 ዪሁዳ ፃጶም ዲንገንቴ ዓጮ ሚርጌ ዳልጊ ዓጪታሂረ ዪሁዳ ሳያይዳፓ ፓቂ ሲሞኦኔ ፃጶም ዲንገንቴኔ፤ ዬያር ሲሞኦኔ ፃጶ ዪሁዳ ዓሶ ዴናፓ ቤሲ ዔካኒ ዳንዳዔኔ።

ዛብሎኦኔ ዓሶም ዲንገንቴ ዓጮ

- 10 ሃይሃሶና ዛብሎኦኔ ፃጶም ዓጮ ዲንገንቴኔ፤ ዔያታ ዔኬ ዓጮ ዴንዲ ሳሪዴ ሂላያኬ፤
- 11 ዔያቶኮ ዛጳ ዬካፓ ዓርቃዖ ዳባሹቴና ዮቅኔዓሚናኮ ዓባ ገላ ዛላ ዓኣ ዎር ዓርቄ ዓባ ኬሰካ ዛሎና ዴንዲ ማርዒላ ሂላኔ።

19:8 1፻ኦሲ. ዓሃኬ 4:28-33።

12 ሳሪዳኮ ሱኩና ጌይያ፡- ዓባ ኬሰካ ዛሎና ኪሰሎቴታቦሬ ጌዳና ጌዒ ዳብራቴና ዴንዲ ያፕሳኔ ሄላኔ።

13 ዩይና ዓባ ኬሰካ ዛሎና ሪሞኔ ባንሢ ዔኪ ዴንዳ ጎይያና ኔዓ ባንሢ ጳንጨገነቲ ዴንዳ፡ ጋቴሬና ጌዒ ዒትቃጊኔ ሄላያኬ፤

14 ኬዶ ዛሎና ገንሣ፡- ሃናቶኔ ባንሢ ጳንጨገነቲ ዴንዳ፡ ጋፒንፃ ሂፕታህዔኤሌ ዶኦፍና ማዓኔ።

15 ዩይካ ዓኣ ካታማ፡- ቃፃቴ፥ ናህላሌ፥ ሺምሮኔ፥ ዪዳላንታ ቤኤቴሌሃሜ ጌይንታ ታጳ ላም፡ ካታማና ዩያቶኮ ኮይላ ዳካ ዳካ ካታማኣ ዓኣኔ፤

16 ዩይ፡- ዴኤፖ ዴኤፖ ካታሞንታ ዳኮንታ ዛብሎኦኔ ፃጳም ፔ ቶኦኮና ቶኦኮና ዔያቶ ዓጨ ማሂ ዒንጎና ዓጮኬ።

ዪሳኮኦሬ ዓሶም ዒንገንቲ ዓጮ

17 ያይዳሶና ዪሳኮኦሬ ፃጳም ዓጮ ዒንገንቲኔ፤

18 ዔያቶኮ ዓጮ ሃካፓ ሊካ ፓይዲንታ ካታሞ ፔ ጋራ ዔካያኬ፡- ዒዘራዔኤሌ፥ ኬሱሎቴ፥ ሹኔሜ፥

19 ሃፓራይሜ፥ ሺያኔ፥ ዓናሃራቴ፥

20 ራቢቴ፥ ቂሺዮኔ፥ ዓቤፀኔ፥

21 ሬሜቴ፥ ዔንጋኒሜ፥ ዔንሃዳኔና ቤትጳፀፃንታኬ፤

22 ዔያቶኮ ዛጳ ዮርዳኖሴ ዎሮና ማዓዛ ዔያታ ታኣቦሬና ሻሃፁማና ቤትሹሜሽኔናኮ ዓሺኒ ማዒ ካኣማኔ፤ ዩይ ካታማ ቢያ ታጳ ላሆ ማዓዛ ዔያቶ ኮይላ ዳካ ዳካ ካታማ ዓኣኔ፤

23 ዩያሮ ዩያታ ዴኤፖ ዴኤፖ ካታሞንታ ዳኮንታ ዪሳኮኦሬ ፃጳም ፔ ቶኦኮና ቶኦኮና ዒንጎና ዓጮ ጋራ ዓኣያኬ።

ዓሴኤሬ ዓሶም ዒንገንቲ ዓጮ

24 ደንጋሶና ዓሴኤሬ ፃጳም ዓጮ ዒንገንቲኔ፤

25 ዔያቶኮ ዓጮ ሃካፓ ሊካ ፓይዲንታ ካታሞ ፔ ጋራ ዔካያኬ፡- ሄልቃቴ፥ ሃሊ፥ ቤፃኔ፥ ዓክሻፕ፥

26 ዓላሜሌኬ፥ ዓምዓዴንታ ሚሾዓሌንታኬ፤ ዓባ ጌላ ዛሎና ቁርሜሎሴና ሺሆርሊብናቴ ካታሞና ዓሺኒ ማዒ ካኣማኔ፤

27 ዩይና ዓባ ኬሰካ ባንሢ ጳንጨገነቲ ዛጳ ቤትዔሜቄና ጌዒ ኔዒዔኤሌ ዴንዳ ጎይያና ዛብሎኦኔና ሂፕታህዔኤሌ ዶኦፍ ዛጳና ካኣሚ ካኣሚ ዴንዲ ቤትዳጊኔ ሄላኔ። ኬዶ ዛሎና ካቡሌ፥

28 ዔብሮኔ፥ ሬሆቤ፥ ሃሞኔንታ ቃናይንታይዴና ጌዒ ዴኤፖ ሲዶና ጎፖዞ ሄላኔ።

29 ዩይ ዛጳ፡- ኬኤሎ ዲያና ኮይላ ዲርቂንቲ ዲሮሴ ካታሞ ሄላ፡ ራማ ባንሢ ጳንጨገነቲ ዴንዳኔ፤ ዩካፓ ሃሣ ጋፒንፃ ሜድቴራኒያ ባዞ

ማዓዛ ገንሣ ሆሳ ባንሢ ጳንጨንቲ ዴንዳኔ፤ ዬያ ዓጮ ጋራ ዓኣ ካታማ፡- ማሃላቤ፥ ዓክዚቤ፥

30 ዑማ፥ ዓፒቄና ሬሆቤ ጌይንታያ ላማታሚ ላምዖ ካታማና ዬያቶ ኮይሎይዳ ዳካ ዳካ ካታማኣ ዓኣያኬ፤

31 ዓካሪ ዬይ ዴኤፖ ዴኤፖ ካታሞንታ ዳኮንታ ዓሴኤሬ ፃጳም ፔ ቶኦኮና ቶኦኮና ዔያቶ ዓጨ ማሂ ዒንጎና ዓጮ ጋራ ዓኣያኬ።

ኒፕታኣሌኤሚ ዓሶም ዒንገንቲ ዓጮ

32 ላሃሶና ኒፕታኣሌኤሚ ፃጳም ዒንገንቲኔ፤

33 ዔያቶ ዓጮኮ ዛጳ፡- ሄሌፔይዳፓ ዓርቃዖ ዓዳሚንቄቤና ያሚኔ ባንዖና ጌዒ ሺራ ካራ ዮርዳኖሴ ዎሮ ማዓዛ ዴንዲ ላቁሚና ጌዒ ዳዕናሂሚ ሻኣሶ ሄላኔ።

34 ዬካፓ ዛጳ፡- ዓባ ኬሰካ ዛሎና ዓዝኖትታቦሬ ባንሢ ጳንጨንቲ ዴንዳኔ፤ ዬይና ጌይ ሁቆቄ ሄሊ፥ ድኦሎ ዛሎና ዛብሎኦኔ፤ ዓባ ጌላ ዛሎና ዓሴኤሬ፤ ዓባ ኬሰካ ዛሎና ዮርዳኖሴ ሄላኔ።

35 ሃሣ ዔያቶኮ ኬኤሎ ዲዖና ዲርቄንቲ ካታማ፡- ዲዲሚ፥ ፃሬ፥ ሃማቲ፥ ራቃቲ፥ ኬናሬቲ፥

36 ዓዲማ፥ ራማ፥ ሃዖሬ፥

37 ቄዴሼ፥ ዔድሬዒ፥ ዔንሃዖሬ፥

38 ዪርዖኔ፥ ሚግዳልዔኤሌ፥ ሆሬሚ፥ ቤትዓናቲና ቤትሹሚሼ ጌይንታያ ታጳ ታዞጳ ካታማ ማዓዛ ዬያቶ ኮይላ ዳካ ዳካ ካታማኣ ዓኣኔ፤

39 ዓካሪ ዬይ ዴኤፖ ዴኤፖ ካታሞንታ ዳኮንታ ኒፕታኣሌኤሚ ፃጳም ፔ ቶኦኮና ቶኦኮና ዔያቶ ዓጨ ማሂ ዒንጎና ዓጮ ጋራ ዓኣያኬ።

ዳኣኔ ዓሶም ዒንገንቲ ዓጮ

40 ላንካሶና ዳኣኔ ፃጳም ዓጮ ዒንገንቲኔ፤

41 ዔያቶኮ ዓጮ ሃካፓ ሊካ ፓይዲንታ ካታሞ ፔ ጋራ ዔካያኬ፡- ዖርዓ፥ ዔሽታዖሌ፥ ዒርሼሚሼ፥

42 ሻዓልቢሚ፥ ዓያሎኔ፥ ዪታላ፥

43 ዔሎኔ፥ ቲሚና፥ ዔቅርኔ፥

44 ዔልቲቄኔ፥ ገብቶኔ፥ ባዕላቲ፥

45 ዓይሁዴ፥ ቤኔቤራቄ፥ ጋትሪሞኔ፥

46 ሚያርቆኔ፥ ራቆኔና ዬያጉዲ ሃሣ ዒዮጴ ኮይሎይዳ ዓኣ ዓጮንታኬ።

47 ዳኣኔ ዴራ ዬያ ዓጮ ዳካላኒ ዳንዳዒንቲዎኣሢ ዛጌ ዎደና ዔያታ ላዪሼ ዴንዲ ዖሊ ካታሚሎ ዓርቄኔ፤ ዒኣካ ዓኣ ዓሶ ዎዲ ጋፒሲ ፔ ዓጨ ማሂ ዔካዖ ዲንኪ ዒዞይዳ ዴዔኔ፤ ዬኖ ካታሚሎኮ

ሱንጾ ዔያታ ላኣሚ ዔያቶኮ ቤርታኣ ዓዳሢ ሱንጾና ዳኣኔ ጌይ ጌህኔ፤

48 ዩያሮ ዩይ ደኤፖ ደኤፖ ካታሞንታ ዳኮንታ ዳኣኔ ፃጶሞ ፔ ቶኦኮና ቶኦኮና ዔያቶ ዓጪ ማሂ ዒንጎና ዓጮኮ ጋራ ዓኣያኬ።

ጋፒንፃ ዒያሱም ዒንገንቲ ዓጮ

49 ዒሰራዔኤሌ ዓሳ ዓጮሎ ገሸቲ ጋፔሰካፓ ኔዊ ናኣዚ፥ ዒያሱም ሳዔሎይዳፓ ፓቂ ዒዛ ዓጪ ማሂ ዔያታ ዒንገኔ፤

50 ናንገና ናንጋ ጎዳ ዒዛ ዓይህ ጎይጾና ጌሚራ ሚርጌ ዓኣ ዔፕሬኤሚ ዓጮይዳ ዒዛም ዒንጋንዳጉዲ ዒ ጾኦጮ፥ ቲሞናትሰራሂ ጌይንታ ካታሚሎ ዒዛም ዔያታ ዒንገኔ፤ ዩሮ ካታሚሎ ገኢገሺ ማዢ ዒ ናንጋ ቤሲ ማህኔ።

51 ቈኤሳሢ ዓሳዜሬንታ ኔዊ ናኣዚ ዒያሱንታ ዒሰራዔኤሌ ዓሳኮ ዲማ ዲማ ፃጶ ሱኡጎንታ ዓፒሎና ማዢንቲ ናንገና ናንጋ ጎዳ ዳሮና ካኣማ ማኣሮ ካራ፥ ሰኤሎይዳ፥ ናንገና ናንጋ ጎዳ ዓኣ ቤዘይዳ ዒሰራዔኤሌ ዓሳም ዒፃ ዓጊ ዓጊ ዩያ ዓጮ ቢያ ዒንገኔ። ዩያይዲ ሳዔሎ ዔያታ ገሸኪ ጋፒሰኔ።

20

ዓኣሺንቲ ቶሎ ካታሞ

- 1 ዩካፓ ናንገና ናንጋ ጎዳ ዒያሱም፡-
- 2 «ሙሴ ዒንሢም ኬኤዛንዳጉዲ ታ ዓይህ ጎይጾና ዓሲ ዎጳ ዓሲ ዓኣሺንቲ ቶላ ካታማ ዔያታ ዲማሳንዳጉዲ ዒሰራዔኤሌ ዓሳም ኬኤዜ፤
- 3 ዓይጎ ዓሲያ ማለባኣፃ ዓሲ ዎጳቴ፥ ዩሮ ካታሚሎ ዳንዲ ኮሞ ዔካኒ ጋዓ ዓሳፓ ቶላያ ማጾንጎ፤
- 4 ዩይ ዓሢ ዩንሢ ካታሞንሢፓ ፔቴማ ሩኡሪ ዳንዲ ካታሚሎ ጌሎ ካሮይዳ ዓኣ ዎጎ ዎጋ ዓሳም ማዲንቲ ባኮ ቢያ ኬኤዛንጎ፤ ዩካፓ ዔያታ ዒዛ ካታሞ ጌልዚ፥ ዒ ናንጋንዳ ቤሲ ዒንጋዛ ዒኢካ ዒ ዳጾንጎ።
- 5 ዒዛ ዎዲ ኮሚ ማሃኒ ኮዓ ዓሲ ዒዛ ገንጾ ኮዒ ሙኬቴ፥ ካታሞ ዓሳ ዩያ ዓሢ ዒዛም ኬሲ ዒንጋንዳያ ኮይሱሞሴ፤ ዒ ዓሢ ዎጳሢ ኮሚ ዔካኒ ማለቱሞንቲ ኩቺ ዳቢንቲና ማዔሢሮ ዒዛ ዔያታ ዓውሳንዳያ ኮይሳኔ፤

19:47 ሱኡጎ. ማፃ 18:27-29። 20:1 ፓይ. ማፃ 35:6-32፤ ላሚ. ዎማ 4:41-43፤ 19:1-13።

6 ዬይ ዓሢ ዋጎ ዋጋ ዓሶ ቤርቶ ሺኢኪ ዋጊንታንዳያ ሄለንዳኣና፡ ሃሣ ዬኖ ዋዶና ቁኤሶ ቢያሢኮ ሱኩጌ ማዒ ማዳሢ ሃይቃንዳያ ሄለንዳኣና ዬኖ ካታሞይዳ ዒ ናንጋኒ ዳንዳዓኔ፤ ዬካፓ ቤርታ ዒ ዓኣሺንቲ ሙኬ ካታሞይዳ ዓኣ ፔ ማኣሪ ዳንዳኒ ዳንዳዓኔ» ጌዔኔ።

7 ዬያሮ ዮርዳኖሴ ዋሮኮ ዓባ ጌላ ዛላ ጌሜራ ሚርጌ ዓኣ ኒፕታኣሌኤሜ ዓጮኮ ጌሊላይዳ ዓኣ፡ ቁዳሼ ጌይንታዞ፤ ሃሣ ጌሜራ ሚርጌ ዓኣ ዔፕሬኤሜ ዓጮይዳ ዓኣ ሴኬሜና ጌሜራ ሚርጌ ዓኣ ዓጮ ዪሁዳይዳ ኩብሮኦኔ (ዓርባዒ ካታሞ) ጌይንታዞ ዔያታ ዲማሴኔ።

8 ዬያፕዲ ሃሣ ዮርዳኖሴ ሱካ፡ ዒያርኮኮ ዓባ ኬሰካ ዛሎና ሮኦቤኤሌ ፃጰ ዓጮይዳ ጳጌ ቤሲ ማዔ ዓሲ ናንጉዋ ዳውሎይዳ ዓኣ ቤፃሬ፤ ጋኣዳ ፃጰ ዓጮ ጌሌዓዳይዳ ዓኣ ራሞቴና ሃሣ ሚናኣሴ ፃጰ ዓጮ፡ ባኣሳኔይዳ ዓኣ ጎላኔ ካታሞዋ ደኦሪ ዔያታ ዲማሴኔ።

9 ዬንሢ ካታማ ዒሰራዔኤሌ ዴሮና ዔያቶ ባኣካ ናንጋ ሜሌ ዓጮ ዓሶና ዓሲ ዋዳቴ ቶሊ ዓታንዳ ካታሞንሢኬ፤ ዓይጎ ዓሲያ ማፖም ኩቲ ዳቢንቲና ዓሲ ዋዳቴ ዋጎ ዋጋ ዓሶ ዒዛይዳ ዋጊባኣንቲ ዋዲንቲዋፕዲ ዬንሢ ካታሞንሢፓ ፔቴማ ዳንዲ ኮሞ ማሃኒ ጋዓ ዓሶፓ ቶሊ ዓታኒ ዳንዳዓኔ።

21

ሌዊ ዓሶም ዒንጊንቲ ካታሞ

1 ሌዊ ፃጰ ማኣሮ ማኣሮ ሱኡጋ ቁኤሳሢ ዓላዜሬንታ ኔዊ ናኣዚ ዒያሱንታ ዒሰራዔኤሌ ዓሶኮ ዲማ ዲማ ፃጰ ሱኡጎንታ ኮይላ ሙኬኔ፤

2 ዒኢካ ካኣናኔይዳ ዓኣ ሴኤሎ ዔያቶ ኮይላ ሙካዖ፡- «ዒንሢ ኡም ኦኡኒ ናንጋንዳ ካታማንታ ኮይላ ቆልሞ ሄንቃ ቤሲንታ ዒንጋንዳፕዲ ናንጊና ናንጋ ጎዳ ሙሴም ኬኤዚ ዒንሢ ዓይሣኔ» ጌዔኔ።

3 ዬያሮ ናንጊና ናንጋ ጎዳ ዓይሢ ጎይዖና ዒሰራዔኤሌ ዴራ ሌዊ ዓሶም ሃካፓ ሊካ ኬኤዚንታ ካታሞንታ ቆልማ ሄንቃ ቤዞንታ ዔያቶኮ ዓጮይዳፓ ፓቂ ዒንጌኔ።

4 ዒፃሢ ቤርታዲ ቁዓቴ ዓሶም ኬዳኔ፤ ሌዊ ፃጰ ማዔ ቁኤሳሢ፡ ዓኣሮኔ ዜርዖም ታጰ ሃይሃ ካታማ ዒፃ ዓጊንቲ ዓጊንቲ ጊሸኪንቲኔ፤ ዬይ ካታማ ዔውቴሢ ዪሁዳ ዓጮፓ፡ ሲሞኦኔንታ ቢኢኒያሜንታ ዓጮፓኬ፤

21:2 ፓይ. ማፃ 35:1-8።

5 ቁዋቴ ቁዋቴ ዜርዖም ዔፕሬኤሜንታ ዳኣኔንታ ዓባ ጌላ ዛላ ዓኣ ሚናኣሴ ዓሶ ዓጮናይዳፓ ታጾ ካታማ ዒፃ ዓጊ ዓጊ ዒንጊንጉቴ።

6 ጌርሾኔ ዜርዖም ዪሳኮኦሬንታ ዓሴኤሬንታ ኒፕታኣሌኤሜንታ ባኣሳኔይዳ ዓባ ጌላ ዛላ ዓኣ ሚናኣሴ ዓሶ ዓጮናይዳፓ ፓቂንቴ ዔውቴ ታጾ ሃይሃ ካታማ ዒንጊንጉቴ።

7 ማራሪ ዓሶም ፔ ቶኦኮና ቶኦኮና ሮኦቤኤሌ ዓጮይዳፓ፣ ጋኣዳና ዛብሎኦኔሲናይዳፓኣ ፓቂ ታጾ ላምዖ ካታማ ዒንጊንጉቴ።

8 ናንጊና ናንጋ ጎዳ ሙሴም ኬኤዜ ጎይዖና ዒሰራዔኤሌ ዴራ ዩንሢ ካታምንሢና ቆልማ ሄንቃ ቤዘና ዒፃ ዓጊ ዓጊ ሌዊ ዓሶም ጊሸኬ።

9 ዪሁዳና ሲሞኦኔ ፃጾ ዓጮናይዳፓ ሃካፓ ሊካ ሱንፃ ኬኤዚንቴ ካታማ ዒያቶም ዒንጊንጉቴ፤

10 ዒፃሢ ቤርታዲ ሌዊ ፃጲ ማዔ ዓኣሮኔ ዜርዖ ቁዋቴ ዓሶም ኬዳሢሮ ዔያቶም ዒንጊንጉቴ።

11 ዪዖና ጌማራ ሚርጌ ዓኣ ዪሁዳ ዓጮይዳ ዓርባዒ ካታም፤ ኮይላ ዓኣ ቆልማ ሄንቃ ቤዘና ዒሰራዔኤሌ ዓሳ ዔያቶም ዒንጌ፤ ዩና ኬብሮኦኔ ጌይንታ፤ ዩይ ዓርባዒ ጎዖ ዓሢ ዔናኣቁኮ ዓዶኬ።

12 ጋዓንጉቴ ካታማሎኮ ኮይላ ዓኣ ጎዦና ጉርዶና ቤርታዲ ዪፑኔ ናኣዚ ካኣሌቤም ዒንጊንጉቴ።

13 ዓሶ ዎዴ ዓሳ ዓኣሺንጉ ቶላ ኬብሮኦኔ ካታምዎ ኮይላ ቆልማ ሄንቃ ቤዘና ዎላ፣ ዩያጉዲ ሃሣ ሃካፓ ሊካ ፓይዲንታ ካታማኣ ዓኣሮኔ ዜርዖም ዒንጊንጉቴ፤ ዩያታ ሊቢና፣

14 ያቴሬ ዔሸቴሞዓ፣

15 ሆሎኔ፣ ዴቢሬ፣

16 ዓይኔ፣ ዪፃንታ ቤትሹሜሹንታ ቆልማ ሄንቃ ቤዘና ዪሁዳ ዓጮና ሲሞኦኔ ዓጮናይዳፓ ፓቂንቴ ዔውቴ ዒንጊንጉቴ ታዘጸ ካታማኬ።

17 ቢኣኢያሜ ዓጫፓ ዖይዶ ካታማ ፓቂ ዔያቶም ቆልማ ሄንቃ ዓጮና ዎላ ዒንጊንጉቴ፤ ዩያታ ጌባዖኦኔ፣ ጌባዒ፣

18 ዓናቶቴንታ ዓልሞኔ ጌይንታዘንሢ።

19 ዓኣሮኔ ዜርዖ ማዔ ቁኤሶም ቆልማ ሄንቃ ቤዘና ዎላ ዎላ ታጾ ሃይሃ ካታማ ዒንጊንጉቴ።

20 ሃንጎ ሌዊ ፃጲ ማዔያ ቁዋቴ ዓሶም ዔፕሬኤሜ ዓጫፓ ፓቂ ዒንጊንጉቴ።

21 ዔያቶም ዒንጊንጉቴ ዖይዶ ካታማ ዓኣኔ፤ ዩያታ፡- ዓሶ ዎዴ ዓሳ ዓኣሺንጉ ቶላ ሴኬሜ ካታምንታ ጌማራዳ ዓጮ ዔፕሬኤሜይዳ ዓኣ ጌዜሬንታ፣

22 ቁብፃይሜንታ ቤትሆኔንታ ቆልማ ሄንቃ ቤዘና ዎላኬ።

23 ደኣኔ ዓጮይዳፓ ፓቂንቲ ዔያቶም ቆልማ ሄንቃ ቤዘና ዋላ ዒንጊንቲ ያይዶ ካታማ ዓኣኔ፤ ዴያታ፡- ዔልቲቁ፥ ጊቤቶኔ፥

24 ዓያሎኔና ጋትሪሞኔናኬ።

25 ዓባ ጌላ ዛሎና ሚናኣሴ ዓጮይዳፓ ፓቂንቲ ቆልማ ሄንቃ ቤዘና ዋላ ዒንጊንቲ ላምዖ ካታማ ዓኣኔ፤ ዴንሢ ታዕናኬና ጋትሪሞኔናኬ።

26 ዴያታ ቁዓቲ ዜርፃ ቆልሞ ሄንቃ ቤሲና ቤሲና ዋላ ዋሊ ዑፃ ታጾ ካታማ ዔኬኔ።

27 ጌርሾኔ ፃጳ ማዔ፥ ሃንጎ ሌዊ ዓሶም ሃካፓ ሊካ ፓይዲንታ ቤዛ ዒንጊንቲኔ፡- ሚናኣሴ ፃጳኮ ዛሎ ዓሶ ዓጮይዳፓ ባኣሳኔይዳ ዓሶ ዋዴ ዓሳ ፑኒንቲ ዓታ ካታሞ ጎላኔና ዔሽቲራና ጌይንታያ ዴንሢ ላምዖ ካታሞንሢ ከይላ ዓኣ ቆልማ ሄንቃ ቤዘና ዋላ ዒንጊንቲኔ፤

28 ሃሃ ዪሳኮኦሪ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቲ ያይዶ ካታሞንሢ፡- ቁሻኖኔ፥ ዳብራቲ፥

29 ያርሙቲና ዒንጋኒሚናኬ፤

30 ዓሴኤሪ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቲ ያይዶ ካታሞንሢ፡- ሚሻዓሌ፥ ዓብደኔ፥

31 ሄልቃቲና ሬሆቤናኬ፤

32 ኒፕታኣሌኤሜ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቲ ሃይሃ ካታሞንሢ፡- ጌሊላይዳ ዓሶ ዋዴ ዓሳ ዓኣሽንቲ ቶላ ቁዴሹ፥ ሃሞቲ፥ ደራና ቃርታኔናኬ።

33 ዴያር ጌርሾኔ ፃጳ ጉቤሢ ዋሊ ዑፃ ቆልማ ሄንቃ ቤዘና ዋላ ታጾ ሃይሃ ካታማ ዔኬኔ።

34 ሜራሪ ጎሥሢ ሾዔ ሃንጎ ሌዊ ዓሶም ዛብሎኦኔ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቲ ያይዶ ካታሞንሢ ዮቅኔዓሜ፥ ቃርታ፥

35 ዲሞናና ናህላሌናኬ።

36 ርኦቤኤሌ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቲ ያይዶ ካታሞንሢ ቤፃሪ፥ ያሃፃ፥

37 ቁዴሞቲና ሜፓዓቲናኬ፤

38 ጋኣዴ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቲ ያይዶ ካታሞንሢ ዓሲ ዋዴ ዓሳ ዓኣሽንቲ ቶላ ካታሞፓ ፔቴዘ ማዔያ ጌሊዓዴ ዓጮይዳ ዓኣ ራሞቲ፥ ማሂናይሜ፥

39 ሃሴቦኦኔና ያዕዜራናኬ፤

40 ዴያር ሌዊ ዓሶ ማዔ ሜራሪ ዓሶም ዒንጊንቲ ካታማ ታጾ ላምዖኬ።

41-42 ዲሰራዔኤሌ ዓሶ ዓጮይዳፓ ያይዲታሚ ሳሊ ካታማ ቆልማ ሄንቃ ቤዘና ዋላ ሌዊ ዓሶም ዲንገንጎቴኔ።

ዲሰራዔኤሌ ዓሶ ዓጮይዳ ሰላ ኮሺ ናንጌህ

43 ናንገና ናንገ ጎዳ ዔያቶኮ ቤርታኣ ዓደንሢም ዲንገንጌ ጫኣቄ ዓጮይዳ ቢያ ዲሰራዔኤሌ ዓሶም ዲንጌኔ፤ ዔያታ ዓጮይዳ ዔኪ ደካሌሰካፓ ማታ ባኣያ ኮሺ ናንጌኔ፤

44 ሃሃ ናንገና ናንገ ጎዳ ዔያቶኮ ቤርታኣ ዓደንሢም ጫኣቄ ጎይዖና ዔያታ ናንገ ቤዘ ቢያይዳ ኮሹም ዔያቶም ዲንጌኔ፤ ዔያቶኮ ሞርኮ ናንገና ናንገ ጎዳ ዔያቶ ባሺሲሳሢሮ ፔቴታዖ ሞርካ ዔያቶ ያሊ ባሻጊ ደንዳዒባኣሴ።

45 ያዲዲ ናንገና ናንገ ጎዳ ዲሰራዔኤሌ ዓሶም ጫኣቄ ጫኣቄም ቢያ ኩሜኔ፤ ፔቴታዖ ዓቴ ባኣዚ ባኣሴ።

22

ዲያሱ ዓባ ኬሰካ ዛላፓ ሙኬ ፃጰ ማሂ ደኬህ

1 ዩካፓ ዲያሱ ሮኦቤኤሌንታ ጋኣዴንታ ሚናኣሴ ዓሶኮ ዓባ ኬሰካ ዛላ ዓኣ ዓሶ ፔቴይዳ ዔኤላዖ፡-

2 «ናንገና ናንገ ጎዳኮ ዓይላሢ፥ ሙሴ ዲንሢ ዓይሢ ባኮ ቢያ ማዲ ዲንሢ ኩንሢኔ፤ ሃሃ ታ ዓይሢ ባኮ ሞ ቢያ ዲንሢ ማዴኔ፤

3 ዲንሢ ሃይካ ሚርጌ ደዔቴያ ዲንሢ ዓሶ ዲሰራዔኤሌ ፃጰ ዲንሢ ሃሽባኣሴ፤ ናንገና ናንገ ጎዳ ማዔ ዲንሢኮ ያኦዛሢ ዲንሢ ዓይሢ ባኮ ዛጊ ዲንሢ ማዲ ኩንሢኔ።

4 ሃሢ ናንገና ናንገ ጎዳ ማዔ ዲንሢኮ ያኦዛሢ ዲንሢም ጫኣቄ ጎይዖና ዲንሢ ዓሶ ዲሰራዔኤሌ ፃጰም ኮሹም ዲንጌኔ፤ ዩያሮ ናንገና ናንገ ጎዳ ዓይላሢ ሙሴ ዲንሢም ዲንጌ፥ ዮርዳኖሴ ሞርኮ ሱካ ዓባ ኬሰካ ዛላ ዓኣ፥ ዲንሢ ዓጪ ማሂ ዲንሢ ዔኬ ዓጮ ደንዳዎቴ።

5 ሙሴ ዲንሢም ኬኤዜ ዋጎና ደምቦና ዛጊ ማዲ ኩንሡዎቴ፤ ዬይ ዓይጎዳይ ጌዔቴ፡- ናንገና ናንገ ጎዳ ማዔ ዲንሢኮ ያኦዛሢ ናሽኩዎቴ፤ ዲዚ ዓይሢ ጎይዖ ናንጉዎቴ፤ ዲዛኮ ዓይሢዖ ካፑዎቴ፤ ዲዛም ጉሙርቁንታያ ማዒ ጉቤ ዲናፓ፥ ጉቤ ሺምፓፓ ዲዛም ማዲዎቴ። ጋዓሢኬ» ጌዔኔ።

6 ዩካፓ ዲያሱ ዔያቶ ዓንጂ ደካዛ ዔያታ ፔ ማኣሪ ማዒ ደንዴኔ።

7 ሙሴ ሚናኣሴ ፃጰኮ ዛሎም ባኣሳኣኔ ዓጮይዳ ዔያቶሮ ማዒ ዓጪ ዲንጌኔ፤ ሃንጎ ዓቴ ዛሎ ዓሶም ሃሃ ዲያሱ ዮርዳኖሴ ሞርኮ

22:2 ገይ. ማፃ 32:20-32፤ ዲያ. 1:12-15።

ዓባ ጌላ ዛሎይዳ ሃንጎ ዔያቶ ፃጶ ባኣካ ዓጪ ዒንጌኔ፤ ዲያሱ ዔያቶ ዳካኣና ዓንጂ ዳኬኔ።

8 ዒዚ ዒማና ዔያቶም፡- «ሃሢ ዒንሢ ሚርጌ ባይ፣ ዓንጌ ቢራ፣ ዋርቄ፣ ሞኦና ዓንጌንታ ሚሌ ዓንጎንታ ሚርጌ ማኦፖ ዒንሢኮ ሞርኮይዳፓ ዲዒ ዔኪ ፆርጎጪ ዒንሢ ዓጮ ማዒ ዒንሢ ዴንዳንዳኔ፤ ዬያሮ ዒንሢ ዬያይዲ ዔኬ ባኮ ዒንሢ ዓሶና ዋላ ጊሸቱዋቱ» ጌዔኔ።

9 ዬያይዲ ሮኦቤኤሌንታ ጋኣዴንታ ሚናኣሴ ፃጶኮዋ ዛሎንታ ካኣናኔ ዓጪ ዓኣ ሴኤሎይዳ ዒሰራዔኤሌ ዓሶ ሃሺ፣ ናንጊና ናንጋ ጎዳ ሙሴም ኬኤዚ ዓይሢ ጎይፆና ዔያቶም ዒንጌንቱ ዓጮ ጌሌዓዴ ማዒ ዴንዳኔ።

10-11 ሮኦቤኤሌንታ ጋኣዴንታ ሚናኣሴ ፃጶኮዋ ዛሎንታ ዮርዳኖሴ ዋሮ ዓጪ ካኣናኔ ዓጮይዳ ዓኣ፣ ጌሊሎቲ ሄላፖ ዋሮ ዓጮይዳ ፆኦሲም ዒንጎ ሴሲ ዴኤፒ ማዢኔ፤ ዬይ ዔያቶ ዓጮይዳ ማዢንቲሢ ሃንጎ ዒሰራዔኤሌ ዓሳ ዋይዜኔ፤

12 ዔያታ ዬያ ዋይዘፖ ቢያሢ ፔቲይዳ ሴኤሎ ሙኪ ቡኪንቲ ዓባ ኬሰካ ዛላ ዓኣ ፃጶ ፆላኒ ጊኢጊንቲኔ።

13 ዔያታ ፆላንደሢኮ ቤርታዲ ቁኤሳሢ ዓላዜሬ ናኣዚ ፒንሃሴ ጌሌዓዴይዳ ዓኣ፣ ሮኦቤኤሌንታ ጋኣዴንታ ዓባ ኬሰካ ዛላ ናንጋ ሚናኣሴ ፃጶንታ ኮይላ ዳኬኔ፤

14 ዒዛና ዋላ ታጶ ዴኤፒ ዴኤፒ ቢታንቶ ዓሲ ዳኪንቲኔ፤ ዬያታ ዓባ ጌላ ዛላ ዓኣ ፔቲ ፔቲ ፃጶኮ ሱኡጋፓ ሱኡጋፓ ኬሰኬያኬ፤

15 ዔያታ ዒማና ሮኦቤኤሌንታ ጋኣዴንታ ዓባ ኬሰካ ዛላ ናንጋ ሚናኣሴ ፃጶኮዋ ዛላ ናንጋ ጌሌዓዴ ዓጮ ዴንዳፆ፡-

16 «ናንጊና ናንጋ ጎዳኮ ዴራ ቢያሢ ዒንሢም ሂዚ ጋዓኔ፡- ናንጊና ናንጋ ጎዳ ማዔ ዒሰራዔኤሌ ፆኦዛሢ ቤርታ ሃያፑዴ ፑርታ ባኣዚ ዓይጋ ዒንሢ ማዴይ? ሃያ ፆኦሲም ዒንጎ ባኮ ዒንጎ ሴዞ ዒንሢሮ ኮሺፆና ናንጊና ናንጋ ጎዳም ዓይሢንቲ ዒፆያ ዒንሢ ማዔኔ፤ ሃሃ ዒዛ ዒንሢ ሃሺያ ማዔኔ፤

17 ናንጊና ናንጋ ጎዳ ዴርይዳ ፑርቶ ደርዓሢ ዓጋንዳፑዲ ማሄያ፡ ፔፆይዳ ኑ ማዴ ጎሞ ዒንሢ ዋሊያ? ዬያ ጎሞይዳፓ ሃሮ ሄላንዳኣና ኑ ጌኤሽኪባኣሴ፤ ዬይ ኑም ጊደ ዒፆምዳ?

18 ዒንሢ ሃሃ ናንጊና ናንጋ ጎዳ ሃሺ ዋዚም ታኣካኒ ጋዓይ? ሃሮ ዒንሢ ናንጊና ናንጋ ጎዳም ዓይሢንቶ ዒፆቶ ዚሮ ዒዚ ዒሰራዔኤሌ ዴሮ ጉቤሢዳ ዳጋዳንዳኔ።

22:16 ላሚ. ዋማ 12:13-14። 22:17 ፓይ. ማፃ 25:1-9።

19 ሃይ ሃሢ ዲንሢ ናንጋ ዓጫ ዲኢቲያ ማዔቲ ዓፒሎና ማዠና፥ ናንገና ናንጋ ጎዳ ዳሮና ካኣማ ማኣራ ደቁንቲ ዓኣ ቤዘ ዲዛ ኮይላ ሙኩዋቲ፤ ዩካፓ ኑ ዓጮይዳፓ ዲንሢም ገኢጋ ቤሲ ዔኩዋቲ፤ ጋዓንቲ ናንገና ናንጋ ጎዳም ዲንጎ ባኮ ዲንጎ ቤሲ ማሂ ኮሾናሢፓ ማሌ ቤሲ ማዠ ናንገና ናንጋ ጎዳንታ ኑናንታም ዋይዚ ዲፃያ ማዒፖቲ።

20 ሃያኮ ቤርታ ዛራሄ ናኣዚ ዓካኔ ዋይዘ ዲፃ ባይዘንጎ ጌይንቲ ባኮ ዔኬም ናንገና ናንገና ጎዳኮ ዳጋ ዲሰራዔኤሌ ዳሮ ጉቤሢዳ ሙከባይ? ዲዘና ባይቄሢ ዲዛ ሌሊቱዋሴ» ጌዔኔ።

21 ዬያሮ ሮኦቤኤሌንታ ጋኣዳንታ ዓባ ኬሰካ ዛላ ናንጋ ሚናኣሴ ፃጸኮ ዛሎንታ ዓባ ጌላ ዛላፓ ሙኩ። ፃጸኮ ሱኡጎም ማሃያ፡-

22 «ቢያፓ ባሼ ዳኤፒ ጾኦሲኬ! ዲዚ ቢያሢኮ ጎዳኬ! ዲዚ ቢያፓ ባሼ ዳኤፒኬ! ኑኡኒ ዓይጎሮ ሃያ ኮሼቲያ ዲዚ ዔራኔ፤ ሃሃ ዲንሢያ ኑ ዓይጎሮ ኮሼቲያ ዔራንዳጉዲ ኑ ኮዓኔ፤ ጎኔ ኑ ዋይዘ ዲፃያ ማዔቲያ ሃሃ ዲዘም ኑ ጉሙርቁንቱዋያ ማዒ ጴዳቲ ኑና ዋዋዲዋቲ፤

23 ናንገና ናንጋ ጎዳም ኑ ዓይሢንቱዋያ ማዔቲ ሃሃ ኑ ኮሼ፥ ጾኦሲም ዲንጎ ቤዘ ሚቶ ዲንጎ ባኮ ሚቶያ፤ ሃኣኮ ዲንገጆ ዲንጎያና ፔቱዋና ዲንጎ ዲንገጆ ዲንጋኒ ማሊ ኑ ኮሼያ ማዔቲ ናንገና ናንጋ ጎዳ ፔኤሮ ዲ ኑና ባይዘም፤

24 ጋዓንቲ ኑ ኮሼሢ ዬያሮቱዋሴ፤ ኑኡኒ ዬያ ኮሼሢ ሙካ ዋዶይዳ ዲንሢ ዜርፃ ኑ ናኣቶ ኮይላ፡- <ዲንሢ፤ ናንገና ናንጋ ጎዳ ማዔ ዲሰራዔኤሌ ጾኦዛሢ ካኣሽካኒ ፔቲታፖ ዳንዳዑዋሴ፤

25 ዲንሢ ሮኦቤኤሌንታ ጋኣዳንታ ናኣታ ዲንሢና ኑኡናኖኮ ሳዛ ናንገና ናንጋ ጎዳ ዮርዳኖሴ ዋሮ ዛጲ ጌሢ ፓቄኔ፤ ዬያሮ ዲንሢ ናንገና ናንጋ ጎዳ ካኣሽካኒ ፔቲታፖ ዳንዳዑዋሴ» ጋዓንዳኔ ጌዒ ዓልቲሢና ሌሊኬ፤ ዬያይዲ ዲንሢ ዜርፃ ኑ ዜርፃ ናንገና ናንጋ ጎዳ ካኣሽኩዋጉዲ ላኣጋኒ ዳንዳዓኔ።

26 ዬያሮ ኑኡኒ ኮሼ ቤዛ ናንገና ናንጋ ጎዳም ሚቶ ዲንጎ ባኮ ዲንጋኒ ሃሃ ማሌ ዲንጎ ባኮዋ ዲኢካ ዲንጋኒቱዋሴ።

27 ኑኡኒ ዬያ ኮሼሢ ኑኡና ዲንሢ ዓሰናኮ ባኣካ ማላታ ማዒ ዳዓንዳጉዲኬ፤ ዬይ ኑኡኮ ገንፃፓ ሙካንዳ ሸይንታ ዓፒሎና ማዠኩቲያ፥ ናንገና ናንጋ ጎዳም ዲማዴ ማኣሮ ካራ ናንገና ናንጋ ጎዳ ኑ ካኣሽካሢንታ ሚቶ ዲንጎ ባኮንታ ጾኦሲም ዲንጎ ማሌ ባኮዋ፤ ዬያጉዲ ፔቱዋና ዲንጎ ዲንገጆዋ ኑ ዲንገ ዲንገ ናንጌሢኮዋ ማርካ

ማዕንዳኔ፤ ይያሮ ዒንሢ ዜርፃ ኑ ዜርፆ፡- «ናንገና ናንጋ ጎዳ ካአሽካኒ ዒንሢ ዳንዳዑቀሴ» ጎዑቀጉዲ ላአጋያ ማዕንዳኔ፤

28 ጎፆንቴ ዬይ ያዲ ማዕያታቴያ ኑ ማሌሢ ኑኡኮ ናአታ ዒንሢ ናአቶም፡- «ሃአዛጉቀቴ! ኑኡኮ ቤርታአ ዓድንሢ ዒንጎ ባኮ ዒንጋኒ ኮሼ ቤዛ፡ ናንገና ናንጋ ጎዳም ዒንጎ ባኮ ዒንጎ ቤዘና ዎላ ፔቴኬ፤ ዬይ ኮሺንቴሢ ኑኡና ዒንሢ ዳሮናም ማላታ ማዒ ናንጋንዳጉዲኬ፡ ሚቹ ዒንጎ ባኮ ዒንጎያ፤ ሃሣ ሃንጎ ባኮቀ ዒንጎ ቤሲ ማዕንዳጉዲ ጌይቱቀሴ» ጋዕንዳጉዲኬ፤

29 ኑኡኒ ናንገና ናንጋ ጎዳም ዎይዚ ዒደባአሴ፤ ሚቹ ዒንጎ ዒንገሢ ማዕቴያ፡ ሃአኮ ዒንገያ ማዕቴያ፡ ማሌ ዒንጎ ባኮ ዒኢካ ዒንጋኒ ማሊ ማሌ ቤሲ ኮሺ ናንገና ናንጋ ጎዳ ካአሽኪያ ኑ ሃሺባአሴ፤ ዓፒሎና ማዢንቴ፡ ናንገና ናንጋ ጎዳ ዳሮና ካአማ ማአሮኮ ሆታ ማዢ ዔቁሶናያ ናንገና ናንጋ ጎዳ ማዕ ኑ ያኦዛሢም ማዢንቴሢዳፓ ማሌ ያኦሲም ዒንጎ ቤሲ ኮሺሢ ኑ ገዳፓ ሃኮም» ጌዔኔ።

30 ሮኦቤኤሌ ፃጳ፡ ጋአዳ ፃጳ፤ ዬያጉዲ ሃሣ ዓባ ኬሰካ ዛላ ናንጋ ሚናአሴ ፃጳአ ኬኤዜ ባኮ ቁኤሳሢ ፒንሃሴንታ ዒዛና ዎላ ዓአ፡ ዳራ ዳኬ ዓባ ጌላ ዛላ ዓአ ፃጳኮ ሱኡጎንታ ዎይዘያ ዎዛዳ።

31 ዬያሮ ዓላዜሬ ናአዚ፡ ቁኤሳሢ ፒንሃሴ ዔያቶም፡- «ሃኖ ናንገና ናንጋ ጎዳ ኑኡና ዎላ ማዕሢ ኑ ዔሬኔ፤ ዒንሢ ዒዛም ዎይዚ ዒደባአሴ፤ ናንገና ናንጋ ጎዳ ፔ ዳጎና ዒሰራዔኤሌ ዳሮይዳ ዔቁቀጉዲ ዳሮ ዒንሢ ዓውሴኔ» ጌዔኔ።

32 ዬካፓ ቁኤሳሢ ዓላዜሬ ናአዚ፡ ፒንሃሴንታ ዒሰራዔኤሌ ዓሶኮ ሱኡጎንታ ጌሌዓዳይዳ ዓአ ሮኦቤኤሌና ጋአዳ ዓሶናፓ ዲማዲ ካአናኔይዳ ዓአ ዒሰራዔኤሌ ዳሮ ኮይላ ማዒ ዳንዲ ዔያታ ዎይዜ ባኮ ኬኤዜ፤

33 ዒሰራዔኤሌ ዓሳ ዬያ ዎይዘያ ዎዛዲ ያኦሲ ጋላቴኔ፤ ዬካፓ ሮኦቤኤሌንታ ጋአዳንታ ፃጳ ናንጋ ዓጮ ያሊ ባይዛኒ ጌሰቶ ሃይሶ ማይ ላሚ ጌሰቲባአሴ።

34 ሮኦቤኤሌና ጋአዳና ፃጳ፡- «ሃይ ያኦሲም ዒንጎ ባኮ ዒንጎ ቤዛ ናንገና ናንጋ ጎዳ ሌሊ ያኦሲ ማዕሢኮ ኑና ቢያሢም ማርካኬ» ጌዔኔ፤ ዬያሮ ዬኖ ዔሶ ዒንጎ ቤዜሎኮ ሱንያ «ማርካ» ጌይ ዔያታ ጌሣኔ።

23

ዒያሱ ዔልቃም ጌሰቴ ጌኤዘ

1 ማርጌ ዎዴ ዴዔሰካፓ ናንጊና ናንጋ ጎዳ ዲሰራዔኤሌ ዓሶ ዔያቶኮ ኮይላ ዓኣ ሞርኮይዳፓ ሃውሺሲ ኮሺ ናንጊ ዔያቶም ዲንጌኔ፤ ጋዓንቴ ዲያሱ ጋርቹኔ፤

2 ዬያሮ ዲዚ ዲሰራዔኤሌ ዓሶ ጉቤሢንታ ጋርቹ ዓሶንታ ሱኡጎንታ ፖኦሊሶ ዓይሣ ዓሶንታ ፔቴይዳ ዔኤላዎ፡- «ዓካሪ ማይ ታ ጋርቹኔ፤

3 ናንጊና ናንጋ ጎዳ ማዔ ኑ ያኦዛሢ ዲንሢ ማኦዳኒ ሃሮ ዓጮይዳ ናንጋ ዴሮ ማዴ ባኮ ቢያ ዲንሢ ዛጌኔ፤ ናንጊና ናንጋ ጎዳ ማዔ ዲንሢኮ ያኦዛሢ ዲንሢ ዛሎ ያልቴኔ።

4 ታኦኒያ ያሊ ባሽም ዓጮ ሃጊ ዓርቂንቲባኦያ፤ ሃሣ ጊንሣ ያሊ ታ ባሽ ዴሮ ዓጮ ማዔ ዓጮ፤ ጌይፃ፡- ዓባ ኬሰካ ዛሎና ዮርዳኖሴ ዎራ ማሃዛ ዓባ ጌላ ዛሎና ዴንዲ ሜዲቴራኒያ ባዞ ሄላ ዓጮ ቢያ ዲንሢኮ ፔቴ ፔቴ ፃፈም ታ ጊሽኪ ዲንጌኔ፤

5 ናንጊና ናንጋ ጎዳ ማዔ ዲንሢኮ ያኦዛሢ ዬሮ ሃጊ ዓርቂንቲባኦ ዓጮ ዴሮ ዲንሢ ያለኦና ዲንሢኮ ቤርታፓ ዔያቶ ዲ ጳሻንዳኔ፤ ዔያቶ ዲንሢ ዳውሲ ባይዛንዳኔ፤ ዲዚ ዲንሢም ጫኦቁ ጎይፆና ዔያቶኮ ዓጮ ዲንሢ ዳካላንዳኔ።

6 ዬያሮ ሙሴ ዔርዘ ዎጎይዳ ፃኦፒንቴ ዓይሢያ ቢያ ካፒ ማዲ ኩንሣኒ ዴዶዎቴ፤ ዬያ ሃሺ ሴካ ሃንጋ ጌይፖቴ።

7 ዲንሢ ባኦካ ዓቲ ዓኦ ሃንጎ ዓሶና ዎላ ፔቴ ማዒፖቴ፤ ዔያቶ ያኦዞ ካኦሽኪፖቴ፤ ዬያ ሱንፆና ጫኦቁም ጫኦቁፖቴ፤ ዬያ ያኦዞም ማዲያ ማዲፖቴ፤ ዘጊያ ዘጊፖቴ።

8 ሃሮ ሄላንዳኦና ዲንሢ ማዴ ጎይፆ ናንጊና ናንጋ ጎዳ ማዔ ዲንሢኮ ያኦዛሢም ጉሙርቂንታያ ማዒዎቴ፤

9 ሃያኮ ቤርታ ናንጊና ናንጋ ጎዳ ዎልቆና ዓኦ ዴሮ ዲንሢ ቤርታፓ ዳውሲ ባይዘኔ፤ ሃሮ ሄላንዳኦና ዲንሢ ቃዛኒ ዳንዳዔ ዓሲ ፔቴታዎ ባኦሴ።

10 ናንጊና ናንጋ ጎዳ ማዔ ዲንሢኮ ያኦዛሢ ዲንሢም ጫኦቁ ጎይፆና ዲንሢ ዛሎ ዲ ያልታሢሮ ዲንሢዳፓ ፔቴ ዓሲ ሌሊ ዔያቶኮ ሺያ ዓሲ ዳውሳኒ ዳንዳዔ።

11 ናንጊና ናንጋ ጎዳ ማዔ ዲንሢኮ ያኦዛሢ ዲንሢ ናሽካንዳያ ኮይሳሢ ኮሺ ማሎዎቴ።

12 ዲንሢ ጋዓንቴ ያኦሲም ጉሙርቂንቲዎያ ማዒ ዲንሢ ባኦካ ዓኦ ሃንጎ ዓሶና ዎላ ፔቴ ማዔቴ፤ ዲንሢ ዔያቶና ዎላ ዔፒና ሴካ ሃንጋ ጌይ ሲኢሪንቴቴ፤

23:10 ለሚ. ዎማ 3:22፤ 32:30።

13 ናንጊና ናንጋ ጎዳ ማዕ ዒንሢኮ ጾካዛሢ ዬኖ ዳሮ ዒንሢ ቤርታፓ ዳውሲ ኬሲንዲዋአሢ ኮሺ ዒሩዋቲ፤ ዬያሮ ዒያታ ዒንሢኮ ፑርታ ፐሮ፣ ሃሣ ዒንሢ ሎሎንሣ ኬሴ ዒቲ ማዕንዳኔ፤ ዙሎዋ ዒንሢኮ ጳርቃ ዢራፓ፣ ሃሣ ዓአፖዋ ዒንሢኮ ጫርጋ ዓንጊሢ ዒያታ ማዕንዳኔ፤ ናንጊና ናንጋ ጎዳ ማዕ ዒንሢኮ ጾካዛሢ ዒንሢም ዒንጌ ሃኖ ማሎ ዓጩሎይዳፓ ጋፒ ዒንሢ ሳይቃንዳያ ሄላንዳአና ዬይ ሳይሲንታ ቢያ ዒንሢዳ ሙካንዳኔ» ጌዔ።

14 «ታኣኒ ሃይቃንዳ ዋዳ ማይ ሄሌኔ፤ ናንጊና ናንጋ ጎዳ ማዕ ዒንሢኮ ጾካዛሢ ዒንሢም ጫአቄ ጎይጾና ዒንሢም ማፌ ኮዦ ባኮ ቢያ ዒንሢ ፔቲ ፔቲሢ ጉቤ ዒናፓ ጉቤ ሽምፓፓ ዒራኔ፤ ዒዚ ዒንሢም ጫአቄ ባኮፓ ፔቲታፖ ዓቱዋፖ ቢያ ኩሜ።

15 ናንጊና ናንጋ ጎዳ ማዕ ዒንሢኮ ጾካዛሢ ዒንሢም ኬኤዜ ኮዦ ባኮ ቢያ ማዲ ኩንሢሢጉዲ ዒዚ ዒንሢም ዒንጌ ሃኖ ኮዦ ዓጩሎይዳፓ ዒንሢ ሳይቃንዳያ ሄላንዳአና ፑርታ ባአዚ ቢያ ዒንሢዳ ዔኪ ዒ ዬዓኒ ዳጎዳዓኔ።

16 ናንጊና ናንጋ ጎዳ ዒንሢኮ ጾካዛሢ ዒንሢም ጫአቄ ዒንጌ ዓይሢፖ ሃሺ፣ ሜሌ ጾኦ ዳጎዲ ዘጊ ካአሽኪፖቲ፤ ዒዛ ዒንሢ ዲጋሳንዳአኬ፤ ዒዚ ዒንሢም ዒንጌ ኮዦ ዓጩሎይዳፓ ኔጉዋፖ ዒንሢ ሳይቃንዳአኬ» ጌዔ።

24

ዒያሱ ሴኬሜይዳ ጌሰቲ ጌኤዞ

1 ዒያሱ ዒሰራዔኤሌ ፃ፶ ቢያ ሴኬሜይዳ ቡኩሴኔ፤ ዒዚ ጋርቾ ዓሶ፣ ዳሮኮ ሱኡጎንታ ዋጎ ዋጋ ዓሶንታ ፖኦሊሶ ዓይሣዞንሢንታ ቢያ ዔኤላዛ ዒያታ ሙኪ ናንጊና ናንጋ ጎዳ ቤርታ ቡኬኔ።

2 ዬካፓ ዒዚ ዳሮም ቢያ፡- «ናንጊና ናንጋ ጎዳ ማዕ ዒሰራዔኤሌ ጾካዛሢ ሂዚ ጋዓኔ፤ ሚርጌ ለዔኮ ቤርታ ዒንሢኮ ቤርታአ ዓዶንሢ ዓፕራዲሴ ዋሮ ሱኮይዳ ሜሌ ጾኦ ካአሽኪ ካአሽኪ ናንጋኔ፤ ዬያቶይዳፓ ፔቲሢ ዓብራሃሜንታ ናኮሬንታኮ ዓዶ ታአራኬ፤

3 ጋዓንቲ ዒንሢኮ ቤርታአ ዓዳሢ፣ ዓብራሃሜ ዓፕራዲሴ ዋሮ ሱካ ዓአ ዓጫፓ ታኣኒ ዔኤሊ ካአናኔ ዓጮ ቢያይዳ ዒ ናንጋንዳጉዲ ዔኪ ታ ሙኬኔ፤ ዪሳአቄታ ዒዛም ዒንጊ ዜርፖ ታ ዒዛኮ ሚርጊሼኔ፤

4 ዪሳአቄም ታኣኒ ያይቆኦቤና ዔኤሳዋና ዒንጌኔ፤ ሃሣ ዔኤሳዋ ናንጋንዳጉዲ ጌሜራዳ ዔዶኦሜ ዓጮ ዒዛ ዓጪ ማሂ ታ ዒንጌኔ፤

24:2 ማዢ. ማፃ 11:27። 24:3 ማዢ. ማፃ 12:1-9፤ 21:1-3።

ጋዓንቴ ዲንሢኮ ቤርታኦ ዓዳሢ ማዔ፥ ያይቆኑቤና ዲዛኮ ናኦቶና ጊብፄ ዓጮ ዳንዴኔ፤

5 ዩካፓ ታኦኒ ሙሴና ዓኦሮኔና ዳኬኔ፤ ጊብፄ ዓሶዋ ታኦኒ ፑርታ ደርዖና ማታሲ ያፓ ታ ዲንሢ ዔኪ ኬሴኔ፤

6 ዲንሢኮ ቤርታኦ ዓዳንሢ ጊብፄፓ ዔኪ ታ ኬሳ ዎድና ጊብፄ ዓሳ ሳርጌሎ ያይቶንታ ፓራሢንታ ዔኪ ዳውሲ ዲንሢ ጊንፆ ኬሰኬኔ፤ ጋዓንቴ ዲንሢኮ ቤርታኦ ዓዳንሢ ዘቄ ባዘ ሄላዎ፡-

7 ታ ዔያቶ ማኦዳንዳጉዲ ዔያታ ዲላቲኔ፤ ዩያሮ ታኦኒ ዔያቶና ጊብፄ ዓሶናኮ ሳዘ ዲሚሽኔ፤ ባዘዋ ዔያቶይዳ ጊንሢ ማሢ ጊብፄ ዓሶታ ሙኡዜኔ፤ ዩያታ ማዴ ባኮ ዲንሢ ዲንሢ ዓኦፒና ዘጌኔ፤ ዩካፓ ዲንሢ ሚርጌ ዎዴ ዓሲ ናንጉዋ ዳውሎይዳ ናንጋዘ፥

8 ዮርዳኖሴኮ ዓባ ኬሰካ ዛላ ናንጋ ዓሞራ ዓሶ ዓጮ ዔኪ ታ ዲንሢ ሙኡኬኔ፤ ዲሚና ዔያታ ዲንሢ ያሌኔ፤ ጋዓንቴ ታኦኒ ዲንሢ ያሎና ባሽሲሴሢሢሮ ዲንሢኮ ቤርታፓ ዔያቶ ዲንሢ ዳውሲ ዓጮ ዔያቶኮ ዲንሢ ዳካሌኔ።

9 ዩካፓ ሃሣዎዓኦኦ ካኦታሢ፥ ዲፖሪ ናኦዚ ባኦላኦቄ ዲንሢ ያላኒ ዔቄኔ፤ ዲንሢ ጋዳንፆንዳጉዲ ባኦላኦሜ ጌይንታ ቢይሪ ናኦዚዎ ኪኦታኦ ዲ ዳኬኔ፤

10 ታኦኒ ጋዓንቴ ባኦላኦሜዎ ዎይዚባኦሴ፤ ዩያሮ ጋዳዎ ቤዘ ዓንጂ ዲ ዓንጄኔ፤ ዩያይዲ ባኦላኦቄ ኩጫፓ ዲንሢ ታ ዓውሴኔ፤

11 ሃሣ ዲንሢ ዮርዳኖሴ ዎሮና ፒንቄ ዲያርኮ ሙኡኬኔ፤ ዲሚና ዲያርኮ ዓሳ፥ ዓሞራ ዓሳ፥ ፔሪዜ ዓሳ፥ ካኦናኔ ዓሳ፥ ሂኦታ ዓሳ፥ ጌርጌሳ ዓሳ፥ ሂዎዎ ዓሶንታ ዲያሱሳ ዓሶንታ ዲንሢ ያላኒ ዔቄኔ፤ ታኦኒ ጋዓንቴ ዲንሢ ዔያቶ ያሊ ባሻንዳጉዲ ማኦዴኔ።

12 ሃሣ ታኦኒ ለምዖ ዓሞራ ዓጮ ካኦቶይዳ ማዴሢ ጎይዖ ቤርታዲ ዩይ ዓሳ ዴኤፒ ዲጊቹዎና ጎጲ ዋኦፆንዳጉዲ ታ ማዴኔ፤ ዩይ ያዲ ማዔሢ ዲንሢኮ ጩንቾ ዓፓሮንታ ሃሣ ዓኦዘንታሮቱዎሴ።

13 ዲንሢ ጎሽኪ ላቢባኦ ማሊ ዓጪና ማዢባኦ ካታማና ዲንሢ ዔኪ ናንጋንዳጉዲ ታ ዲንሢዎ ዲንጌኔ፤ ሃይሾ ሃሣ ዲንሢ ቱኪባኦ ዎይኔንታ ላቢ ማዲባኦ ዘይቶ ሪሚቶ ሚፆኮ ዓኦፖ ዔኪ ሙይ ሙይ ናንጋኔ » ጌይ ኬኤዜኔ።

24:4 ማዢ. ማፃ 25:24-26፤ 36:8፤ 46:1-7፤ ላሚ. ዎማ 2:5። 24:5 ኬሲ. ማፃ 3:1—12:42። 24:6 ኬሲ. ማፃ 14:1-31። 24:8 ፓይ. ማፃ 21:21-35። 24:10 ፓይ. ማፃ 22:1-24፤ 25። 24:11 ዲያ. 3:14-17፤ 6:1-21። 24:12 ኬሲ. ማፃ 23:28፤ ላሚ. ዎማ 7:20። 24:13 ላሚ. ዎማ 6:10-11።

14 ሃሣ ዒ ኬኤዛያ፡- «ዓካሪ ናንጊና ናንጋ ጎዳ ቦንቹዋቱ፤ ጉቤ ፒዙሞና ሃሣ ጉሙርቁንተሢና ዒዛሞ ማዲዋቱ፤ ዒንሢካ ቤርታኣ ዓደንሢ ዔፒራዲሴ ዋሮ ሱኮና ጊብፆ ዓጮናይዳ ዚጊ ካኣሽኬ ማሌ ጾኦዞ ዒንሢ ባኣካፓ ሺኢሺ፣ ናንጊና ናንጋ ጎዳ ሌሊ ካኣሽኩዋቱ፤

15 ዒዛ ካኣሽኪፃ ኮሺ ማሊ ዒንሢሞ ጴዲ ባኣቱ ዒንሢካ ቤርታኣ ዓደንሢ ዔፒራዲሴ ዋሮ ሱካ ዓኣ ዋደና ካኣሽካ ባኮ፤ ሃንጎ ሃሢ ዒንሢ ናንጋ ዓሞራ ዓጎ ካኣሽካ ጾኦዞ ዒንሢ ካኣሽካንዳቲያ ዒንሢ ካኣሽካንዳ ባኮ ሃኖ ደኣሩዋቱ፤ ታኣና ታ ማኣሮ ዓሶና ጋዓንቴ ናንጊና ናንጋ ጎዳ ኑ ካኣሽካንዳ።» ጌዔ።።

16 ዴራ ማሃያ ዒማና፡- «ናንጊና ናንጋ ጎዳ ሃሺ ማሌ ጾኦዞ ካኣሽኪሢ ኑ ጊዳፓ ሃኮሞ!

17 ናንጊና ናንጋ ጎዳ ማዔ ኑኩኮ ጾኦዞሢ ኑ ዓደንሢንታ ኑናንታ ጊብፆ ዓጮ ዓይሉማፓ ዓውሲ ኑና ኬሴ፤ ዒዛ ዋልቆና ዒ ማዲ ባኮ ቢያ ኑ ዛጌ፤ ሃንጎ ዴሮ ቢያሢኮ ባኣኪና ኑ ሙኬ ዋደ ቢያይዳ ኮሺ ዒ ኑና ካፒ፤

18 ኑኩኒ ሃኖ ዓጮሎ ጌላኒ ሙካ ዋደና ሃይካ ናንጋ ዓሞራ ዓሶ ቢያ ኑ ቤርታፓ ዒ ዳውሲ ባይዜ፤ ዬያና ዒዚ ኑኩኮ ጾኦዞሢ ማዔሢሮ ናንጊና ናንጋ ጎዳ ኑ ካኣሽካንዳ።» ጌዔ።።

19 ዲያሱ ዔያቶም፡- «ናንጊና ናንጋ ጎዳ ደማዲያ፡ ሃሣ ዒዛይዳፓ ማሌ ካኣሽኪንታንዳጉዲ ኮዑዋያታሢሮ ዒዛሞ ዒንሢ ማዲኒ ዳንዳዑዋሴ፤ ዒንሢ ማዲ፡ ዋይዞ ዒዲያ ጎሞ ቢያ ዒንሢሞ ዒ ዓቶም ጋዓዓኬ፤

20 ዒዛ ዒንሢ ሃሺ ማሌ ጾኦዞ ካኣሽኬቱ ኮሺ ባኣዚ ዒ ቤርታ ዒንሢሞ ማዲያ ማዔቲያ ጊንሣ ሺሪ ፑርታ ባኣዚ ዒንሢዳ ዔኪ ዬዒ ዒንሢ ባይዛንዳኣኬ» ጌዔ።።

21 ዴራ ዲያሱም፡- «ዔይዔ ኑ ዬያይዳዓኬ! ኑኩኒ ናንጊና ናንጋ ጎዳ ካኣሽካንዳ።» ጌዔ።።

22 ዲያሱ ጊንሣ፡- «ያዲ ማዔቲ ናንጊና ናንጋ ጎዳ ካኣሽካኒ ደኣሬሢኮ ዒንሢ ዒንሢ ቶኦኪና ማርካኬ» ጌዔ።።

ዔያታ ማሃያ፡- «ሂኖ፤ ኑኩኒ ማርካኬ» ጌዔ።።

23 ዒዚ ሃሣ፡- «ሂዳቲ ዒንሢ ባኣካ ዓኣ ማሌ ጾኦዞ ባይዙዋቱ፤ ዒንሢኮ ዒኖ ናንጊና ናንጋ ጎዳ ማዔ ዒሰራዔኤሌ ጾኦዞሢ ባንሢ ሺርሹዋቱ» ጌዔ።።

24 ዬካፓ ዴራ ዲያሱም፡- «ናንጊና ናንጋ ጎዳ ማዔ ኑኩኮ ጾኦዞሢ ኑ ካኣሽካንዳ፤ ዒዚ ዓይሣ ባኮዋ ኑ ማዲ ኩንሣንዳ።» ጌዔ።።

25 ዬኖ ዓሶ ዲያሱ ዴርና ዋላ ጫኣቄ፤ ዒኢካ ሴኬማይዳ ዔያታ ካፒ ናንጋንዳ ዋጌንታ ዳሞቤንታኣ ዔያቶም ኬኤዜ፤

26 ዲያሱ ዩንሢ ዲያሢያንሢ ያኦሲኮ ዋኅ ማፃአፖይዳ ፃአፔኔ፤ ዩካፓ ፔቴ ዴኤፒ ሹቺ ዔኪ ናንጊና ናንጋ ጎዳኮ ገኤዡ ማኣሮ ኮይላ ዓኣ ሻኣሶ ዴማ ዳኣቤኔ፤

27 ዲማና ዴሮም ዲዚ፡- «ናንጊና ናንጋ ጎዳ ኑም ኬኤዜ ባኮ ቢያ ሃይ ሹጫሢ ዋይዜሢሮ ኑጊዳ ሃይ ማርካዳንዳኔ፤ ዩያሮ ዲንሢኮ ያኦዛሢ ዲንሢ ጉሙርቁያ ሃሹቴ ዩይ ማርካዳንዳኔ» ገዔኔ።

28 ዩካፓ ዲያሱ ዴሮ ቢያሢ ዳኬም ፔቴ ፔቴሢ ፔ ዓጮ ማዒ ዴንዴኔ።

ዲያሱና ዓላዜሬናኮ ሃይሶ

29 ናንጊና ናንጋ ጎዳኮ ዓይላሢ፣ ኔዊ ናኣዚ፣ ዲያሱ ፔቴ ጄኤታና ታጳ ለዔናይዳ ሃይቄኔ።

30 ዴራ ዲዛ ጋዓሼ ዳኮኮ ኬዶ ዛላ ዓኣ ገመራዳ ዔፕሬኤመ ዓጮይዳ ዲዛ ዴሮ ማዔ ቤትሚናትሴራሂይዳ ዳኡኬኔ።

31 ዲያሱ ናንገ ዎዶይዳ ቢያ፤ ዩያጉዲ ሃሢ ዲዚ ሃይቄሰካፓ ናንገ ጋርቻ፣ ያኦሲ ዲሰራዔኤሌ ዓሶም ፔ ዎልቆና ማዴ ዲቃሢ ባኮ ቢያ ፔ ዓኣፖና ዛገ ዩይ ዓሳ ናንገ ዎዶ ሄላንዳኣና ዲሰራዔኤሌ ዓሳ ናንጊና ናንጋ ጎዳ ካኣሸኪ ካኣሸኪ ናንገኔ።

32 ዲሰራዔኤሌ ዴራ ጊብፄ ዓጫፓ ዔኪ ሙኬ፣ ዮሴፔኮ ሚገያ ሴኬሚይዳ ዳኡኬኔ፤ ዩና ቤዛ ያይቆኦ ሸኬሚኮ ዓዶ ሃሞሬ ናኣቶይዳፓ ጄኤታ ማዓ ሹቺ ቢራና ሻንቁዞኬ፤ ዩና ቤዜላ ዮሴፔ ዜርፆም ዲንጊንቴ ዓጮ ጋራ ዓኣያኬ።

33 ሃሢ ዓኣሮኔ ናኣዚ ዓላዜሬያ ሃይቄ ጊቢዓሚይዳ ዳኡቴኔ፤ ዩና ቤዜላ ገመራዳ ዔፕሬኤመ ዓጮይዳ ዓኣያ፣ ሃሢ ዲዛኮ ናኣዚ ፒንሃሴ ናንጋንዳጉዲ ዲንጊንቴ ዳካ ካታማኬ።

24:30 ዲያ. 19:49-50። **24:32** ማዢ. ማፃ 33:19፤ 50:24-25፤ ኬሲ. ማፃ 13:19፤ ዮሃ. 4:5፤ ዳኪ. ማዶ 7:16።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929